

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355



देवसुरतपागच्छसमाचारीसंरक्षक-सुविहितसिध्धांतपालक
बहुश्रुतोपासक-गीतार्थ-चारित्रचूडामणि-आगमोधारक पूज्यपादआचार्यदेवेश
श्रीआनंदसागरसूरीश्वरजीमहाराजा संशोधित-संपादित ४५आगमेषु

॥ श्रीउत्तराध्ययनसूत्रं ॥

♦ आलेखन कार्य - प्रेरक - वाहक: ♦

प्रवचन प्रभावक पू. आ. श्री हेमचन्द्रसागरसूरिजी म.सा. शिष्यरत्न पू. गणिवर्य श्री पूर्णचन्द्रसागरजी म.सा.

♦ आलेखन कार्य वाहक संस्था ♦

पूज्यपाद सागरजी महाराजा संस्थापित जैनानंद पुस्तकालय - सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये किंचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અમ્હારિસા પાળી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ્ જિણાગમો ॥

દુષ્મકાળે જિનાગમ-જિન પ્રતિમા ભવિયણ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપદીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરુ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરુ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુપુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવદ્વિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજયાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકારૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્ત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઈતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાયારની વૃધ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદશ્વતાના વારસાને તે ગુરૂદેવશ્રીના અન્તિમ સમયના “ આગમો કા અભ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

સૌજન્ય

સં. ૨૦૫૮ વર્ષે શ્રી સિધ્ધક્ષેત્ર મોટી ટોળી જૈન સંઘના ઉપક્રમે પૂ.મુનિ શ્રી પૂર્ણચન્દ્રસાગરજી મ.સા.ના ચાતુર્માસમાં પર્યુષણ પર્વ દરમ્યાન વાર્ષિક કર્તવ્ય-૧૧ પૈકીના શ્રુતભક્તિના કર્તવ્યની પ્રેરણાને અવલંબી પાલીતાણા નિવાસી શ્રમણોપાસિકા નિર્મલાબેન હીરાલાલ અમૃતલાલ સલોતના ૬૪ પ્રહરી પૌષધ નિમિત્તે સ્વ. હીરાલાલ અમૃતલાલ સલોત પરિવાર પુત્ર-ભરતભાઈ-તરૂણભાઈ-ધીરેનભાઈ પુત્રી-પારૂલ, પૌત્રી-રૂચી ભરતભાઈ-માનસી ભરતભાઈ- દીશા ભરતભાઈ-સેલજી તરૂણભાઈ-ઈશા તરૂણભાઈ-નિશીતા ધીરેનભાઈ આદિ નિજલક્ષ્મી સદ્વ્યય દ્વારા આ આગમ ગ્રન્થ મુદ્રણનાં લાભ લીધેલ છે.

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ-બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ. ’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિહિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરુદેવને કોટી-કોટી વંદના...

॥ श्रीउत्तराध्ययनसूत्रं ॥

संजोगा विष्णुमुक्कस्स, अणगारस्स भिक्खुणो । विणयं पाउक्करिस्सामि, आणुपुब्बिं सुणेह मे ॥१॥ आणानिहेसकरे,
 गुरुणमुववायकारे । इंगियागारसंपत्ते, से विणीएत्ति वुच्चइ ॥२॥ आणाऽनिहेसकरे, गुरुणमणुववायकारे । पडिणीए असंबुद्धे,
 अविणीएत्ति, वुच्चइ ॥३॥ जहा सुणी पूइकणी, णिक्कसिज्जइ सव्वसो । एवं दुस्सीलपडिणीए, मुहरी निक्कसिज्जइ ॥४॥ कणकुंडगं
 जहि (चइ)त्ताणं, विट्ठं भुंजइ सूयरो । एवं सीलं जहित्ताणं, दुस्सीले रमइ मिए ॥५॥ सुणियाऽभावं साणस्स, सूयरस्स नरस्स
 य । विणए ठविज्ज अप्पाणं, इच्छंतो हियमप्पणो ॥६॥ तम्हा विणयमेसिज्जा, सीलं पडिलभे जओ । बुद्ध (वु)त्ते नियागट्ठी,
 न निक्कसिज्जइ कण्हइ ॥७॥ णिसंते सिया अमुहरी, बुद्धाणमंतिए सया । अट्टजुत्ताणि सिक्खिज्जा, निरट्ठाणि ३ (वि) वज्जए
 ॥८॥ अणुसासिओ न कुप्पिज्जा, खंतिं सेवेज्ज पंडिए । बाले (खुड्डे)हिं सह संसग्गिं, हासं कीडं च वज्जए ॥९॥ मा य चंडालियं
 कासी, बहुयं मा य आलवे । कालेण य अहिजित्ता, ततो झाइज्ज इक्कओ ॥१०॥ आहच्च चंडालियं कट्ठु, न निण्हइज्ज कण्हइ
 । कंड कडंति भासिज्जा, अकडं नोकडंति य ॥११॥ मा गलियस्सेव कसं, वयणमिच्छे पुणो पुणो । कसं व दट्ठुमाइन्ने, पावगं

॥ श्रीउत्तराध्ययनसूत्रं ॥

१

पू. सागरजी म. संशोधित

परिवज्जइ (ए) ॥२॥ अणासवा थूलवया कुसीला, मिउं पि चंडं पकरंति सीसा । चित्ताणुया लहु दक्खोववेया, पसायए ते हु
 दुरासयंपि ॥३॥ णापुट्ठो वागरे किंचि, पुट्ठो वा नालियं वए । कोहं असच्चं कुव्विज्जा, धारिज्जा पियमप्पियं ॥४॥ अप्पामेव दमेयव्वो,
 अप्पा हु खलु दुद्धमो । अप्पा दंतो सुही होइ, अस्सिं लोए परत्थ य ॥५॥ वरं मे अप्पा दंतो, संजमेणं तवेण य । माज्जं परेहिं
 दम्मंतो, बंधणेहिं वहेहि य ॥६॥ पडिणीयं च बुद्धाणं, वाया अदुव कम्मुणा । आवि वा जइवा रहस्से, नेव कुज्जा कयाइवि ॥७॥
 ण पक्खओ ण पुरओ, णेव किच्चाण पिट्ठओ । न जुंजे उरुणा ऊरुं, सयणे ण पडिस्सुणे ॥८॥ नेव पल्हत्थियं कुज्जा, पक्खपिंडं
 व संजए । पाए पसारिए वावि, न चिट्ठे गुरुणंतिए ॥९॥ आयरिएहिं वाहितो (हित्तो), तुसिणीओ ण कयाइवि । पसायट्ठी नियागट्ठी,
 उवचिट्ठे गुरुं सया ॥१०॥ आलवंते लवंते वा, ण णिसीज्जा कयाइवि । चइत्ता आसणं धीरो, जओ जत्तं पडिस्सुणे ॥११॥ आसणगओ
 ण पुच्छिज्जा, णेव सिज्जागओ कया । आगम्मुक्कुडुओ संतो, पुच्छिज्जा पंजलीगडे ॥१२॥ एवं विणायजुत्तस्स, सुत्तं अत्थं तदुभयं ।
 पुच्छमाणस्स सिस्सस्स, वागरिज्ज जहासुयं ॥१३॥ मुसं परिहरे भिक्खू, न य ओहारिणीं वए । भासादोसं परिहरे, मायं च वज्जए
 सया ॥१४॥ ण लविज्ज पुट्ठो सावज्जं, न निरट्ठं न मम्मयं । अप्पणट्ठा परट्ठा वा, उभयस्संतरेण वा ॥१५॥ समरेसु अगारेसुं, गिहसंधिसु
 य महापहेसु । एगो एगित्थीए सद्धिं, नेव चिट्ठे न संलवे ॥१६॥ जं मे बुद्धाणुसासंति, सीएण (सीलेण) फरुसेण वा । मम
 लाभुत्ति पेहाए पयओ य (तं) पडिस्सुणे ॥१७॥ अणुसासणमोवायं, दुक्कडस्स य पेरे (प्र० चोय) णं । हियं तं मन्नए पन्नो, पीसंती

निष्पिष्टे फासुं वा घुसुलणे असंसत्तं । कत्तणि असंखचुन्नं चुन्नं वा जा अचोक्खलिणी ॥२॥ उवट्टणिऽसंसत्तेण वावि अट्ठील्लए
 न घट्टेइ । पिंजाणपमद्वणेसु य पच्छाकम्भं जहा(हिं) नत्थि ॥३॥ सेसेसु य पडिवक्खो न संभवइ कायगहणमाईसु । पडिवक्खस्स
 अभावे नियमा उ भवे तयगहणं ॥४॥ सच्चित्ते अच्चित्ते मीसग उम्मीसगंमि चउभंगो । आइतिए पडिसेहो चरिमे भंगंमि भयणा
 उ ॥५॥ जह चेव य संजोगा कायाणं हेट्टओ य साहरणे । तह चेव य उम्मीसे होइ विसेसो इमो तत्थ ॥६॥ दायव्वमदायव्वं
 च दोऽवि दव्वाइं देइ मीसेउं । ओयणकुसुणाईणं साहरण तयन्नहिं छोढुं ॥७॥ तंपिय सुक्के सुक्कं भंगा चत्तारि जह उ साहरणे ।
 अप्पबहुएऽवि चउरो तहेव आइन्ऽणाइन्ने ॥८॥ अपरिणयंपिय दुविहं दव्वे भावे य दुविहमेक्केक्कं । दव्वंमि होइ छक्कं भावंमि
 य होइ सज्झिलगा ॥९॥ जीवत्तंमि अविगए अपरिणयं परिणयं गए जीवे । दिट्ठंतो दुद्धदही इय अपरिणयं परिणयं तं च ॥१०॥
 दुगमाई सामन्ने जइ परिणमई उ तत्थ एगस्स । देमिति न सेसाणं अपरिणयं भावओ एयं ॥१॥ एगेण वावि एसिं मणंमि परिणाभियं
 न इयेरेणं । तंपि हु होइ अगिज्झं सज्झिलगा सामि साहू वा ॥२॥ घेत्तव्वमलेवकडं लेवकडे माहु पच्छकम्भाई । न य रसगेहिपसंगो
 इअ वुत्ते चोयगो भणइ ॥३॥ जइ पच्छकम्भदोसा हवंति मा चेव भुंजऊ सययं । तवनियमसंजमाणं चोयग ! हाणी खमंतस्स
 ॥४॥ लित्तंति भाणिऊणं छम्मासा हायए चउत्थं तु । आयंबिलस्स गहणं असंथरे अप्पलेवं तु ॥५॥ आयंबिलपारणए छम्मास
 निरंतरं तु खविऊणं । जइ न तरह छम्मासे एगदिणूणं तओ कुणउ ॥६॥ एवं एक्केक्कदिणं आयंबिलपारणं खवेऊणं । दिवसे दिवसे

॥ श्रीउत्तराध्ययनसूत्रं ॥

३

पू. सागरजी म. संशोधित

गिणहउ आर्यंबिलमेव निल्लेवं ॥७॥ जइ से न जोगहाणी संपइ एसे व होइ तो खमओ । खमणंतरेण आर्यंबिलं तु नियमं तवं
 कुणइ ॥८॥ हेढावणि कोलसगा सोवीरगकूरभोइणो मणुया । जइ तेऽवि जवेति तहा किं नाम जई न जाविति ? ॥९॥ तिय
 सीयं समणाणं तिय उणह गिहीण तेणऽणुत्रायं । तक्काईणं गहणं कट्टरमाईसु भइयव्वं ॥१०॥ आहारउवहिसेजा तिणिणवि उणहा
 गिहीण सीएऽवि । तेण उ जीरइ तेसिं दुहओ उसिणेण आहारो ॥१॥ एयाइं चिय तिन्निवि जईण सीयाइं होति गिम्हेवि । तेणुविहम्मइ
 अग्गी तओ य दोसा अजीराई ॥२॥ ओयणमंडगसत्तुगकुम्मासारायमासकलवट्टा । तूयरिमसूरभुग्गा मासा य अलेवडा सुक्का ॥३॥
 उब्भिज्जपिज्जकंगू तक्कोल्लणसूवकंजिकढियाई । एए उ अप्पलेवा पच्छाकम्मं तहिं भइयं ॥४॥ खीर दहि जाउ कट्टर तेल्ल घेयं फाणियं
 सपिंडरसं । इच्चाई बहुलेवं पच्छाकम्मं तहिं नियमा ॥५॥ संसट्ठेयरहत्थो मत्तोऽविय दव्व सावसेसियरं । एएसु अट्ठ भंगा नियमा
 गहणं तु ओएसु ॥६॥ सच्चित्ते अचित्ते मीसग तह छड्डणे य चउभंगो । चउभंगे पडिसेहो गहणे आणाइणो दोसा ॥७॥ उसिणस्स
 छड्डणे देतओ व डज्जेज्झ कायदाहो वा । सीयपडणांमि काया पडिए महुबिंदुआहरणं ॥८॥ णामं ठवणा दविए भावे घासेसणा
 मुणेयव्वा । दव्वे मच्छाहरणं भावांमि य होइ पंचविहा ॥९॥ चरियं व कप्पियं वा आहरणं दुविहमेव नायव्वं । अत्थस्स साहणट्ठा
 इंधणमिव ओयणट्ठाए ॥१०॥ अह मंसंमि पहीणे झायंतं मच्छियं भणइ मच्छो । किं झायसि तं एवं ? सुण ताव जहा अहिरिओऽसि
 ॥१॥ तिबलागमुहुम्मुक्को, तिक्खुत्तो वलयामुहे । तिसत्तक्खुत्तो जालेणं, सइ छिन्नोदए दहे ॥२॥ एयारिसं ममं सत्तं, सढं घट्टियघट्टणं ।

इच्छसि गलेण घेतुं, अहो ते अहिरीयया ॥३॥ बायालीसेसणसंकडंमि गहणंमि जीव ! न हु छलिओ । इण्हं जह न छलिजसि भुंजंतो रागदोसेहिं ॥४॥ घांसेसणा उ भावे होइ पसत्था तहेव अपसत्था । अपसत्था पंचविहा तव्विवरीया पसत्था उ ॥५॥ दव्वे भावे संजोअणा उ दव्वे दुहा उ बहि अंतो । भिक्खं चिय हिंडंतो संजोयंतंमि बाहिरिया ॥६॥ खीरदहिसूवकट्टरलंभे गुडसप्पिवडगवालुंके । अंतो उ तिहा/पाए लंबण वयणे विभासा उ ॥७॥ संजोयणाए दोसो जो संजोएइ भत्तपाणं तु । दव्वाइ रसहेउं वाघाओ तस्सिमो होइ ॥८॥ संजोयणा उ भावे संजोएऊण ताणि दव्वाइ । संजोयइ कम्मेणं कम्मेण भवं तओ दुक्खं ॥९॥ पत्ते य पउरलंभे भुत्तुव्वरिए य सेसगमणट्ठा । दिट्ठो संजोगो खलु अह क्कमो तस्सिमो होइ ॥१०॥ रसहेउं पडिसिद्धो संजोगो कप्पए गिलाणट्ठा । जस्स व अभत्तछंदो सुहोचिओऽभाविओ जो य ॥१॥ बत्तीसं किर कवला आहारो कुच्छिपूरओ भणिओ । पुरिसस्स महिलियाए अट्ठावीसं भवे कवला ॥२॥ एत्तो किणाइ हीणं अब्बं अब्बऽब्बगं च आहारं । साहुस्स बिंति धीरा जायामायं च ओमं च ॥३॥ पगामं च निगामं च जो पणीयं भत्तपाणमाहारे । अइबहुयं अइबहुसो पमाणदोसो मुणेयव्वो ॥४॥ बत्तीसाइ परेणं पगाम निच्चं तमेव उ निकामं । जं पुण गलंतनेहं पणीयमिति तं बुहा बेति ॥५॥ अइबहुयं अइबहुसो अइप्पमाणेण भोयणं भोत्तुं । हाएज्ज व वामिज्ज व मारिज्ज व तं अजीरंतं ॥६॥ बहुयातीयमइबहुं अइबहुसो तिन्नि तिन्नि व परेणं । तं चिय अइप्पमाणं भुंजइ जं वा अतिप्पंतो ॥७॥ हियाहारा मियाहारा, अप्पाहारा य जे नरा । न ते विज्जा तिगिच्छंति, अप्पाणं ते तिगिच्छगा ॥८॥

तेल्लदहिसमाओया अहिओ खीरदहिकंजियाणं च । पथं पुण रोगहरं न य हेऊ होइ रोगस्स ॥९॥ अदधमसणस्स सव्वंजणस्स
 कुज्जा दवस्स दो भागे । वाऊपवियारणट्ठा छब्भायं ऊणयं कुज्जा ॥६५०॥ सीओ उसिणो वेस्सं भवइ असाहुणो ॥८॥ हियं
 विगयभया बुद्धा, फरुसमप्पणुसासणं । वेस्सं तं होइ मूढाणं, खंतिसुद्धि (सोहि) करं पयं ॥९॥ आसणे उवचिद्धिज्जा,
 अनुच्चेऽकुक्कुए (अकुए) थिरे । अप्पुत्थाई निरुत्थाई, निसीज्जा अप्पकुक्कुई ॥३०॥ कालेण णिक्खमे भिक्खू, कालेण य पडिक्कमे ।
 अकालं च विवज्जित्ता, काले कालं समाये ॥१॥ परिवाडिए ण चिद्धिज्जा, भिक्खू दत्तेसणं चरे । पडिरुवेण एसित्ता, मियं
 कालेण भक्खए ॥२॥ नाइदूरे अणासणो, नज्जेसिं चक्खुफासओ । एगो चिद्धेज्ज भत्तट्ठं (ड्डी), लंघित्ता तं नऽइक्कमे ॥३॥ नाइउच्चे
 नाइनीए (व नीए वा), नासन्ते नाइदूरओ । फासुयं परकडं पिंडं, पडिगाहिज्ज संजए ॥४॥ अप्पपाणेऽप्पबीए वा, पडिच्छन्ते य
 संवुडे । समयं संजओ भुंजे, जयं अप्परिसाडियं ॥५॥ सुकडंति सुपक्कंति, सुछिन्नं, सुहडे मडे । सुनिद्धिए सुलद्धित्ति, सावज्जं वज्जए
 मुणी ॥६॥ रमए पंडिए सासं, हयं भदं व वाहए । बालं सम्मइ सासंतो, गलिअस्समि(स्सं) व वाहए ॥७॥ खड्डुयाहिं चवेडाहिं,
 अक्कोसेहिं वहेहि य (प्र० खड्डुया मे चवेडा मे, अक्कोसा य वहा य मे) । कल्लाणमणुसासंतं (संतो), पावदिद्धित्ति मन्नइ ॥८॥
 पुत्तो मे भाय नाइत्ति, साहू कल्लाण मन्नइ । पावदिट्ठी उ अप्पाणं, सासं दासं व मन्नइ ॥९॥ ण कोवए आयरियं, अप्पाणंपि
 ण कोवए । बुद्धोवधाई न सिया, न सिया तोत्तगवेसए ॥४०॥ आयरियं कुवियं नच्चा, पत्तिएणं पसायए । विज्झविज्जा पंजलिउडे,

॥ श्रीउत्तराध्ययनसूत्रं ॥

६

पू. सागरजी म. संशोधित

वएज्जा न पुणोत्ति य ॥१॥ धम्मज्जियं च ववहारं, बुद्धेहाऽऽयरियं सया । तमायरंतो ववहारं (मेहावी), गरहं नाभिगच्छइ ॥२॥
मणो गयं (रुइं) वक्कगयं, जाणित्ताऽऽयरियस्स ३ । तं परिगिज्झ वायाए, कम्मुणा उववायाए ॥३॥ वित्ते अचोइए खिण्णं (निच्चं),
खिण्णं हवइ सुचोयाए (पसत्रे थामवं करे) । जहोवइट्ठं सुकडं, किच्चाइं कुव्वई सया ॥४॥ णच्चा णमइ मेहावी, लोए किच्ची
य (सि) जायइ । किच्चाणं सरणं होइ, भूयाणं जगई जहा ॥५॥ पुज्जा जस्स पसीयंति संबुद्धा पुव्वसंथुया । पस्स (संप) न्ना
लंभइस्संति, विउलं अट्ठियं सुयं ॥६॥ स पुज्जसत्थे सुविनीयसंसए, मणिच्छियं (मणोरुई) संपयमुत्तमं गया (चिट्ठइ कम्मसंपयं) ।
तवोसमायारीसमाहिसंबुडे, महजुई पंच वयाइं पालिया ॥७॥ सदेवगंधिक्कमणुस्सपूइए, चइत्तु देहं मलपंकपुव्वयं । सिद्धे वा हवइ
सासए, देवे वा अप्परए महिडिढए ॥८॥ ति बेमि, विणयज्झयणं १ ॥

सुयं मे आउसंतेणं भगवया एवमक्खायं इह खलु बावीसं परीसहा समणेण भगवया महावीरणं कासवेणं पवेइया जे भिक्खू
सुच्चा नच्चा जिच्चा अभिभूय भिक्खायरियाए परिव्वयंतो पुट्ठो नो विनिहत्तेज्जा, कयरे ते खलु बावीसं ५० जे०?, इमे खलु ते
बावीसं ५० जे० तंजहा दिंगिछापरीसहे पिवासापरीसहे सीयपरीसहे उसिणपरीसहे दंसमसगपरीसहे अचेलपरीसहे अरइपरीसहे
इत्थीपरीसहे चरियापरीसहे निसीहीयापरीसहे सिज्जापरीसहे १० अक्कोसपरीसहे वहपरीसहे जायणापरीसहे अलाभपरीसहे रोगपरीसहे
तणफासपरीसहे जल्लपरीसहे सक्कारपुरक्कारपरीसहे पण्णापरीसहे अन्नाणपरीसहे दंसण (सम्भत्त) परीसहे २२।१। 'परीसहाणं'

पविभत्ती, कासवेणं पवेइया। ते (तं) भे उदाहरिस्सामि, आणुपुब्बिं सुणेह मे ॥९॥ दिगिंछापरिगते देहे (छापरियावेणं), तवस्सी
 भिक्खु थामवं। न छिंदे न छिंदावए, न पए न पयावए ॥५०॥ कालीपव्वंगसंकासे, किसे धमणिसंतए। मत्त(माय)त्रोऽसणपाणस्स,
 अदीणमणसो चरे ॥१॥ तओ पुट्ठो पिवासाए, दुगुंछी लज्ज(द्ध)संजमे। सीओदगं ण सेवेज्जा, वियडस्सेसणं चरे ॥२॥ छिन्नावाएसु
 पंथेसुं, आउरे सुपिवासिए। परिसुक्कमुहेऽदीणे, सब्बतो य परिब्बए (तं तित्तिक्खे परीसहं) ॥३॥ चरंतं विरयं लूहुं, सीयं फुसइ एगया।
 नाइवेलं विहत्तिज्जा, पावदिट्ठी विहत्तिइ (मुणी गच्छे, सोच्चाणं जिणसासणं) ॥४॥ ण मे णिवारणं अत्थि, छवित्ताणं न विज्जइ।
 अहं तु अग्गिं सेवामि, इइ भिक्खू न चिंतए ॥५॥ उसिणपरितावेण, परिदाहेण तज्जिओ। धिंसु वा परितावेणं, सायं ण परिदेवए ॥६॥
 उण्हाहितत्तो मेहावी, सिणाणं नाभि (णो वि) पत्थए। गायं न परिसिंचेज्जा, न विंजि(वीइ)ज्जा य अप्पयं ॥७॥ पुट्ठो य दंसमसएहिं,
 समरे व महामुणी। नागो संगामसीसे व, सूरु अग्गिभवे परं ॥८॥ ण संतसे ण वारिज्जा, मणंपि णो पउस्सए। उवेहे नो ह्णो पाणे,
 भुंजंते मंससोणिए ॥९॥ परिजुत्तेहिं वत्थेहिं, होक्खाभित्ति अचेलए। अदुवा सचेलए होक्खं, इइ भिक्खू न चिंतए ॥६०॥ एगया
 अचेलए (अचेलए सयं) होइ सचेले यावि एगया। एयं धम्महियं णच्चा, नाणी णो परिदेवए ॥१॥ गामाणुगामं रीयंतं,
 अणगारमकिंचणं। अरइ अणुप्पविसे, तं तित्तिक्खे परीसहं ॥२॥ अरइं पिट्ठओ किच्चा, विरओ आयरक्खिए। धम्मारामे निरारंभे,
 उवसंते मुणी चरे ॥३॥ संगो एस मणुस्साणं, जाओ लोगंसि इत्थिओ। जस्स एया परिण्णाया, सुकडं (रं) तस्स सामण्णं ॥४॥

॥ श्रीउत्तराध्ययनसूत्रं ॥

८

पू. सागरजी म. संशोधित

एवमादाय मेहावी, पंकभूयाउ इत्थिओ (जहा एया लहुस्सगं)। न ताहिं विणिहण्णिज्जा, चरे अत्तगवेसए ॥५॥ एग एव चरे लाढे, अभिभूय परीसहे। गामे वा नगरे वावि, णिगमे वा रायहाणिए ॥६॥ असमाणो चरे भिक्खू, नेव कुज्जा परिग्गहं। असंसत्तो गिहत्येहिं, अनिकेओ परिव्वए ॥७॥ सुसाणे सुन्नगारे वा, रुक्खमूले य एगओ। अकुक्कुए निसीएज्जा, न य वित्तासए परं ॥८॥ तत्थ से चिट्ठमाणस्स वसगगेऽभिधारए (उवसगभयं भवे)। संकाभीओ न गच्छेज्जा, उट्ठित्ता अण्णमासणं ॥९॥ उच्चावयाहिं सिज्जाहिं, तवस्सी भिक्खु थामवं। णाड्वेलं विहण्णिज्जा, पावदिट्ठी विहण्णइ ॥१०॥ पडरिक्खवस्सयं लब्धुं, कल्लाणं अदुव पावगं। किमेगरायं करिस्सइ?, एवं तत्थऽहियासए ॥११॥ अक्कोसेज्ज परो भिक्खुं, न तेसिं पइ संजले। सरिसो होइ बालाणं, तम्हा भिक्खू न संजले ॥१२॥ सोच्चाणं फरुसा भासा, दारुणे गामकंटए। तुसिणीओ उवेक्खिज्जा, ण ताओ मणसीकरे ॥१३॥ हओ ण संजले भिक्खू, मणंपि णो पउस्सए। तित्तिक्खं परमं णच्चा, भिक्खुधम्मंमि चिंतए ॥१४॥ समणं संजयं दंतं, हणिज्जा कोऽवि कत्थवि। नत्थि जीवस्स नासुत्ति, न य पेहे असाधुयं (एवं पेहिज्ज संजतो) ॥१५॥ दुक्करं खलु भो! णिच्चं, अणगारस्स भिक्खुणो। सव्वं से जाइयं होइ, नत्थि किंचि अजाइयं ॥१६॥ गोयरगपविट्ठस्स, हत्थे नो सुप्पसारए। सेओ अगारवासोत्ति, इइ भिक्खू न चिंतए ॥१७॥ परेसु गासमेसिज्जा, भोयणे परिणिट्ठिए। लब्धे पिंडे आहारिज्जा, अलब्धे नाणुतप्पए (नाणुतप्पिज्ज, पंडिए) ॥१८॥ अज्जेवाहं ण लब्भामि, अवि लाभो सुए सिया। जो एवं पडिसंचिक्खे, अलाभो तं न तज्जए ॥१९॥ णच्चा उप्पइयं दुक्खं, वेदणाए दुहट्ठि (ट्ठि) ए। अदीणो ठावए पण्णं, पुट्ठो

तत्थऽहियासए ॥८०॥ तेगिच्छं नाभिनंदिजा, संचिक्खऽत्तगवेसए। एयं खु तस्स सामण्णं, जं न कुज्जा न कारवे ॥१॥ अचेलगस्स लूहस्स, संजयस्स तवस्सिणो। तणेसु सुयमाणस्स, हुज्जा गायविराहणा ॥२॥ आयवस्स निवाएणं, तिदु(अउ)ला हवइ वेयणा। एयं णच्चा न सेवन्ति, तंतयं (तंतुजं) तणतजिया ॥३॥ किलिन्नगाए मेहावी, पंकेणं वरणे वा। धिंसु वा परितावेणं, सायं नो परिदेवए ॥४॥ वेएज्ज निज्जरापेही, आरियं धम्मणुत्तरं। जाव सरीरभेओत्ति, जल्लं काएण धारए ॥५॥ अभिवादणं अभ्भुट्ठाणं, सामी कुज्जा निमंतणं। जे ताइं पडिसेवन्ति, न तेसिं पीहए मुणी ॥६॥ अणुक्कसाई अप्पिच्छे, अण्णाएसी अलोलुए। रसेसु नाणुगिज्झिज्जा, नाणुतप्पिज्ज पण्णावं ॥७॥ से नूणं मए पुव्वं, कम्माऽणाणफला कडा। जेणाहं नाभिजाणामि, पुट्ठो केणइ कणहुई ॥८॥ अह पच्छा उइज्जंति, कम्माऽणाणफला कडा। एवमासासिअऽप्पाणं, णच्चा कम्मविवागयं ॥९॥ निरद्वगं मि विरओ, मेहुणाओ सुसंवुडो। जो सक्खं नाभिजाणामि, धम्मं कल्लाण पावगं ॥१०॥ तवोवहाणमायाय, पडिमं पडिवजिया(जओ)। एवंपि मे विहरओ, छउमं ण णियद्वति ॥१॥ णत्थि णूणं परे लोए, इइढी वावि तवस्सिणो। अदुवा वंचिओ मित्ति, इइ भिक्खू ण चिंतए ॥२॥ अभू जिणा अत्थि जिणा, अदुवावि भविस्सइ। मुसं ते एवमाहंसु, इति भिक्खू न चिंतए ॥३॥ एए परीसहा सव्वे, कासवेण पवेइया। जे भिक्खू ण विहण्णिस्स, पुट्ठो केणइ कणहुइ ॥१४॥ त्ति बेमि। परीसहज्झयणं ॥२॥

चत्तारिं सस्मिणाणि, दुल्लहाणिह जंतुणो। माणुसत्तं सुई सद्धा, संजमंमि य वीरियं ॥१५॥ समावण्णाण संसारे, णाणागोत्तासु

॥ श्रीउत्तराध्ययनसुत्रं ॥

१०

पू. सागरजी म. संशोधित

जाइसु। कम्मा णाणाविहा कट्टु, पुढो विस्संभिया पया ॥६॥ एगया देवलोणसु, नरएसुवि एगया। एगया आसुरे काये, आहाकम्मेहिं गच्छइ ॥७॥ एगया खत्तिओ होइ, तओ चंडालबुक्कसो। तओ कीडपयंगो य, तओ कुंथू पिवीलिया ॥८॥ एवमावट्टजोणीसु, पाणिणो कम्मकिव्विसा। ण णिव्विजंति संसारे, सव्वट्टेसु (३ ३) व खत्तिया ॥९॥ कम्मसंगेहिं समूढा, दुक्खिया बहुवेयणा। अमाणुसासु जोणीसु, विणिहम्मंति पाणिणो ॥१००॥ कम्माणं तु पहाणाए, आणुपुव्वी कयाइ ३। जीवा सोहिमणुप्पत्ता, आययंति (जायन्ते) मणुस्सयं ॥१॥ माणुस्सं विग्गहं लद्धं, सुती धम्मस्स दुल्लहा। जं सोच्या पडिवज्जंति, तवं खंतिमहिंसयं ॥२॥ आहच्च सवणं लदधुं, सद्धा परमदुल्लहा। सोच्या णेयाउयं मगं, बहवे परिभस्सइ ॥३॥ सुइं च लदधुं सद्धं च, वीरियं पुण दुल्लहं। बहवे रोयमाण्णावि, णो य णं पडिवज्जइ ॥४॥ माणुसत्तंमि आयाओ, जो धम्मं सोच्च सहहे। तवस्सी वीरियं लदधुं, संवुडो निदधुणे रयं ॥५॥ सोही उज्जुभूयस्स, धम्मो सुद्धस्स चिट्ठति। णिव्वाणं परमं जाइ, घयसित्तेव पावाए ॥६॥ विगिंच कम्मुणो हेउं, जसं संचिणु खंतिए। पाढवं सरीरं हिच्चा, उइढं पक्कमती दिसं ॥७॥ विसालिसेहिं सीलेहिं, जक्खा उत्तरउत्तरा। महासुक्का व दिप्पंता, मन्नंता अपुणोच्चयं ॥८॥ अप्पिया देवकामाणं, कामरूवविउव्विणो। उइढं कप्पेसु चिट्ठंति, पुव्वा वाससया बहू ॥९॥ तत्थ ठिच्चा जहाठाणं, जक्खा आउक्खए चुया। उवेति माणुसं जोणिं, से दसंगेऽभिजायइ ॥११०॥ खित्तंवत्थु हिरण्णं च, पसवो दासपोरुसं। चत्तारि कामखंधाणि, तत्थ से उववज्जइ ॥१॥ मित्तवं नाइवं होइ, उच्चागोत्ते य वण्णवं। अप्पायंके महापत्ते, अभिजायजसोबले ॥२॥ भोच्चा माणुस्सए भोए,

अण्डिरूवे अहाउयं। पुर्वि विसुद्धसद्धम्मे, केवलं बोहि बुज्झिया ॥३॥ चउरंगं दुल्लभं मच्चा, संजमं पडिवज्जिया। तवसा धुतकम्मसे, सिद्धे भवति सासए ॥४॥ चाउरंगिज्जज्झयणं ॥३॥

असंख्यं जीविय मा पमायए, जरोवणीयस्स हु नत्थि ताणं। एवं (णं) वियाणाहि जणे पमत्ते, कन्नू विहिंसा अजया गहिंति ॥५॥ जे पावकम्मेहिं धणं मणुस्सा, समाययंती अमतिं गहाय। पहाय ते पासपयट्टिए नरे, वेराणुबद्धा नरयं उवेति ॥६॥ तेणे जहा संधिमुहे गहीए, सकम्मुणा किच्चइ पावकारी ॥ एवं पया पिच्छ (च्च) इहं च लोए, कडाण कम्माण न मोक्खो अत्थि ॥७॥ संसारमावृत्र परस्स अट्ठा, साहारणं जं च करेति कम्मं। कम्मस्स ते तस्स उ वेयकाले, न बंधवा बंधवयं उवेति ॥८॥ वित्तेण ताणं न लभे पमत्ते, इमंमि लोए अदुवा परत्थ। दीवप्पणट्ठे व अणंतमोहे, नेयाउयं ददत्तुमददत्तुमेव ॥९॥ सुत्तेसु आवी पडिबुद्धजीवी, नो विस्ससे पंडियआसुप्पन्ने। घोरा मुहुत्ता अबलं सरीरं, भारंडपक्खीव चरप्पमत्तो ॥१०॥ चरे पयाइं परिसंकमाणो, जंकिंचि पासं इह मन्नमाणो। लाभंतरे जीविय वूहइत्ता, पच्छा परिणायमलावधंसी ॥१॥ छंदं णिरोहेण उवेति मुक्खं, आसे जहा सिक्खियवम्मधारी। पुव्वाइं वासाइं चरप्पमत्तो, तम्हा मुणी खिप्पमुवेति मुक्खं ॥२॥ स पुव्वमेवं ण लभेज्ज पच्छा, एसोवमा सासयवाइयाणं। विसीदति सिढिले आउयंमि, कालोवणीए सरीरस्स भेए ॥३॥ खिप्पं न सक्केइ विवेगमेउं, तम्हा समुट्ठाय पहाय कामे। समेच्च लोअं (लाभं) समता महेसी, आयाणरक्खी चरमप्पमत्तो ॥४॥ मुहं मुहं मोहगुणे जयंतं, अणेगरूवा समणं चरंतं। फासा फुसंति असमंजसं च, ण तेसु

॥ श्रीउत्तराध्ययनसूत्रं ॥

१२

पू. सागरजी म. संशोधन

भिक्षू मणसा पउस्से ॥५॥ मंदा य फासा बहुलोभणिजा, तहप्पंगारेसु मणं ण कुज्जा। रक्खेज्ज कोहं विणएज्ज माणं, मायं ण सेवेज्ज पहिज्ज लोहं ॥६॥ जे संख्या तुच्छपरप्पवादी, ते पेज्जदोसाणुगया परज्झा। एए अहम्भुत्ति दुगुंछमाणो, कंखे गुणे जाव सरीरभेए ॥१२७॥ त्ति बेमि, असंखिज्जज्झयणं ॥४॥

अण्णवंसि महोहंसि, एगे तरइ दुरुत्तरं। तत्थ एगे महापण्णे, इमं पण्हमुदाहरे ॥८॥ संतिमेय(ए)दुवे ठाणा, अक्खाया मारणंतिया। अकाममरणं चेव, सकाममरणं तहा ॥९॥ बालाणं अकामं तु, मरणं असत्तिं भवे। पंडियाणं सकामं तु, उक्कोसेण सत्तिं भवे ॥१३०॥ तत्थिमं पढमं ठाणं, महावीरेण देसियं। कामगिन्दे जहा बाले, भिसं कूराणि कुव्वति ॥१॥ जे गिन्दे कामभोगेसु, एगे कूडाय गच्छइ। ने मे दिट्ठे परे लोए, चक्खुदिट्ठा इमा रती ॥२॥ हत्थागया इमे कामा, कालिया जे अणागया। को जाणइ परे लोए, अत्थि वा नत्थि वा पुणो? ॥३॥ जणेण सद्धिं होक्खामि, इति बाले पगम्भइ। कामभोगाणुरागेणं, केसं संपडिवज्जइ ॥४॥ तओ (तउसे) दंडं समारभति, तसेसुं थावरेसु य। अट्ठाए य अणट्ठाए, भूयगामं विहिंसइ ॥५॥ हिंसे बाले मुसावाई, माइल्ले पिसुणे सढे. भुंजमाणे सुरं मंसं, सेयमेयंति मन्नइ ॥६॥ कायसा वयसा मत्ते, वित्ते गिन्दे य इत्थिसु। दुहओ मलं संचिणइ, सिसुनागुव्व मट्ठियं ॥७॥ तओ पुट्ठो आयंकेण, गिलाणो परितप्पति। पभीओ परलोगस्स, कम्माणुप्पेही अप्पणो ॥८॥ सुया मे णरए ठाणा, असीलाणं च जा गती। बालाणं कूरकम्माणं, पगाढा जत्थ वेयणा ॥९॥ तत्थोववाइयं ठाणं, जहा मे तमणुस्सुयं। आहाकम्भेहिं

गच्छन्तो, सो पच्छा परितप्पति ॥१४०॥ जहा सागडिओ जाणं, सम्मं हिच्चा महापहं । विसमं मग्गमोत्तिण्णो (गाढो), अक्खे भग्गंमि सोयइ ॥१॥ एवं धम्मं विउक्कम्म, अहम्मं पडिवज्जिया । बाले मच्चुमुहं पत्ते, अक्खे भग्गेव सोयइ ॥२॥ तओ से मरणंतंमि, बाले संतस्सई भया । अकाममरणं मरई, धुत्ते वा कलिणा जिए ॥३॥ एयं अकाममरणं, बालाणं तु पवेइयं । इत्तो सकाममरणं, पंडियाण सुणेह मे ॥४॥ मरणंमि सपुण्णाणं, जहा मे तमणुस्सुयं । विप्पसण्णमणाघायं, संजयाणं वुसीमओ ॥५॥ न इमं सव्वेसु भिक्खूसु, ण इमं सव्वेसु गारिसु । नाणासीला य गारत्था, विसमसीला य भिक्खुणो ॥६॥ संति एगेहिं भिक्खूहिं, गारत्था संजमुत्तरा । गारत्थेहि य सव्वेहिं, साहवो संजमुत्तरा ॥७॥ चीराजिणं निगिणिणं, जडी संघाडि मुंडिणं । एयाइंमि न तायंति, दुस्सीलं परियागतं ॥८॥ पिंडोलए व दुस्सीलो, नरगाओ न मुच्चइ । भिक्खाए वा गिहत्थे वा, सुव्वए कमती दिवं ॥९॥ अगारिसामाइयंगाइं सइढी काएण फासए । पोसहं दुहओ पक्खं, एगराइं न हावए ॥१५०॥ एवं सिक्खासमावन्नो, गिहवासेऽवि सुव्वओ । मुच्चति छवि पव्वाओ, गच्छे जक्खसलोगयं ॥१॥ अह जे संवुडे भिक्खू, दुण्हमेग (मण्ण) यरे सिया । सव्वदुक्खपहीणे वा, देवे वावि महिडिढए ॥२॥ उत्तराइं विमोहाइं, जुइमंताणुपुव्वसो । समाइण्णाइं जक्खेहिं, आवासाइं जसंसिणो ॥३॥ दीहाउया दित्तिमंत्ता (इडिढमंता), समिद्धा कामरूविणो । अहुणोववन्नसंकासा, भुज्जो अच्चिमालिप्पभा ॥४॥ ताणि ठाणाइं गच्छंति, सिक्खिर्त्ता संजमं तवं । भिक्खाए वा गिहत्थे वा, जे संति परिनिव्वुडा ॥५॥ तेसिं सुच्चा सपुज्जाणं, संजयाणं वुसीमओ । ण संतसंति मरणंते, सीलवंता बहुस्सुआ ॥६॥

तुलिया विसेसमायाय, दयाधम्मस्स खंतिए। विप्पसीइज्ज मेधावी, तहाभूएण अप्पणा॥७॥ तओ काले अभिप्पेए, सइढी
तालिसमंतिए। विणएज्ज लोमहरिसं, भेयं देहस्स कंखए॥८॥ अह कालंमि संपत्ते, आघायाय समुच्छयं। सकाममरणं मरति,
तिण्हमन्नयरं मुणी॥१५९॥ त्ति बेमि, अकाममरणिज्जज्झयणां५॥

जावंतज्जिजा पुरिसा, सव्वे ते दुक्खसंभवा(ते सव्वे दुक्खमज्जिया)। लुप्यंति बहुसो मूढा, संसारंमि अणंतए॥१६०॥ समिक्ख
पंडिए तम्हा (तम्हा समिक्ख मेहावी), पास जाइपहे बहू। अप्पणा (अत्तट्ठा) सच्चमेसेजा, मित्तिं भूएहिं कप्पए॥१॥ माया पिया
णहुसा भाया, भज्जा पुत्ता य ओरसा। नालं ते मम ताणाय, लुप्यंतस्स सकम्मुणा॥२॥ एयमट्ठं सपेहाए, पासे समियदंसणे। चिंध
गेहिं सणिहं च, ण कंखे पुव्वसंथवं॥३॥ गवासं मणिकुंडलं, पसवो दासपोरुसं। सव्वमेयं चइत्ताणं, कामरूवी भविस्ससि॥४॥
थावरं जंगमं चेव, धणं धणं उवक्खरं। पच्चमाणस्स कम्मेहिं, नालं दुक्खाउ मोयणे॥५॥ अभ्भत्तं सव्वओ सव्वं, दिस्स पाणें
पियाउ (उ)ए। न हणे पाणिणो पाणं, भयवेराओ उवरए॥६॥ आयाणं नरयं दिस्स, नायइज्ज तणामवि। दोगुंछी अप्पणो पाते,
दिन्नं भुंजेज्ज भोयणं॥७॥ इहमेगे उ मन्नंति, अप्पच्चक्खाय पावगं। आय (याऽऽ)रियं विदित्ताणं, सव्वदुक्खा विमुच्चइ॥८॥
भणंता अकरिंता य बंधमोक्खपइणिणो। वायाविरियमेत्तेणं, समासासेंति अप्पगं॥९॥ न चित्ता तायए भासा, कओ
विज्जाणुसासणं?। विसण्णा पावकम्मे (किच्चे)हिं, बाला पंडियमाणिणो॥१७०॥ जे केइ सररीसत्ता, वण्णे रूवे य सव्वसो।

मणसा कायवक्केणं (वयसा चेव), सव्वे ते दुक्खसंभवा ॥१॥ आवण्णा दीह मद्धाणं, संसारंमि अणंतए। तम्हा सव्वदिसं पस्सं (पप्प), अप्पमत्तो परिव्वए ॥२॥ बहिया उड्ढमायाय, नावकंखे कयाइवि। पुव्वकम्मक्खयट्ठाए, इमं देहमुदाहरे ॥३॥ विवि (गि) च्च कम्मणो हेउं, कालकंखी परिव्वए। मायं पिंडस्स पाणस्स, कडं लद्धूण भक्खए ॥४॥ सन्निहिं च न कुव्विज्जा, लेवमायाय संजए। पक्खी पत्तं समायाय, निखेक्खो परिव्वए ॥५॥ एसणासमिओ लज्जू, गामे अनियओ चरे। अप्पमत्तो पमत्तेहिं, पिंडवातं गवेसए ॥६॥ एवं से उयाहु अनुत्तरणाणी अनुत्तरदंसी अणुत्तरणाणदंसणधरे। अरहा णायपुत्ते भयवं वेसालीए वियाहिए (एवं से उदाहु अरिहा पासे पुरिसादाणीए भगवं वेसालीए बुद्धे परिणिव्वुए) ॥१७७॥ त्ति (बेमि, खुड्डागनियंठिज्जज्झयणं) ॥६॥

जहाऽऽएसं समुद्धिस्स, कोइ पोसेज्ज एलयं। ओयणं जवसं देज्जा, पोसेज्जावि सयंगणे ॥८॥ तओ स पुट्ठे परिव्वूढे, जायमेदे महोयरे। पीणिए विपुले देहे, आदेसं परिकंखए ॥९॥ जाव न (न्न) एज्जति (एइ) आएसो, ताव जीवति सेऽदुही। अह पत्तंमि आएसे, सीसं छेत्तूण भुज्जति ॥१८०॥ जहा खलु से ओरब्भे, आएसाए समीहिए। एवं बाले अहम्मिट्ठे, ईहति निरयाउयं ॥१॥ हिंसे (कोही) बाले मुसावाई, अद्धाणंमि विलोवए। अण्णदत्तहरे तेणे (बालो), माई कणहुहरे सढे ॥२॥ इत्थीविसयगिद्धे य, महारंभपरिग्गहे। भुंजमाणे सुरं मंसं, परिव्वूढे परंदमे ॥३॥ अयकक्करभोई य, तुंदिले चियलोहिए। आउयं नरए कंखे, जहाऽऽएसंव एलए ॥४॥ आसणं सयणं जाणं, वित्ते कामाणि (मे य) भुंजिया। दुस्साहडं धणं हिच्चा, बहुं संचिणिया रयं ॥५॥ ततो कम्मगुरू

जंतू, पच्युप्पण्णपरायणे। अएव्व आगयाऽऽएसे (कंखे), मरणंतंमि सोयति ॥६॥ तओ आउ परिक्खीणे, चुत्त ओ देहा विहिंसगा।
 आसुरियं दिसं बाला, गच्छंति अवसा तमं ॥७॥ जहा कागिणीए हेउं, सहस्सं हारए नरो। अपत्थं अंबगं भोच्चा, राया रज्जं तु
 हारए ॥८॥ एवं माणुस्सगा कामा, देवकामाण अंतिए। सहस्सगुणिया भुज्जो, आउं कामा य दिव्विया ॥९॥ अणेग वासा नउया,
 जा सा पण्णवओ ठिई। जाइं जीयंति(हारेति) दुम्मेहा, जाण(ऊणे) वाससयाउए ॥१०॥ जहा य तिण्णि वणिया, मूलं घेत्तूण
 निग्गया। एगोऽत्थ लभते लाभं, एगो मूलेण आगओ ॥१॥ एगो मूलंपि हारित्ता, आगओ तत्थ वाणिओ। ववहारे उवमा एसा, एवं
 धम्मेवि जाणह ॥२॥ माणुसत्तं भवे मूलं, लाभो देवगई भवे। मूलच्छेएण जीवाणं, नरगतिरिक्खत्तणं धुवं ॥३॥ दुहओ गती बालस्स,
 आवती वहमूलिया। देवत्तं माणुसत्तं च, जं जिए लोलुआसढे ॥४॥ ततो जिए सई होइ, दुविहं दुग्गतिं गते। दुल्लहा तस्स उम्भज्जा,
 अब्बाए सुचिरादवि ॥५॥ एवं जियं सपेहाए, तुलिया बालं च पंडियं। मूलियं ते पविस्संति, माणुसं जोणिमिंति जे ॥६॥ वेमायाहिं
 सिक्खाहिं, जे नरा गिहि सुव्वया। उव्वंति माणुसं जोणीं, कम्मसच्चा(ता)हु पाणिणो ॥७॥ जेसिं तु विउला सिक्खा, मूलियंते
 अतिच्छिया(अतिट्टिया)। सीलवंता सविसेसा, अदीणा जंति देवयं ॥८॥ एवं अदीणवं भिक्खुं, अगारि च विजाणिया। कहन्नु
 जिच्चमेलिकूखं, जिच्चमाणो न संविदे ॥९॥ जहा कुसग्गे उदयं, समुदेण समं मिणे। एवं माणुस्सगा कामा, देवकामाण अंतिए ॥२००॥
 कुसग्गमित्ता इमे कामा, सन्निरुद्धंमि आउए। कस्स हेउं पुरा काउं, जोगक्खेमं न संविदे? ॥१॥ इह कामानियट्ठस्स, अत्तट्ठे अवरज्झति।

सुच्या(पत्तो) नेयाउयं मगं, जं भुज्जो परिभस्सति॥२॥ इह कामा नियट्ठस्स, अत्तट्ठे नावरज्झति। पूतिदेहनिरोहेणं भवे देवेत्ति मे सुयं॥३॥ इडढी जुती जसो वत्तो, आउं सुहमणुत्तरे। भुज्जो जत्थ मणुस्सेसुं, तत्थ से उववज्जति॥४॥ बालस्स पस्स बालत्तं, अहम्मं पडिवज्जिआ(णो)। चिच्चा धम्मं अहम्मिट्ठे, नरएसूववज्जइ॥५॥ धीरस्स पस्स धीरत्तं, सव्वधम्माणुवत्तिणो। चिच्चा अधम्मं धम्मिट्ठे, देवेसु उववज्जइ॥६॥ तुलिआण बालभावं, अबालं चेव पंडिए। चइऊण बालभावं, अबालं सेवए मुणी॥२०७॥ ति बेमि, एलइज्जज्झयणं॥७॥

अधुवे असासयंमि (अधुवंमि मोहगहणए), संसारंमि दुक्खपउराए। किं नाम होज्ज तं कम्मयं?, जेणाहं दुग्गइं न गच्छेज्जा (ईतो मुच्चेज्जा)॥८॥ विजहित्तु पुव्वसंजोगं, न सिणेहं कहिंचि कुव्विज्जा। असिणेह सिणेहकरेहिं, दोसपउसे(ए)हिं मुच्चई भिक्खू॥९॥ तो नाणदंसणसमग्गो, हियनिस्सेसाए य सव्वजीवाणं। तेसिं विमोक्खणट्ठाए भासइ मुणिवरो विगयमोहो॥२१०॥ सव्वं गंथं कलहं च, विप्पजहे तहाविहं (हो) भिक्खू। सव्वेसु कामजाएसु, पासमाणो न लिप्पई ताई॥१॥ भोगामिसदोसविसत्रे, हियनिस्सेयसबुद्धिवोच्चत्थे। बाले य मंदए मूढे, बज्झए मच्छियाव खेलंमि॥२॥ दुप्परिच्चया इमे कामा, नो सुजहा अधीरपुरिसेहिं। अह संति सुव्वया साहू, जे तरंति अतरं वणियाव(वणियाव समुहं)॥३॥ समणा मु एगे वदमाणा, पाणवहं मिया अजाणंता। मंदा निरयं गच्छंति, बाला पावियाहिं दिट्ठीहिं॥४॥ न हु पाणवहं अणुजाणे, मुच्चेज्ज कयाइ सव्वदुक्खाणं। एवमारिएहिमक्खायं,

जेहिं इमो साहधम्मो पन्नत्तो ॥५॥ पाणे य नाइवाइज्जा, से समियत्ति वुच्चई ताई। तओ से पावयं कम्मं, निज्जाइ(णिण्णाइ) उदगं व
थलाओ ॥६॥ जगनिस्सिएहिं भूएहिं, तसनामेहिं थावरेहिं च (जगनिस्सियाणं भूयाणं, तसाणं थावराण य)। नो तेसिमारभे दंडं,
मणसावयसाकायसा चेव ॥७॥ सुद्धेसणा उ णच्चाणं, तत्थ ठवेज्ज भिक्खू अप्पाणं। जाताए घासमेसिज्जा, रसगिद्धे न सिया
भिक्खाए ॥८॥ पंताणि चेव सेविज्जा, सीयपिंडं पुराणकुम्मासं। अदु बुक्कसं पुलागं वा, जवणट्ठाए निसेव(डव)ए मंथुं ॥९॥ जे
लक्खणं च सुविणं च, अंगविज्जं च जे पउंजंति। न हु ते समणा वुच्चंति, एवं आयरिएहिं अक्खायं ॥२२०॥ इह जीवियं
अनियमित्ता, पब्भट्ठा समाहिजोगेहिं। ते कामभोगरसगिद्धा, उववज्जंति आसुरे काए ॥१॥ तत्तोऽविय उवट्ठित्ता, संसारं बहुं
(अणु)परियडंति। बहुकम्मलेवलित्ताणं, बोही होइ(जत्थ) सुदुल्लहा तेसिं ॥२॥ कसिणं पि जो इमं लोयं, पडिपुन्नं दलेज्ज एगस्स।
तेणावि से ण संतुस्से(तुसेज्जा), इइ दुप्पूरए इमे आया ॥३॥ जहा लाभो तहा लोभो, लाभो लोभो पवड्ढति। दोमासकयं कज्जं,
कोडीएवि न निट्ठियं ॥४॥ नो रक्खसीसु गिद्धेज्जा, गंडवच्छासु णेगचित्तासु। जाओ पुरिसं पलोभित्ता, खेळंति जहा व दासेहिं ॥५॥
नारीसु नो पगिज्झिज्जा, इत्थीविप्पजहे अणगारे। धम्मं च पेसलं णच्चा, तत्थ ठवेज्ज भिक्खू अप्पाणं ॥६॥ इइ एस धम्मे अक्खाए,
कविलेणं च विसुद्धपण्णेणं। तरिहंति जे उ काहंति, तेहिं आराहियां दुवे लोगु ॥२२७॥ त्ति बेमि, काविलिज्जज्झयणं ॥८॥

चइऊण देवलोगाओ उववन्नो माणुसंमि लोगंमि। उवसंतमोहणिज्जो सरती पोराणियं जाइ ॥८॥ जाइं सरित्तु भयवं सहसंबुद्धो

अणुत्तरे धम्मे। पुत्तं ठवित्तु रज्जं अभिनिक्खमति नमी राया॥१॥ सो देवलोगसरिसे अंतेउरवरगतो वरे भोए। भुंजित्तु णमी राया
बुद्धो भोगे परिच्चयइ॥२३०॥ मिहिलं सपुरजणवयं बलमोरोहं च परियणं सव्वं। चेच्चा अभिनिक्खंतो एगंतमहिद्धिओ भयवं॥१॥
कोलाहलगम्भूतं आसी मिहिलाए पव्वयंतंमि। तइया रायरिसिम्मि नमिम्मि अभिनिक्खमंतंमि॥२॥ अब्भुद्धियं रायरिसिं, पव्वज्जाठाणमुत्तमं।
सक्को माहणरूवेणं, इमं वयणमव्ववी॥३॥ किं नु भो अज्ज मिहिलाए, कोलाहलगसंकुला। सुव्वंति दारुणा सदा, पासाएसु
गिहेसु अ?॥४॥ एयमट्ठं निसामित्ता, हेउकारणचोइओ। ततो णमी रायरिसी, देविदं इणमव्ववी॥५॥ मिहिलाए चेइए वच्चे, सीतच्छाए
मणोरमे। पत्तपुप्फफलोवेते, बहूणं बहुगुणे सता॥६॥ वाएण हीरमाणंमि, चेइयंमि मणोरमे। दुहिया असरणा अत्ता, एए कंदंति
भो! खगा॥७॥ एयमट्ठं निसामित्ता० देविंदो०॥८॥ एस अग्गी य वाओ य, एयं डज्झति मंदिरं। भगवं! अंतेउरंतेणं, कीस णं
नावपि(य)क्खह?॥९॥ एय०२४०॥ सुहं वसामो जीवामो, जेसि मो नत्थि किंचणं। मिहिलाए डज्झमाणीए, न मे डज्झइ
किंचण॥१॥ चत्तपुत्तकलत्तस्स, निव्वावारस्स भिक्खुणो। पियं न विज्जई किंचि, अप्पियंपि न विज्जइ॥२॥ बहं खु मुणिणो भदं,
अणगारस्स भिक्खुणो। सव्वतो विप्पमुक्कस्स, एगंतमणुपस्सओ॥३॥ ॥एय० ४॥ पागारं कारइत्ताणं, गोपुरइट्ठालगाणि य। उस्सूलए
सयग्धी य, ततो गच्छसि खत्तिया॥५॥ एय०॥६॥ सद्धं णगरि किच्चा, तवसंवरमगलं। खंतिं निउणपागारं, तिगुत्तं दुप्पधंसयं॥७॥
धणुं परक्कमं किच्चा, जीवं च ईरियं सदा। धिई च केयणं किच्चा, सच्चेणं परिमंथए॥८॥ तवनारायजुत्तेणं, भेत्तूणं कम्मकंचुअं।

॥ श्रीउत्तराध्ययनसूत्रं ॥

२०

पू. सागरजी म. संशोधित

મુળી વિગયસંગામો, ભવાઓ પરિમુચ્યતિ॥૧॥૧૫૦॥ પાસાએ કારકર્તા, વડદમાણગિહાણિ યા વાલગ્ગપોડયાઓ ય,
 તઓ૦ ॥૧॥ ૧૫૦ ॥૨॥ સંસયં ચલુ સો કુણડ, જો મગ્ગે કુણઈ ઘરં। જત્થેવ ગંતુમિચ્છેજ્જા, તત્થ કુવ્વિજ્જ સાસયં ॥૩॥ ૧૫૦ ॥૪॥
 આમોસે લોમહારે ય, ગંઠિભેય ય તવકરે। ણગરસ્સ ચેમં કાઠ્ઠણં, તત્થો ॥૫॥ ૧૫૦ ॥૬॥ અસદં તુ મણુસ્સેહિં મિચ્છાદંડો પંડજડ।
 અકારિણોઽત્થ વજ્જંતિ, મુચ્છઈ કારઓ જણો ॥૭॥ ૧૫૦ ॥૮॥ જે કેડ પત્થિવા તુભ્ભં, નાનમંતિ નરાહિવા! વસે તે ઠાવડત્તાણં,
 તઓ૦ ॥૯॥ ૧૫૦ ॥૧૦॥ જો સહસ્સં સહસ્સાણં, સંગામે દુજ્જા જિણે। એગં જિણેજ્જ અપ્પાણં, એસ સે પરમો જઓ ॥૧॥ અપ્પાણમેવ
 જુજ્જાહિ, કિં તે જુજ્જેણ વજ્જાઓ?। અપ્પાણમેવ અપ્પાણં, જિણિત્તા સુહમેહતિ ॥૨॥ પંચિંદિયાણિ કોહં માણં માયં તહેવ લોહં ચ।
 દુજ્જયં ચેવ અપ્પાણં, સવ્વમપ્પે જિણે જિતં ॥૩॥ ૧૫૦ ॥૪॥ જડત્તા વિઝલે જન્ને, ભોડત્તા સમણમાહણે। દચ્ચા જચ્ચા ય ભોચ્ચા
 ય, તત્થો ॥૫॥ ૧૫૦ ॥૬॥ જો સહસ્સં સહસ્સાણં, માસે માસે ગવં દણે। તસ્સાવિ સંજમો સેઓ, અદિંતસ્સવિ કિંચણ ॥૭॥ ૧૫૦ ॥૮॥
 ઘોરાસમં ચડત્તાણં, અત્રં પિત્થેસિ આસમં। ઇહેવ પોસહરઓ, ભવાહિ મણુયાહિવા! ॥૯॥ ૧૫૦ ॥૧૦॥ માસે માસે ૩ જો બાલો, કુસગ્ગેણ
 તુ ભુંજડ। ન સો સુક્ખા(યક્ખા)યધમ્મસ્સ, કલં અઘડ સોલસિં ॥૧॥ ૧૫૦ ॥૨॥ હિરણ્ણં સુવણ્ણં મણિમોત્તં, કંસં દૂસં ચ
 વાહણં (સવાહણં)। કોસં ચ વડદડત્તાણં, તઓ૦ ॥૩॥ ૧૫૦ ॥૪॥ સુવણ્ણરૂપ્પસ્સ ય પવ્વયા ભવે, સિયા હુ કેલાસસમા અસંચયા।
 નરસ્સ લુબ્ધસ્સ ન તેહિં કિંચિં, ઇચ્છા હુ આગાસસમા અણંતયા ॥૫॥ પુઢવી સાલી જવા ચેવ, હિરણ્ણં પસુભિસ્સહ। પડિપુનં નાલમેગસ્સ,

इइविज्जा तवं चरे ॥६॥ एय० ॥७॥ अच्छेरगमब्भुदए, भोए जहित्तु(चयसि) पत्थिवा (खत्तिया)! अशंते कामे पत्थेसि, संकप्पेण विहम्मसि ॥८॥ एय० ॥९॥ सल्लं कामा विसं कामा, कामा आसीविसोपमा। कामे पत्थेमाणा, अकामा जंति दुग्गइं ॥१०॥ अहे वयइ कोहेणं, माणेणं अहमा गई। माया गइपडिग्घाओ, लोहाओ दुहओ भयं ॥१॥ अवउज्झिऊण माहणरूवं विउरुव्विऊण इंदत्तं। वंदति अभित्थुणंतो इमाहिं महुराहिं वग्गूहिं ॥२॥ अहो ते णिज्जिओ कोहो, अहो माणो पराइओ। अहो ते णिरक्खिया माया, अहो लोभो वसीकओ ॥३॥ अहो ते अज्जवं साहू, अहो ते साहू! भइवं। अहो ते उत्तमा खंती, अहो ते मुत्ति उत्तमा ॥४॥ इहं सि उत्तमो भंते!, पेच्चा होहिसि उत्तमो। लोगुत्तमुत्तमं ठाणं, सिद्धिं गच्छसि नीरओ ॥५॥ एवं अभित्थुणंतो रायरिसिं उत्तमाए सद्धाए। पायाहिंणं करंतो पुणो पुणो वंदती सक्को ॥६॥ तो वंदिऊण पाए चक्कंकुसलक्खिए मुणिवरस्स। आगासेणुप्पतिओ ललियचवलकुंडलतिरीडी ॥७॥ णमी णमेइ अप्पाणं, सक्खं सक्केण चोइओ। चइऊण गेहं वइदेही, सामण्णं पज्जुवट्ठिओ ॥८॥ एवं करिति संबुद्धा, पंडिया पवियक्खणा। विणियट्ठंति भोगेसु, जहा से णमिरायरिसि ॥९॥ त्ति बेमि, णमिपव्वज्जज्झयणं ॥१०॥

दुमपत्तए पंडुयए जहा, निवडइ राइगणाण अच्छए। एवं मणुयाण जीवियं, समयं गोयम! मा पमायए ॥११०॥ कुसंगे जह ओसबिंदुए, थोवं चिट्ठति लंबमाणए। एवं मणुयाण जीवियं, समयं ॥११॥ इइ इत्तरियंमि आउए, जीवितए बहुपच्चवायए एवं मणुयाण जीविए, एसरिए बहुपच्चवायए)। विहणाहि रयं पुराकडं, समयं ॥१२॥ दुलहे खलु माणुसे भवे, चिरकालेणवि

सव्वपाणिणं। गाढा य विवाग कम्मुणो, समयं० ॥३॥ पुढवीकायमङ्गओ, उक्कोसं जीवो य संवसे। कालं संखातीयं, समयं० ॥४॥
 आउक्कायम० ॥५॥ तेउक्काय० ॥६॥ वाउक्काय० ॥७॥ वणस्सइकाय०। कालमणंतदुरंतं, समयं० ॥८॥ बेइंदियकाय०। कालं
 संखिज्जसणियं, समयं० ॥९॥ तेइंदिय० ॥३००॥ चउरिंदिय० ॥१॥ पंचिंदियकायमङ्गओ। सत्तट्ठभवग्गहणे, समयं० ॥२॥ देवे
 णेरइए य अङ्गओ०। एक्केक्कभवग्गहणे, समयं० ॥३॥ एवं भवसंसारे संसरति सुभासुभेहिं कम्मेहिं। जीवो पमायबहुलो,
 समयं० ॥४॥ लद्धणऽवि माणुसत्तणं, आरियत्तणं पुणरावि दुल्लभं। बहवे दसुया मिलक्खुया, समयं० ॥५॥ लद्धणऽवि आरियत्तणं,
 अहीणपंचिंदियया हु दुल्लहा। विगलिंदियता हु दीसइ, समयं० ॥६॥ अहीणपंचिंदियत्तं पि से लहे, उत्तमधम्मसुती हु दुल्लहा।
 मिच्छत्तनिसेवए जणे, समयं० ॥७॥ लद्धणवि उत्तमं सुइं, सहहणा पुणरावि दुल्लहा। मिच्छत्त०, समयं० ॥८॥ धम्मं पि हु सहहंतया,
 दुल्लभया काएण फासया। इह कामगुणेहिं मुच्छिया, समयं० ॥९॥ परिजूरइ ते सरीरयं, केसा पंडुरगा (य) भवंति ते। से सोयबले
 य हायइ, समयं० ॥३१०॥ परि०। चक्खुबले० ॥१॥ परि०। घाणबले० ॥२॥ परि० जिब्भ(रसण)बले० ॥३॥ फासबले०
 ॥४॥ सव्वबले० ॥५॥ अरई गंडं विसूइया, आयंका विविहा फुसंति ते। विहडइ विद्धंसइ ते सरीरयं, समयं० ॥६॥ वुच्छिद
 सिणेहमप्पणो, कुमुयं सारइयं व पाणियं। से सव्वसिणेहवज्जिए, समयं० ॥७॥ चिच्चाण धणं च भारियं, पव्वइओ हि सि अणगारियं।
 मा वंतं पुणोवि आविए, समयं० ॥८॥ अवउज्झिय मित्तबंधवं, विउलं चेव धणोहसंचयं। मा तं बिइयं गवेसए, समयं० ॥९॥

ण हु जिणे अज्ज दीसइ, बहुमए दीसइ मग्गदेसिए। संपइ नेआउए पहे, समयं० ॥३२०॥ अवसोहिय कंटगापहं, ओइन्नोऽसि
 पहं महालयं। गच्छसि मग्गं विसोहिया, समयं० ॥१॥ अबले जह भारवाहए, मा मग्गे विसमेऽवगाहिया। पच्छा पच्छाणुतावए,
 समयं० ॥२॥ तिण्णो हु सि अण्णवं महं, किं पुण चिट्ठसि तीरमागओ?। अभितुर पारं गमित्तए, समयं० ॥३॥ अकलेवरसेणिमूसिया,
 सिद्धिं गोयम! लोयं (य) गच्छसि। खेमं च सिवं अणुत्तरं, समयं० ॥४॥ बुद्धे परिणिव्वुए चरे, गामगए नगरे व संजए। संतिमग्गं
 च वूहए, समयं गोयम! मा पमाए ॥५॥ बुद्धस्स निसम्भ भासियं, सुकहियमट्ठपदोवसोहियं। रागं दोसं च छिंदिया, सिद्धिगइं गए
 गोयमे ॥३२६॥ त्ति बेमि, दुमपत्तयज्झयणं १० ॥

संजोगा विप्पमुक्कस्स, अणगारस्स भिक्खुणो। आयारं पाउक्करिस्सामि, आणुपुब्बिं सुणेह मे ॥७॥ जे यावि होइ निव्विज्जे,
 थद्धे लुद्धे अनिग्गहे। अभिक्खणं उल्लवई, अविणीए अबहुस्सुए ॥८॥ अह पंचहिं ठाणेहिं, जेहिं सिक्खा ण लब्भइ। थंभा कोहा
 पमाएणं, २१ (रो) गेणालस्सएण य ॥९॥ अह अट्ठहिं ठाणेहिं, सिक्खासीलेत्ति वुच्चइ। अहस्सिरे सयादंते, न य मम्ममुयाहरे ॥३३०॥
 नासीले ण विसीले, ण सिया अइलोलुए। अकोहणे सच्चरए, सिक्खासीलेत्ति वुच्चइ ॥१॥ अह चोदसहिं ठाणेहिं, वट्टमाणो उ
 संजए। अविणीए वुच्चती सो उ, णिव्वाणं च ण गच्छइ ॥२॥ अभिक्खणं कोही भवइ, पबंघं च पकुव्वइ। मित्तिज्जमाणो वमत्ति,
 सुयं लदधूण मज्जइ ॥३॥ अविं पावपरिक्खेवी, अवि मित्तेसु कुप्पति। सुप्पियस्सावि मित्तस्स, रहे भासइ पावगं ॥४॥ पइण्णवाई

दुहिले, थद्धे लुद्धे अनिग्गहे। असंविभागी अचियत्ते, अविणीएत्ति वुच्चइ ॥५॥ अह पन्नरसहिं ठाणेहिं, सुविणीएत्ति वुच्चइ। नीयावित्ती
 अचवले, अमाई अकुऊहले ॥६॥ अप्पं च अहिक्खवति, पबंथं च ण कुव्वइ। मित्तिजमाणो भजति, सुयं लदधुं न मज्जति ॥७॥
 न य पावपरिक्खेवी, न य भित्तेसु कुप्पति। अप्पियस्सावि मित्तस्स, रहे कल्लाण भासइ ॥८॥ कलहडमरवज्जए, बुद्धे (अ)
 अभिआइए। हिरिमं पडिसंलीणो, सुविणीएत्ति वुच्चइ ॥९॥ वसे गुरुकुले निच्चं, जोगवं उवहाणवं। पियंकरे पियंवाई, से सिक्खं
 लदधुमरिहति ॥३४०॥ जहा संखंभि पयं निहियं, दुहओवि विरायइ। एवं बहुस्सुए भिक्खू, धम्मो किन्ती तहा सुयं ॥१॥ जहा से
 कंबोयाणं, आइन्ने कंथाए सिया। आसे जवेण पवरे, एवं हवइ बहुस्सुए ॥२॥ जहा ऽऽइन्नसमारुढे, सूरें दढपरक्कमे। उभओ नंदिघोसेणं,
 एवं ॥३॥ जहा करेणुपरिक्किण्णे, कुंजरे सट्ठिहायणे। बलवंते अप्पडिहए, ० ॥४॥ जहा से तिक्खसिंगे, जायक्खंधे विरायइ। वसभे
 जूहाहिवती, ० ॥५॥ जहा से तिक्खदाढे, ओदग्गे दुप्पहंसए। सीहे मियाण पवरे, ० ॥६॥ जहा से वासुदेवे, संखचक्कगदाधरे।
 अप्पडिहयबले जोहे, ० ॥७॥ जहा से चाउरंते, चक्कवट्ठी महिडिढए। चोदसरयणाहिवई, ० ॥८॥ जहा से सहस्सक्खे, वज्जपाणी
 पुरंदरे। सक्के देवाहिवई, ० ॥९॥ जहा से तिमिरविद्धंसे, उत्तिट्ठंति दिवागरे। जलंते इव तेएणं, ० ॥३५०॥ जहा से उडुवई चंदे,
 नक्खत्तपरिवारिए। पडिपुण्णे पुण्णिमासीए, ० ॥१॥ जहा से सामाइयाणं (सामाइयंगाणं), कोट्टागारे सुरक्खिए।
 नाणाधण्णपडिप्पुण्णे, ० ॥२॥ जहा सा दुमाण पवरा, जंबूनाम सुदंसणा। अणाढियस्स देवस्स, ० ॥३॥ जहा सा नईण पवरा, सलिला

सागरंगमा। सीया नीलवंतपव(भ)हा,० ॥४॥ जहा से नगाण पवरे, सुमहं मंदरे गिरी। नाणोसहीपज्जलिए,० ॥५॥ जहा से सयंभूरमणे,
उदही अक्खओदए। नाणारयणपडिपुण्णे, एवं भवइ बहुस्सुए ॥६॥ समुहगंभीरसमा दुरासया, अचक्रिया केणइ दुप्पहंसया। सुयस्स
पुण्णा विउलस्स ताइणो, खवेत्तु कम्मं गइमुत्तमं गया ॥७॥ तम्हा सुयमहिट्टेज्जा, उत्तमट्टगवेसए। जेणऽप्पाणं परं चेव, सिद्धिं
संपाउणिज्जासि ॥३५८॥ ति बेमि, बहुस्सुयपूयज्झयणं ११ ॥

सोवागकुलसंभूओ, गु(अ)णुत्तरधरो मुणी। हरिएसबलो नाम, आसि भिक्खू जिइंदिओ ॥१॥ इरिएसणभासाए, उच्चारसमिईसु
य। जओ आयाणणिक्खेवे, संजओ सुसमाहिओ ॥३६०॥ मणगुत्तो वयगुत्तो, कायगुत्तो जिइंदिओ। भिक्खट्ठा बंभइज्जंमि,
जन्नवाडमुवट्ठिओ ॥१॥ तं पासिऊणमिज्जंतं, तवेण परिसोसियं। पंतोवहिउवगरणं, उवहसंति अणारिया ॥२॥ जाइमयं पडिथद्धा,
हिंसगा अजिइंदिया। अबंभचारिणो बाला, इमं वयणमब्बवी ॥३॥ कयरे(को रे) आगच्छई दित्तरूवे?, काले विकराले फुक्कनासे।
ओमचेले पंसुपिसायभूए, संकरदूसं परिहरिय कंठे ॥४॥ कयरे(को रे) तुमं इय अदंसणिज्जे?, काए व आसाए इहमागओऽसि?
ओमचे लगा पंसुपिसायभूया, गच्छ क्खलाहि किमिहं ठिओऽसि? ॥५॥ जक्खो तहिं तिंदुरुक्खवासी, अणुकंपओ तस्स
महामुणिस्स। पच्छायइत्ता नियगं सरीरं, इमाइं वयणाइं उदाहरित्था ॥६॥ समणो अहं संजउ बंभयारी, विरओ धणपयण(सयण)
परिग्गहाओ। परण्वित्तस्स उभिक्खकाले, अन्नस्स अट्ठा इय(ह)मागओ मि ॥७॥ वियरिज्जइ खज्जइ भुज्जइ य, अन्नं पसू(धू)यं

भवयाणमेयं। जाणाहि मे जाय(ण)जीवि(व)णुत्ति, सेसावसेसं लहओ(ऊ)तवस्सी॥८॥ उवक्खडं भोयण माहणाणं, अत्तद्वियं
 सिद्धमिहेगपक्खं। न ऊ व(उव्व)यं एरिसमन्नपाणं, दाहामु तुज्झं किमिहं ठिओऽसि?॥९॥ थलेसु बीयाइं वयंति कासया, तहेव
 नित्रेसु य आससाए। एयाइ सद्धाइ दलाह मज्झं, आराहए(हा) पुण्णमिणं खु खित्तं॥१०॥ खित्ताणि अम्हं विइयाणि लोए,
 जहिं पकिन्ना विरुहंति पुण्णा। जे माहणा जाइविज्जोववेया, ताइं तु खित्ताइं सुपेसलाइं॥११॥ कोहो य माणो य वहो य जेसिं,
 मोसं अदत्तं च पिरग्गहं च। ते माहणा जाइवजाविही(हू)णा, ताइं तु खित्ताइं सुपावयाइं॥१२॥ तुब्भित्थ भो! भारहरा गिराणं,
 अट्ठं न याणाह अहिज्ज वेए। उच्चावयाइं मुणिणो चरंति, ताइं तु खित्ताइं सुपेसलाइं॥१३॥ अज्झावयाणं पडिकूलभासी, पभाससे
 किन्नु सगासि अम्हं?। एयं विणस्सउ अन्नपाणं, न य णं दाहामु तुमं नियंठा!॥१४॥ समिईहिं मज्झं सुसमाहियस्स, गुत्तीहिं गुत्तस्स
 जिइंदियस्स। जइ मे न दाहित्थ अहेसणिज्जं, किमज्ज जन्नाण लभित्थ लाभं?॥१५॥ के इत्थ खत्ता उवजोइया वा, अज्जावया वा
 सह खंडिएहिं?। एयं खु दंडेण फलेण हंता, कंठमि धित्तूण खलिज्ज जो णं॥१६॥ अज्झावयाणं वयणं सुणित्ता, उद्धाइया तत्थ
 बहू कुमारा। दंडेहिं वित्तेहिं कसेहिं चेव, समागया तं इसि (मुणि) तालयंति॥१७॥ रण्णो तहिं कोसलियस्स धूया, भद्वत्ति नामेण
 अणिंदियंगी। तं पासिया संजय हम्ममाणं, कुद्धे कुमारे प्ररिनिव्ववेइ॥१८॥ देवाभिओगेण निओइएणं, दिन्ना मु रण्णा मणसा न
 झाया। नरिंदेविंदइभिवंदिएणं, जेणामि वंता इसिणा स एसो॥१९॥ एसो हु सो उगगतवो महप्पा, जिइंदिओ संजओ बंभयारी।

जो मे तया निच्छई दिज्जमाणी, पिउणा सयं कोसलिएण रण्णा ॥३८०॥ महाजसो एस महाणुभागो, घोरव्वओ घोरपरवक्कमो य।
 मा एयं हीलह अहीलणिज्जं, मा सव्वे तेएण भे निदहिज्जा ॥१॥ एयाइं तीसे वयणाइं सुच्चा, पत्तीइ भदाइ सुभासियाइं। इसिस्स
 वेयावडियट्टयाए, जक्खा कुमारे विणिवारयंति ॥२॥ ते घोररूवा ठिअ अंतलिव्वे, असुरा तहिं तं जणं तालयंति। ते भिन्नदेहे रुहिरं
 वमंते, पासित्तु भदा इणम्महु भुज्जो ॥३॥ गिरि नहेहिं खणह, अयं दंतेहिं खायह। जायतेयं पायेहिं हणह, जं भिक्खुं अवमन्नह ॥४॥
 आसीविसो उगगतवो महेसी, घोरव्वओ घोरपरवक्कमो य। अगणिं व पक्खंद पयंगसेणा, जे भिक्खुं भत्तकाले वहेह ॥५॥ सीसेण
 एयं सरणं उवेह, समागया सव्वजणेण तुम्हे। जइ इच्छह जीवियं वा धणं वा, लोगंपि एसो कुविओ डहिज्जा ॥६॥
 अवहेडिय (आवडिए) पिट्टिसउत्तमंमे, पसारियाबाहु अकम्मचिट्ठे। निम्भेरियच्छे रुहिरं वमंते, उडुंमुहे निगयजीहनित्ते ॥७॥ ते पासिया
 खंडिय कट्ठभूए, विमणो वि (व) सन्नो अह माहणो सो। इसिं पसाएइ सभारियाओ, हीलं च निंदं च खमाह भंते! ॥८॥ बालेहिं
 मूढेहिं अयाणएहिं, जं हीलिया तस्स खमाह भंते!। महप्पसाया इसि (मुणि) णो हवंति, न हु मुणी कोवप्पा हवंति ॥९॥ पुब्बि
 च इण्हिं च अणागयं च (पच्छा व तहेव मज्जे), मणप्पओसो न मे अत्थि कोइ। जक्खा हु वेया वडियं करेति, जम्हा हु एए
 निहया कुमारा ॥३९०॥ अत्थं च धम्मं च विद्याणमाणा, तुम्हे नवि कुप्पह भूइयन्ना। तुम्हं तु पाए सरणं उवेमो, समागया सव्वजणेण
 अहे ॥१॥ अच्छेमु ते महाभाग!, न ते किंचन ना (चि न अ) च्चिमो। भुंजाहि सालिमं कूरं, नाणावजणसंजुयं ॥२॥ इमं च मे

अत्थि पभूयमन्नं, तं भुंजसू अम्ह अणुगहट्ठा। बाढंति पडिच्छइ भत्तपाणं, मासस्स ऊ पारणए महप्पा॥३॥ तहियं गंधोदयपुप्फेवासं,
 दिव्वा तहिं वसुहारा य वुट्ठा। पहया दुंदुहीओ सुरेहिं, आगासे अहोदाणं च घुट्ठं॥४॥ सक्खं खु दीसइ तवोविसेसो, न दीसई जाइविसेस
 कोई। सोवागपुत्तं हरिएससाहुं, जस्सेरिसा इडिठ महाणुभागा॥५॥ किं माहणा! जोइ समारभंता, उदएणसोहिं बहिया विमग्गहा?।
 जं मग्गहा बाहिरियं विसोहिं, न तं सुदिट्ठं कुसला वयंति॥६॥ कुसं च जूवं तणकट्टमग्गिं, सायं च पायं उदयं फुसंता। पाणाइं
 भूयाइं विहेडयंता, भुजोऽवि मंदा! पकरेह पावां॥७॥ कहं चरे भिक्खु! वयं जयामो?, पावाइं कम्माइं पणुल्लयामो। अक्खाहि
 णे संजय जक्खपूइआ, कहं सुजट्ठं कुसला वयंति?॥८॥ छज्जीवकाए असमारभंता, मोसं अदत्तं च असेवमाण्णा। परिग्गहं इत्थिउ
 माणमायं, एयं परित्राय चरंति दंता॥९॥ सुसंवुडा पंचहिं संवरेहिं, इह जीवियं अणवकंखमाणो। वोसट्टकाओ सुइचत्तदेहो, महाजयं
 जयई जन्नसिट्ठं॥१०॥ के ते जोई के व ते जोइठाणा?, का ते सूया किं च ते कारिसंगं?। एहा य ते कयरा संति भिक्खू!,
 कयरेण होमेण हुणासि जोइं?॥११॥ तवो जोई जीवो जोइठाणं, जोगा सुया सरीरं कारिसंगं। कम्म एहा संजमजोग संती, होमं
 हुणामी इसिणं पसत्थं॥१२॥ के ते हरए के य ते संतितित्थे?, कहंसि ण्हाओ व रयं जहासि?। आयक्ख णे संजय जक्खपूइया!,
 इच्छामु नाउं भवओ सगासे॥१३॥ धम्मे हरए बंधे संतितित्थे, अणाविले अत्तपसन्नलेसे। जहिंसि ण्हाओ विमलो विसुब्धो,
 सुसीइभूओ(सुसीलभूओ)पजहामि दोसं॥१४॥ एयं सिणाणं कुसलेण दिट्ठं, महासिणाणं इसिणं पसत्थं। जहिंसि ण्हाया विमला

विसुद्धा, महास्मि उत्तमं ठाणं पत्ति॥४०५॥ ति बेमि, हरिएसज्जयणं १२॥

जाईपराजिओ खलु कासि नियाणं तु हत्थिणपुरंमि। चुलणीइ बंभदत्तो उववन्तो नलिण (पउम) गुम्माओ॥६॥ कंफिल्ले संभूतो
चित्तो पुण जाओ पुरिमतालंमि। सिद्धिकुलंमि विसाले धम्मं सोऊण पव्वइओ॥७॥ कंफिल्लंमि य नथे समागया दोऽवि चित्तसंभूया।
सुहदुक्खफलविवागं कहिति ते इक्कमिक्कस्स॥८॥ चक्कवट्ठी महिइढीओ, बंभदत्तो महायसो। भायरं बहुमाणेण, इमं वयणमव्ववी॥९॥
आसिमो भायरा दोऽवि, अन्नमन्नवसाणुगा। अन्नमन्नमणुरत्ता, अन्नमन्नहिएसिणो॥४१०॥ दासा दसन्नये आसी, मिआ कालिंजरे नगे।
हंसा मयंगती राए, सोवागा कासिभूमिए॥१॥ देवा य देवलोगंमि, आसि अहे महिइढीओ। इमा णो(भे) छट्ठिया जाई, अन्नमन्नेण
जा विणा॥२॥ कम्मा नियाणप्पगडा, तुमे राय! विचिंतिया। तेसिं फलविवागेणं, विप्पओगमुवागया॥३॥ सच्चसोअप्पगडा, कम्मा
मए पुरा कडा। ते अज्ज परिभुंजामो, किं नु चित्तेवि से तहा?॥४॥ सव्वं सुचिण्णं सफलं नराणं, कडाण कम्माण न मुक्खु अत्थि।
अत्थेहि कामेहि य उत्तमेहिं, आया ममं पुण्णफलोववेओ॥५॥ जाणाहि संभूय! महाणुभागं, महिइढयं पुण्णफलोववेयं। चित्तं पि
जाणाहि तहेव रायं!, इइढी जुई तस्सवि अप्पभूओ॥६॥ महत्थरूवा वयणप्पभूया, गाहाणुगीया नरसंघमज्झे। जं भिक्खुणो
सीलगुणोववेया, इहज्जयंते समणोऽहि जाओ॥७॥ उच्चोअए महकक्के य बंभे, पवेइया आवसहा य (इ) रम्मा। इमं गिहं
वि(चि)त्तधणप्पभूयं, पसाहि पंचालगुणोववेयं॥८॥ नट्टेहि गीएहि य वाइएहिं, नारीजणाहिं परिवारयंतो (पवियारियंतो) भुंजाहि

॥ श्रीउत्तराध्ययनसूत्रं ॥

३०

पू. सागरजी म. संशोधित

भोगाइं इमाइं भिक्खु!, मम रोअई पव्वजा हु दुक्खं॥१॥ तं पुव्वनेहेण कयाणुरागं, नराहिवं कामगुणेषु गिद्धं। धम्मस्सिओ तस्स हियाणुपेही, चित्तो इमं वयणमुदाहरित्था॥४२०॥ सव्वं विलवियं गीयं, सव्वं नट्टं विडंबणा। सव्वे आभरणा भारा, सव्वे कामा दुहावहा॥१॥ बालाभिरामेषु दुहावहेसु, न तं सुहं कामगुणेषु रायं!। विरत्तकामाण तवोधणाणं, जं भिक्खुणं सीलगुणे रयाणं॥२॥ नरिंदजाई अहमा नराणं, सोवागजाई दुहओ गयाणं। जहिं वयं सव्वजणस्स वेसा, वसीअ सोवागनिवेसणेषु॥३॥ तीसे अ जाईइ उ पावियाए, वुच्छा मु सोवागनिवेसणेषु। सव्वस्स लोगस्स दुगुंछणिज्जा, इहं तु कम्माइं पुरेकडाइं॥४॥ सो दाणि सिं राय महाणुभागो, महिडिढओ पुण्णफलोववेओ। चइत्तु भोगाइं असासयाइं, आयाणहेउं अभिनिक्खमाहि (मेवा अणुचिंतयाही)॥५॥ इह जीविए राय! असासयंमि, धणियं तु पुण्णाइं अकुव्वमाणो। से सोअई मच्चुमुहोवणीए, धम्मं अकाऊण परंमि लोगे॥६॥ जहेह सीहो व मियं गहाय, मच्चू नरं नेइ हु अंतकाले। न तस्स माया व पिया व भाया, कालंमि तम्मंसहरा भवंति॥७॥ न तस्स दुक्खं विभयंति नायओ, न मित्तवग्गा न सुआ न बंधवा। इक्को सयं पच्चणुहोइ दुक्खं, कत्तारमेवं अणुजाइ कम्मं॥८॥ चिच्चा दुपयं च चउप्पयं च, खित्तं गिहं धणधण्णं च सव्वं। कम्मप्पवीओ अवसो पयाई, परं भवं सुंदर पावगं वा॥९॥ तं इक्कगं तुच्छसरीरगं से, चिईगयं दहिउं पावगेणं। भज्जा य पुत्ताविय नायओ अ, दायारमन्नं अणुसंकमंति॥४३०॥ उवणिज्जई जीवियमप्पमायं, वण्णं जरा हरइ नरस्स रायं!। पंचालराया! वयणं सुणाहि, मा कासि कम्माइं महालयाइं॥१॥ अहंपि जाणामि जहेह साहु! (जो एत्थ सारो),

जं मे तुमं साहसि वक्कमेयं। भोगा इमे संगकरा भवन्ति, जे दुजया अज्जो! अभहारिसेहिं॥२॥ हत्थिणपुरंमि चित्ता! ददट्ठणं नरवडं
 महिड्ढीयं। कामभोगेसु गिद्धेणं, नियाणमसुभं कडं॥३॥ तस्स मे अप्पडिकंतस्स, इमं एयारिसं फलं। जाणमाणोऽवि जं धम्मं,
 कामभोगेसु मुच्छिओ॥४॥ नागो जहा पंकजलावसन्नो, ददट्ठं थलं नाभिसमेइ तीरं। एवं वयं कामगुणेसु गिद्धा, न भिक्खुणो
 मग्गमणुव्वयामो॥५॥ अच्छेइ कालो तूरन्ति राइओ, न यावि बोगा पुरिसाण निच्चा। उविच्च भोगा पुरिसं चयन्ति, दुमं जहा खीणफलं
 व पक्खी॥६॥ जईअ तं)सि भोगे चइउं असत्तो, अज्जाइं कम्माइं करेहि रायं! धम्मे ठिओ सव्वपयाणुकंपी, तं होहिसि देवो
 इओ विउव्वी॥७॥ न तुज्झ भोगे चइऊण बुद्धी, गिद्धो सि आरंभपरिग्गहेंसु। मोहं कओ इत्तिउ विप्पलीवो, गच्छामि रायं!
 आमंतिओऽसि॥८॥ पंचालरायाऽविय बंभदत्तो, साहुस्स तस्स वयणं अकाउं। अणुत्तरे भुंजिय कामभोगे, अणुत्तरे सो नरए
 पविट्ठो॥९॥ चित्तोऽवि कामेहिं विरत्तकामो, उदत्तचारित्ततवो महेसी। अणुत्तरं संजम पालइत्ता, अणुत्तरं सिद्धिगडं गओ॥१०॥
 ति बेमि, चित्तसंभूइज्जज्झयणं१३॥

देवा भवित्ताण पुरे भवंमी, केई चुया एगविमाणवासी। पुरे पुराणे इसुयारनामे खाए समिद्धे सुरलोगरभ्मे॥१॥ सकम्मसेसेण
 पुराकएणं, कुलेसु उग्गे (सु दत्ते) सु य ते पसूआ। निव्विण्णसंसारभया जहाय, जिणिंदमग्गं सरणं पवत्ता॥२॥ पुमत्तमागम्म कुमार
 दोऽवि, पुरोहिओ तस्स जसा य पत्ती। विसालकिन्ती य तहेसुआरो, रायइत्थ देवी कमलावई य॥३॥ जाईजरामच्चुभयाभिभूया

॥ श्रीउत्तराध्ययनसूत्रं ॥

३२

पृ. खन्सनी व. बरतुमि

(ए), वहिंविहाराभिणिविद्वृचिता । संसारचक्कस्स विमुक्खणट्ठा, ददट्ठण ते कामगुणे विरत्ता ॥४॥ पियपुत्तगा दुन्निवि माहणस्स, सकम्मसीलस्स पुरोहियस्स । सरित्तु पोराणिय तत्थ जाइं, तहा सुचिण्णं तव संजमं च ॥५॥ ते कामभोगेसु असज्जमाणा, माणुस्सएसुं जे यावि दिव्वा । मुक्खाभिकंखी अभिजायसद्धा, तातं उवागम्म इमं उदाहु ॥६॥ असासयं ददट्ठु इमं विहारं, बहुअंतरायं न य दीहमाउं । तम्हा गिहंसी न रइं लभामो, आमंतयामो चरिसामु मोणं ॥७॥ अह तायओ तत्थ मुणीण तेसिं, तवस्स वाघायकरं वयासी । इमं वयं वेयविओ वयंति, जहा न होई असुआण लोगो ॥८॥ अहिज्ज वेए परिविस्स विप्पे, पुत्ते परिद्वप्प गिहंसि जाया (ए) । भुच्चाण भोए सह इत्थियाहिं, आरण्णगा होह मुणी पसत्था ॥९॥ सोअगिण्णा आयगुणिं धणेणं, मोहानिला पज्जलणाहिणं । संत(स)त्तभावं परितप्पमाणं, लोलु (लाल) पमाणं बहुहा बहुं च ॥१०॥ पुरोहियं तं कमसोऽणुणंतं, निमंतयंतं च सुए धणेणं । जहक्कमं कामगुणेहिं चेव, कुमारगा ते पसमिक्ख वक्कं ॥११॥ वेआ अधीआ न भवंति ताणं, भुत्ता दिया निंति तमं तमेणं । जाया य पुत्ता न हवंति ताणं, को नाम ते अणुमन्निज्ज एयं? ॥१२॥ खणमित्तसुक्खा बहुकालदुक्खा, पगामदुक्खा अणिगामसुक्खा । संसारमुक्खस्स विपक्खभूआ, खाणी अणत्थाण उ कामभोगा ॥१३॥ परिव्वयंते अनियत्तकामे, अहो य राओ परितप्पमाणे । अन्नप्पमत्ते धणमेसमाणे, पप्पुत्ति मच्चुं पुरिसो जरं च ॥१४॥ इमं च मे अत्थि इमं च नत्थि, इमं च मे किच्च इमं अकिच्च । तं एवमेवं लालप्पमाणं, हरा हरंतित्ति कहं पमाओ? ॥१५॥ धणं पभूयं सह इत्थियाहिं, सयणा तहा कामगुणा पगामा । तवं कए तप्पइ जस्स लोगो, तं सव्व

साहीणमिहेव तुज्झं॥६॥ धणेण किं धम्मधुराहिगारे?, सयणेण वा कामगुणेहिं चेव। समणा भविस्सामु गुणोहधारी, बहिंविहारा
 अभिगम्भ भिक्खं॥७॥ जहा य अग्गी अरणीउऽसंतो, खीरे घयं तिल्लमहा तिल्लेसु। एमेव जाया सरीरंमि सत्ता, संमुच्छई नासइ
 नावचिद्धे॥८॥ नो इंदियगिज्झु अमुत्तभावा, अमुत्तभावा चिय होइ निच्चो। अज्झत्थहेउं निययऽस्स बंधो, संसारहेउं च वयंति बंधं॥९॥
 जहा वयं धम्ममजाणमाणा, पावं पुरा कम्ममकासि मोहा। ओरुज्झमाणा परिरक्खयंता, तं णेव भुज्जोऽवि समायरामो॥४६०॥
 अब्भाहयंमि लोगंमि, सब्बओ परिवारिण। अमोहाहिं पडंतीहिं, गिहंसि न रइं लभे॥१॥ केण अब्भाहओ लोओ, केण वा परिवारिओ?
 का वा अमोहा वुत्ता?, जाया! चिंतावरो हुमि॥२॥ मच्चुणाऽब्भाहलो लोओ, जराए परिवारिओ। अमोहा रयणी वुत्ता, एवं ताय!
 वियाणह॥३॥ जा जा वच्चइ रयणी, न सा पडिनियत्तई। अहम्मं कुणमाणस्स, अहला जंति राइओ॥४॥ जा जा वच्चइ रयणी,
 न सा पडिनियत्तई। धम्मं तु कुणमाणस्स, सफला जंति राइओ॥५॥ एगओ संवसित्ताणं, दुहओ सम्भत्तसंजुया। पच्छा जाया
 गमिस्सामो, भिक्खमाणा कुले कुले॥६॥ जस्सऽत्थि मच्चुणा सक्खं, जस्स वऽत्थि पलायणं। जो जाणइ न मरिस्सामि, सो हु
 कंखे सुए सिया॥७॥ अज्जेव धम्मं पडिवज्जयामो, जहिं पवत्रा न पुणब्भवामो। अणांगयं नेव य अत्थि किंची, सब्बा खमं नो
 विणइत्तु रागं॥८॥ पहीणपुत्तस्स हु नत्थि वासो, वासिद्धि! भिक्खायरियाइ कालो। साहाहिं रुक्खो लहई समाहिं, छिन्नाहिं साहाहिं
 तमेव खाणुं॥९॥ पंखाविहूणा व जहेव पक्खी, भिच्चव्विहूणो व रणे नरिंदो। विवन्नसारो वणिउव्व पोए, पहीणपुत्तो मि तहा

अहंमि ॥४७०॥ सुसंभिया कामगुणा इमे ते, संपिंडिया अगगरसा पभूया। भुंजासु ता कामगुणे पगामं, पच्छा गमिस्सामु पहाणमगं ॥१॥
 भुत्ता रसा भोइ! जहाइ णे वओ, न जीवियट्ठा पजहामि भोए। लाभं अलाभं च सुहं च दुक्खं, संचिक्खमाणो चरिसामि मोणं ॥२॥
 मा हू तुमं सोदरियाण संभरे, जुन्नो व हंसो पडिसोयगामी। भुंजाहि भोगाइं मए समाणं, दुक्खं खु भिक्खायरिया विहारो ॥३॥
 जहा य भोई(भोगा)! तणुयं भुयंगे, निम्मोअणिं हिच्च पलाइ मुत्तो। एमेए जाया पजहंति भोए, तेऽहं कहं नाणुगमिस्समिक्को? ॥४॥
 छिंदित्तु जालं अबलं व रोहिया, मच्छा जहा कामगुणे पहाये। धोरेयसीला तवसा उदारा, धीरा हु भिक्खायरियं चरंति ॥५॥ नहेव
 कुंचा समइक्कमंता, तयाणि जालाणि दलित्तु हंसा। पलंति पुत्ता य पई य मज्झं, तेऽहं कहं नाणुगमिस्समिक्का ॥६॥ पुरोहियं
 तं ससुयं सदारं, सुच्याऽभिनिक्खम्म पहाय भोए। कुडुंबसारं विउलुत्तमं तं, रायं अभिक्खं समुवाय देवी ॥७॥ वंतासी पुरिसो रायं!,
 न सो होइ पसंसिओ। माहणेण परिच्चत्तं, धणं आदाउमिच्छसि ॥८॥ सव्वं जगं जइ तुह, सव्वं वावि धणं भवे। सव्वंपि ते अपज्जत्तं,
 नेव ताणाय तं तव ॥९॥ मरिहिसि रायं! जया तया वा, मणोरमे कामगुणे पहाय। इक्को हु धम्मो नरदेव! ताणं, न विज्जई अन्न(ज)मिहेह
 किंचि ॥४८०॥ नाहं रमे पक्खिणि पंजरे वा, संताणछिन्ना चरिसामि मोणं। अकिंचणा उज्जुकडा निरामिसा, परिग्गहारं भनियत्तऽदोसा ॥१॥
 दवग्गिणा जहा रण्णे, डज्झमाणेसुं जंतुसु। अन्ने सत्ता पमोयंति, रागदोसवसं गया ॥२॥ एवमेव वयं मूढा, कामभोगेसु मुच्छिया।
 डज्झमाणं न बुज्झामो, रागदोसग्गिणा जगं ॥३॥ भोगे भुच्या वमित्ता य, लहुभूयविहारिणो। आमोअमाणा गच्छंति, दिया कामकमा

इव॥४॥ इमे य बद्धा फंदंति, मम हत्थऽज्जमागया। वयं च सत्ता कामेसु, भविस्सामो जहा इमे॥५॥ सामिसं कुल्लं दिस्सा,
 बज्झमाणं निरामिसं। आमिसं सव्वमुज्झित्ता, विहरिस्सामो निरामिसा॥६॥ गिद्धोवमे य नच्चाणं, कामे संसारवड्ढणे। उरगो
 सुवण्णपासिव्व, संकमाणो तणुं चरे॥७॥ नागुव्व बंधणं छित्ता, अप्पणो वसहिं वए। एयं पत्थं (इति एत्थं) महारायं!, उसुआरित्ति
 मे सुयं॥८॥ चइत्ता विपुलं रज्जं, कामभोगे अ दुच्चए। निव्विसया निरामिसा, निन्नेहा निप्परिग्गहा॥९॥ सम्मं धम्मं वियाणित्ता,
 चिच्चा कामगुणे चरे। तवं पगिज्झऽहक्खायं, घोरं घोरपरक्कमा॥४९०॥ एवं ते कमसो बुद्धा, सव्वे धम्मपरायणा। जम्ममच्चुभउव्विग्गा,
 दुक्खस्संतगवेसिणो॥१॥ सासणि विगयमोहाणं, पुव्विं भावणभाविया। अचिरेणेव कालेणं, दुक्खस्संतमुवागया॥२॥ राया सह
 देवीए, माहणो उ पुरोहिओ। माहणी दारगा चेव, सव्वे ते परिनिव्वुडि॥४९३॥ त्ति बेमि, उसुयारिजज्झयणं१४॥

मोणं चरिस्सामि समिच्च धम्मं, सहिए उज्जुकडे नियाणछिन्ने। संथवं जहिज्ज अकामकामे, अन्नायएसी परिव्वए जे स
 भिक्खू॥४॥ राओवरयं चरिज्ज लाढे, विरए वेदवियाऽऽयरक्खिए। पन्ने अभिभूय सव्वदंसी, जे कम्हिवि न मुच्छिए स भिक्खू॥५॥
 अक्कोसवहं विदित्तु धीरे, मुणी चरे लाढे निच्चमायगुत्ते। अव्वग्गमणे असंपहिट्ठे, जो कसिणं अहिआसए स भिक्खू॥६॥ पंतं
 सयणासणं भइत्ता, सीउणहं विविहं च दंसमसगं। अव्वग्गमणे असंपहिट्ठे, जो कसिणं अहिआसए स भिक्खू॥७॥ नो सक्कियमिच्चई
 न पूअं, नोविय वंदणगं कुओ पसंसं?। से संजए सुव्वए तवस्सी, सहिए आयगवेसए स भिक्खू॥८॥ जेण पुणो जहाइ जीवियं,

मोहं वा कसिणं नियच्छई। नरनारि पयहे सया तवस्सी, न य कोऊहलं उवेइ स भिक्खू॥९॥ छिन्नं सरं भोमं अंतलिकखं, सुविणं लक्खणं दंडं वत्थुविज्जं। अंगविगारं सरस्स विजयं, जो विज्जाहिं न जीवई स भिक्खू॥५००॥ मंतं मूलं विविहं विज्जचितं, वमणविरेयणधूमनित्तसिणाणं। आउरे सरणं तिगिच्छियं च, तं परिन्नाय परिव्वए स भिक्खू॥१॥ खत्तियगण उगारायपुत्ता, माहणभोई य विविहा सिप्पिणो। नो तेसिं वयइ सिलोगपूअं, तं परिन्नाय परिव्वए स भिक्खू॥२॥ गिहिणो जे पव्वइएण दिट्ठा, अप्पव्वइएण व संथुया हविज्जा। तेसिं इहलोयफलट्ठयाए, जो संथवं न करेइ स भिक्खू॥३॥ सयणासणपाणभोयणं, विविहं खाइमसाइमं परेसिं। अदए पडिसेहिए नियंठे, जे तत्थ ण पओसई स भिक्खू॥४॥ जंकिंचाहारपाणगं विविहं, खाइमसाइमं परेसिं लब्धुं। जो तं तिविहेण नाणुकंपे, मणवयकायसुसंवुडे जे स भिक्खू॥५॥ आयामगं चेव जवोदणं च, सीयं सोवीर जवोदणं च। नो हीलए पिंडं नीरसं तु, पंतकुलाणि परिव्वए जे स भिक्खू॥६॥ सद्दा विविहा भवंति लोए, दिव्वा माणुसया तहा तिरिच्छा। भीमा भयभेरवा उराला, जो सुच्चा ण बिहिज्जई स भिक्खू॥७॥ वायं विविहं समिच्च लोए, सहिए खेयाणुगए अ कोवियप्पा। पन्ने अभिभूय सव्वदंसी, उवसंते अविहेडए स भिक्खू॥८॥ असिप्पजीवी अगिहे अमित्ते, जिइंदिओ सव्वओ विप्पमुक्के। अणुक्कसाई लहु अप्पभक्खी, चिच्चा गिहं एगचरे स भिक्खू॥५०९॥ सभिक्खुअज्झयणं १५॥

सुअं मे आउसं! तेणं भगवया एवमक्खायं इह खलु थेरेहिं भगवंतेहिं दस बंभचेरसमाहिठाणा पत्रत्ता जे भिक्खू सुच्चा निसम्म

संजमबहुले संवरबहुले गुत्ते गुत्तिंदिए गुत्तबंभयारी सया अप्पमत्ते विहरिज्जा।२। कयरे खलु थेरेहिं भगवत्तेहिं दसबंभचेरसमाहिद्धाणा पन्नत्ता०?, इमे खलु ते जाव विहरिज्जा, तंजहा विवित्ताइं सयणासणाइं सेविज्जा से निगंथे, नो इत्थीपसुपंडगसंसत्ताइं सयणासणाइं सेवित्ता हवइ से निगंथे, तं कहं इति चेदायरियाऽऽह निगंथस्स खलु इत्थिपसुपंडगसंसत्ताइं सयणासणाइं सेवमाणस्स बंभयारिस्स बंभचेरे संका वा कंखा वा वित्तिगिच्छा वा समुप्पज्जिज्जा, भेयं वा लभिज्जा, उम्मायं वा पाउणिज्जा, दीहकालियं वा रोगायकं हविज्जा, केवलपन्नत्ताओ धम्माओ वा भंसिज्जा, तम्हा नो इत्थिपसुपंडगसंसत्ताइं सयणासणाइं सेवित्ता हवइ से निगंथे।३। नो इत्थीणं कहं कहित्ता हवइ से निगंथे, तं कहमिति चेदायरियाऽऽह निगंथस्स खलु इत्थीणं कहं कहेमाणस्स बंभयारिस्स० भंसिज्जा तम्हा नो इत्थीणं कहं कहिज्जा।४। नो इत्थीहिं सद्धि संनिसिज्जागए विहरित्ता हवइ से निगंथे, तं कहं इति चेदायरियाऽऽह निगंथस्स खलु इत्थीहिं सद्धि संनिसिज्जागयस्स बंभचेरे० भंसिज्जा, तम्हा खलु नो निगंथे इत्थीहिं सद्धि संनिसिज्जागए विहरइ।५। नो इत्थीणं इंदियाइं मणोहराइं मणोरमाइं आलोइत्ता निज्झाइत्ता हवइ से निगंथे, तं कहं इति चेदायरियाऽऽह निगंथस्स खलु इत्थीणं इंदियाइं मणोहराइं मणोरमाइं जाव निज्झाएमाणस्स बंभचेरे० भंसिज्जा, तम्हा खलु निगंथे नो इत्थीणं इंदियाइं निज्झाइज्जा।६। नो निगंथे इत्थीणं कुड्डंतंसि वा दूसंतंसि वा भित्तिअंतंसि वा कूइयसहं वा रुइयसहं वा गीयसहं वा हसियसहं वा थणियसहं वा कंदियसहं वा विलवियसहं वा सुणित्ता हवइ से निगंथे, तं कहं इति चेदायरियाऽऽह इत्थीणं कुड्डंतंसि वा दूसंतंसि वा भित्तिअंतंसि

वा जाव विलवियसदं वा सुणमाणस्स बंभयारिस्स जाव भंसिज्जा, तम्हा खलु निगंथे नो इत्थीणं कुड्डंतरंसि वा जाव सुणेमाणे विहरिज्जा।७। नो निगंथे पुव्वरयं पुव्वकीलियं अणुसरित्ता हवइ, तं कहं इति चेदायरियाऽऽह निगंथस्स खलु इत्थीणं पुव्वरयं पुव्वकीलियं अणुसरमाणस्स बंभयारिस्स बंभचेरे० भंसिज्जा, तम्हा खलु नो निगंथे इत्थीणं पुव्वरयं पुव्वकीलियं अणुसरिज्जा।८। नो निगंथे पणीयं आहारं आहारित्ता हवइ से निगंथे, तं कहं इति चेदायरियाऽऽह निगंथस्स णं पणीयं पाणभोयणं आहारेमाणस्स बंभयारिस्स० भंसेज्जा, तम्हा खलु नो निगंथे पणीयं आहारं आहारिज्जा।९। नो अइमायाए पाणभोयणं आहारित्ता हवइ से निगंथे, तं कहं इति चेदायरियाऽऽह अइमायाए पाणभोयणं आहारेमाणस्स बंभयारिस्स० भंसेज्जा, तम्हा खलु नो निगंथे अइमायाए पाणभोयणं भुंजिज्जा।१०। नो विभूसाणुवाई हवइ से निगंथे, तं कहं इति चेदायरियाऽऽह विभूसावत्तिए विभूसियसरीरे इत्थि जणस्स अभिलसणिजे हवइ, तओ णं तस्स इत्थिजणेणं अभिलसिज्जमाणस्स बंभयारिस्स० भंसिज्जा, तम्हा खलु नो निगंथे विभूसाणुवाई सिया।११। नो सदरूवरसगंधफासाणुवाई हवइ से निगंथे, तं कहं इति चेदायरियाऽऽह निगंथस्स खलु सदरूवरसगंधफासाणुवाइयस्स बंभयारिस्स० लभिज्जा उम्मायं वा पाउणिज्जा दीहकालियं वा रोगायकं हविज्जा केवलिपन्नताओ धम्माओ वा भंसिज्जा, तम्हा खलु नो निगंथे सदरूवरसगंधफासाणुवाई हवइ से निगंथे, दसमे बंभचेरसमाहिठाणे हवइ।१२। भवन्ति य एत्थ सिलोगा तंजहा जं विवित्तमणाइत्तं, रहियं थीजणेण यो बंभचेरस्स रक्खट्ठा, आलयं तु निसेवए॥५१०॥

मणपल्हायजणणी, कामरागविवड्ढणी। बंभचेररओ भिक्खू, थीकहं तु विवज्जए॥१॥ समं च संथवं थीहिं, संकहं च अभिक्खणं।
 बंभचेररओ भिक्खू, निच्चसो परिवज्जए॥२॥ अंगपच्चंगसंठाणं, चारुल्लवियपेहियं। बंभचेररओ थीणं, सोअगिज्झं विवज्जए॥३॥
 कुइयं रुइअं गीयं, हसियं थणियं कंदियं। बंभचेररओ थीणं, सोअगिज्झं विवज्जए॥४॥ हासं खिड्डं रइं दप्पं, सहसावत्तासियाणि
 य। बंभचेररओ थीणं, नाणुचिते कयाइवि॥५॥ पणीयं भत्तपाणं च, खिप्पं मयविवड्ढणं। बंभचेररओ भिक्खू, निच्चसो
 परिवज्जए॥६॥ धम्मलद्धं (म्मं लद्धं) मियं काले, जत्तत्थ पणिहाणवं। णाइमत्तं तु भुंजिज्जा, बंभचेररओ सया॥७॥ विभूसं
 परिवज्जिज्जा, सरीरपरिमंडणं। बंभचेररओ भिक्खू, सिंगारत्थं न धारए॥८॥ सहे रूवे य गंधे य, रसे फासे तहेव य। पंचविहे
 कामगुणे, निच्चसो परिवज्जए॥९॥ आलओ थीजणाइन्नो, थीकहा य मणोरमा। संथवो चेव नारीणं, तासिं इंदियदरिसणं॥५२०॥
 कुइयं रुइयं गीयं, हसियं भुत्तासियाणि य। पणीयं भत्तपाणं च, अइमायं पाणभोयणं॥१॥ गत्तभूसणभिद्धं च, कामभोगा य दुज्जया।
 नरस्सज्जवगेसिस्सा, विसं तालउडं जहा॥२॥ दुज्जए कामभोगे य, निच्चसो परिवज्जए। संकठाणाणि सव्वाणि, वज्जिज्जा
 पणिहाणवं॥३॥ धम्मारामे चरे भिक्खू, धिईमं धम्मासारही। धम्मारामए दंते, बंभचेरसमाहिए॥४॥ देवदाणवगंधव्वा,
 जक्खरक्खसकिन्नरा। बंभयारिं नमंसंति, दुक्करं जे करंति तं (ते)॥५॥ एस धम्मे धुवे नियए, सासए जिणदेसिए। सिद्धा सिज्झंति
 चाणेणं, सिज्झिस्संति तहाज्वरे॥५२६॥ त्ति बेमि, बंभचेरसमाहिठाणज्झयणं॥१६॥

जे केइ उ (जे के इमे) पव्वइए नियंठे, धम्मं सुणिता विणओववन्ने। सुदुल्लहं लहिउं बोहिलाभं, विहरिज्ज पच्छा य जहासुहं
 तु॥७॥ सिज्जा दढा पाउरणं मि अत्थि, उप्पज्जई भुत्तु तहेव पाउं। जाणामि जं वट्ठइ आउसुत्ति!, किं नाम काहामि सुएण? भंते!॥८॥
 जे केइ उ पव्वइए, निदासीले पगामसो। भुच्चा पिच्चा सुहं सुअई, पावसमणित्ति वुच्चई॥९॥ आयरियउवज्झाएहिं, सुअं विणयं
 च गाहिए। ते चेव खिंसई बाले, पावसमणित्ति वुच्चई॥१०॥ आयरियउवज्झायाणं, सम्भं नो पडितप्पई। अप्पडिपूअए थब्दे,
 पावसमणित्ति वुच्चई॥११॥ संमदमाणे पाणाणि, बीयाणि हरियाणि य। असंजए संजय मन्नमाणे, पावसमणित्ति वुच्चई॥१२॥ संथारं
 फलगं पीढं, निसिज्जं पायकंबलं। अप्पमज्जियमारुहई, पावसमणित्ति वुच्चई॥१३॥ दवदवस्स चरई, पमत्ते अ अभिक्खणं। उल्लंघणे
 य चंडे य, पावसमणित्ति वुच्चई॥१४॥ पडिलेहेइ पमत्तो, अवउज्झइ पायकंबलं। पडिलेहाअणाउत्ते, पावसमणित्ति वुच्चई॥१५॥ पडिलेहेइ
 पमत्ते, से किंचि हु निसामिआ। गुरुं परिभावए निच्चं, पावसमणित्ति वुच्चई॥१६॥ बहुमाई पमुहरी, थब्दे लुब्धे अणिग्गहे। असंविभागी
 अचियत्ते, पावसमणित्ति वुच्चई॥१७॥ विवायं च उदीरेइ, अधम्मे अत्तपणहहा। वुग्गहे कलहे रत्ते, पावसमणित्ति वुच्चई॥१८॥ अथिरासणे
 कुक्कुईए, जत्थ तत्थ निसीअई। आसणंमि अणाउत्ते, पावसमणित्ति वुच्चई॥१९॥ ससरक्खपाओ सुअई, सिज्जं न पडिलेहइ। संथारए
 अणाउत्तो, पावसमणित्ति वुच्चई॥२०॥ दुद्धदहीविगईओ, आहारेइ अभिक्खणं। अरए य तवोकम्मे, पावसमणित्ति वुच्चई॥२१॥
 अत्थंतंमि य सूरंमि, आहारेइ अभिक्खणं। चोइओ पडिचोएइ, पावसमणित्ति वुच्चई॥२२॥ आयरियपरिच्चाई, परपासंडसेवए।

गाणंगणिए दुब्भूए, पावसमणित्ति वुच्चई ॥३॥ सयं गेहं परिच्चज्ज, परगेहंसि वावरे (ववहरे) । निमित्तेण य ववहरई, पावसमणित्ति वुच्चई ॥४॥ संनाइपिंडं जेमेइ, निच्छई सामुदाणियं । गिहिनिसिज्जं च वाहेइ, पावसमणित्ति वुच्चई ॥५॥ एयारिसे पंच कुसीलसंवुडे, रूवंधरे मुणिपवराण हिट्ठिमे । अयंसि लोए विसमे व गरहिए, न से इहं नेव परत्थलोए ॥६॥ जे वज्ज एए उ सदा उ दोसे, से सुव्वए होइ मुणीण मज्झे । अयंसि लोए अमयं व पूइए, आराहए दुहओ लोगमिणं ॥५४७॥ ति बेमि, पावसमणिज्जज्झयणं १७॥

कंपिल्ले नयरे राया, उदिन्नबलवाहणे । नामेणं संजओ नाम, भिगव्वं उवनिग्गए ॥८॥ हयाणीए गयाणीए, रहाणीए तहेव यो पायत्ताणीए महया, सव्वओ परिवारिए ॥९॥ मिए छुभित्ता हयगओ, कंपिल्लुज्जाणकेसरे । भीए संते मिए तत्थ, वहेइ रसमुच्छिए ॥५५०॥ अह केसरंमि उज्जाणे, अणगारे तवोधणे । सज्झायझाणजुत्तो, धम्मज्झाणं झियायइ ॥१॥ अप्फोवमंडवंमी, झायई झवियासवे । तस्सागए मिए पासं, वहेइ से नराहिवे ॥२॥ अह आसगओ राया, खिप्पमागम्म सो तहिं । हए मिए उ पासित्ता, अणगारं तत्थ पासई ॥३॥ अह राया तत्थ संभंतो, अणगारो मणाऽऽहओ । मए उ मंदपुण्णेणं, रसगिद्धेण धंतुणा ॥४॥ आसं विसज्जइत्ताणं, अणगारस्स सो निवो । विणएणं वंदई पाए, भगवं ! इत्थ मे खमे ॥५॥ अह मोणेण सो भगवं, अणगारो झाणमस्सिओ । रायाणं न पडिमंतेइ तओ राया भयददुओ ॥६॥ संजओ अहमस्सीति, भगवं ! वाहराहि मे । कुद्धे तेएण अणगारे, दहिज्जा नरकोडिओ ॥७॥ अभओ पत्थिवा ! तुज्झं, अभयदाया भवाहि यो अणिच्चे जीवलोगंमि, किं हिंसाए पसज्जसि ? ॥८॥ जया(हा) सव्वं परिच्चज्ज,

गंतव्वभवसस्स ते। अणिच्चे जीवलोगंमि, किं रज्जंमि पसज्जसि?॥१॥ जीवियं चेव रूवं च, विज्जुसंपायचंचलं। जत्थ तं मुज्झसी
 रायं!, पिच्चत्थं नावबुज्झसी॥५६०॥ दाराणि य सुया चेव, मित्ता य तह बंधवा। जीवंतमणुजीवंति, मयं नाणुवयंति य ॥१॥
 नीहरंति मयं पुत्ता, पियरं परमदुक्खिया। पियरो य तहां पुत्ते, बंधू रायं! तवं चरे ॥२॥ तओ तेणऽज्जिए दव्वे, दारे य परिरक्खिए।
 कीलंतऽत्रे नरा रायं!, हट्ठतुट्ठमलंकिया ॥३॥ तेणावि जं कयं कम्मं, सुहंवा जइवा दुहं। कम्मुणा तेण संजुत्तो, गच्छइ उ पर भवं ॥४॥
 सोऊण तस्स सो धम्मं, अणगारस्स अंतिए। महया संवगेनिव्वेयं, समावन्नो नराहिवो ॥५॥ संजओ चइउं रज्जं, निक्खंतो जिणसासणे।
 गहभालिस्स भगवओ, अणगारस्स अंतिए ॥६॥ चिच्चा रट्ठं पव्वइओ, खत्तिओ परिभासई। जहा ते दीसई रूवं, पसन्नं ते तहा
 मणो ॥७॥ किंनामे किंगुत्ते, कस्सट्ठआए व माहणे?। कहां पडियरसी बुद्धे?, कहां विणीयत्ति वुच्चसि? ॥८॥ संजओ नाम नामेणं,
 तहा गुत्तेण गोयमो। गहभाली ममायरिया, विजाचरणपारगा ॥९॥ किरियं अकिरिअं विणयं, अन्नाणं च महामुणी!। एएहिं चउहिं
 ठाणेहिं, मे अन्ने किं पभासई? ॥५७०॥ इइ पाउकरे बुद्धे, नायए परिनिव्वुडे। विज्जाचरणसंपन्ने, सच्चे सच्चपरक्कमे ॥१॥ पडंति
 नराए घोरे, जे नरा पावकारिणो। दिव्वं च गइं गच्छंति, चरित्ता धम्ममारियं ॥२॥ मायाबुइयमेयं तु, मुसा भासा निरत्थिया। संजममाणोऽवि
 अहं, वसामि इरियामि य ॥३॥ सव्वे ते विइया मज्झं, मिच्छादिट्ठी अणारिया। विज्जमाणे परे लोए, सम्मं जाणामि अप्पगं ॥४॥
 अहमासी महापाणे, जुइमं वरिससओवमे। जा सा पाली महापाली, दिव्वा वरिससओवमा ॥५॥ से चुए बंधलोगाओ, माणुस्सं

भवमागए। अप्पणो य परेसिं च, आउं जाणे जहा तहा ॥६॥ नाणा रुइं च छंदं च, परिवज्जिज्ज संजओ। अण्डा जे य सव्वत्था,
 इइ विज्जामणुसंचरे ॥७॥ पडिक्कमामि पसिणाणं, परमंतेहिं वा पुणो। अहो उट्ठिओ अहोरायं, इइ विज्जा तवं चरे ॥८॥ जं च
 मे पुच्छसी काले, सम्मं सुब्बेण (बुब्बेण) चेयसा। ताइं पाउकरे बुब्बे, तं नाणं जिणसासणे ॥९॥ किरियं च रोअए धीरो, अकिरियं
 परिवज्जए। दिट्ठीए दिट्ठिसंपन्नो, धम्मं चरसु दुच्चरं ॥५८०॥ एयं पुण्ण(ण)पयं सुच्चा, अत्थधम्मोवसोहियं। भरहोऽवि भारहं वासं,
 चिच्चा कामाइं पव्वए ॥१॥ सगरोऽवि सागरंतं, भरहवासं नराहिवो। इस्सरियं केवलं हिच्चा, दयाए परिनिव्वुडे ॥२॥ चइत्ता भारहं
 वासं, चक्कवट्ठी महिडिढओ। पव्वज्जमब्भुवगओ, मघवं नाम महाजसो ॥३॥ सणंकुमारो मणुसिंदो, चक्कवट्ठी महिडिढओ। पुत्तं
 रज्जे ठवित्ताणं, सोऽवि राया तवं चरे ॥४॥ चइत्ता भारहं वासं, चक्कवट्ठी महिडिढओ। संती संतिकरो लोए, पत्तो गइमणुत्तरं ॥५॥
 इक्खागारायवसहो, कुंथू नाम नरेसरो। विक्खायकित्ती धिइमं (भयवं), मुक्खं गओ अणु (त्तो गइमणु) त्तरं ॥६॥ सागरंतं जहित्ताणं,
 भरहवासं नरे (नरवरी) सरो। अरो य अरयं (सं) पत्तो, पत्तो गइमणुत्तरं ॥७॥ चइत्ता भारहं वासं, चक्कवट्ठी महिडिढओ। चिच्चा
 य उत्तमे भोए, महापउमो दमं चरे ॥८॥ एगच्छत्तं पसाहित्ता, महिं माणनिसूरणो। हरिसेणो मणुस्सिंदो, पत्तो गइमणुत्तरं ॥९॥ अग्निओ
 रायसहस्सेहिं, सुपरिच्चाई दमं चरे। जयनामो जिणक्खायं (ओ), पत्तो गइमणुत्तरं ॥५९०॥ दसण्णरज्जं मुइयं, चइत्ताणं मुणी चरे।
 दसण्णभदो निक्खंतो, सक्खं सक्केण चोइओ ॥१॥ नमी नमेइ अप्पाणं, सक्खं सक्केण चोइओ। जहित्ता रज्जं (चइऊण देहं) वइदेही,

सामन्ने पज्जुवट्ठिओ। (१ प्रक्षिप्ता)। करकंडू कलिंगाणं (गेसु), पंचालाण (लेसु) य दुम्भुहो। णमी राया विदेहाणं (हैसु), गंधाराण (रेसु) य नग्गई ॥२॥ एए नरिंदवसभा, निक्खंता जिणसासणे। पुत्ते रज्जे ठवित्ताणं, सामन्ने पज्जुवट्ठिआ ॥३॥ सोवीररायवसभो, चइत्ताण मुणी चरे। उद्दायणो पव्वइओ, पत्तो गइमणुत्तरं ॥४॥ तहेव कासिरायावि, सेओ सच्चपरक्कमो। कामभोगे परिच्चज्ज, पहणे कम्ममहावणं ॥५॥ तहेव विजओ राया, अणट्ठा (आणट्ठा) कित्तिपव्वए। रज्जं तु गुणसमिद्धं, पयहित्तु महायसो ॥६॥ तहेवुगं तवं किच्चा, अव्व (स) विक्खत्तेण चेयसा। महाबलो रायरिसी, अद्दा (आदा) य सिरसा (सो) सिरं (रि) ॥७॥ कहं धीरो अहेऊहिं, उम्मत्तोव्व महिं चरे?। एए विसेसमादाय, सूरा दढपरक्कमा ॥८॥ अच्चंतनियाणक्खमा, एसा (सव्वा) मे भासिया वई। अतरिंसु तरंतेगे (ऽण्णे), तरिस्संति अणागया ॥९॥ कहं धीरे अहेऊहिं, अद्दायं परियावसे। सव्वसंगविणिम्भुक्को, सिद्धे भवइ नीरए ॥६००॥ ति बेमि, संजइज्जं १८॥

सुग्गीवे नयरे रम्मे, काणणुज्जाणसोहिए। राया बलभददुत्ति, मिया तस्सज्गमाहिसी ॥१॥ तेसिं पुत्ते बलसिरी, मियापुत्तत्ति विस्सुए। अम्मापिऊहिं दइए, जुवराया दमीसरे ॥२॥ नंदणे सो उ पासाए, कीलए सह इत्थिहिं। देवो दोगुंदगो चेव, निच्चं मुइयमाणसो ॥३॥ मणिरयणकुट्टिमलतले, पासायालोअणे ठिओ। आलोएइ नगरस्स, चउक्कतियचच्चरे ॥४॥ अह तत्थ अइच्छंतं, पासई समणसंजयं। तवनियमसंजमधरं, सीलइढं गुणआगरं ॥५॥ तं पेहई मियापुत्ते, दिट्ठीए अणिमिसाइ उ। कहिं मन्नेरिसं रुवं,

दिदठपुव्वं मए पुरा? ॥६॥ साहुस्स दरिसणे तस्स, अज्झवसाणंमि सोहणे । मोहं गयस्स संतस्स, जाईसरणं समुप्पन्नं ॥७॥ देवलोगचुओ संतो, माणुसं भवमागओ । सन्निताणे समुप्पन्ने, जाइं सरइ पुराणयं ॥८॥ जाईसरणे समुप्पण्णे, मियापुत्ते महिडिढए । सरइ पोराणिअं जाइं, सामण्णं च पुराकयं ॥९॥ विसएसु अरज्जंतो, रज्जंतो संजमंमि यो । अम्मापियरं उवागम्म, इमं वयणमब्बवी ॥१०॥ सुआणि मे पंच महव्वयाणि, नरएसु दुक्खं च तिरिक्खजोणिसु । निव्विण्णकामो मि महण्णवाओ, अणुजाणह पव्वइस्सामि अम्मो ! ॥११॥ अम्मताय ! मए भोगा, भुत्ता विसफलोवमा । पच्छा कडुयविवागा, अणुबंधदुहावहा ॥१२॥ इमं सरीरं अणिच्चं, असुइं असुइसंभवं । असासयावासमिणं, दुक्खकेसाण भायणं ॥१३॥ असासए सरीरंमि, रइं नोवलभामइहं । पच्छा पुरा व चइयव्वे, फेणबुब्बुयसंनिभे ॥१४॥ माणुस्सत्ते असारंमि, वाहीरोगाण आलए । जरामरणघत्थंमि, खणंपि न रमामइहं ॥१५॥ जम्म दुक्खं जरा दुक्खं, रोगा य मरणाणि यो । अहो दुक्खो हु संसारो, जत्थ कीसंति जंतुणो ॥१६॥ खित्तं वत्थुं हिरण्णं च, पुत्तदारं च बंधवा । चइत्ताण इमं देहं, गंतव्वमवसस्स मे ॥१७॥ जह किंपागफलाणं, परिणामो न सुंदरो । एवं भुत्ताण भोगाणं, परिणामो न सुंदरो ॥१८॥ अब्बाणं जो महंतं तु, अपाहेज्जो पव्वज्ज(इढ)ई । गच्छंतो से दुही होइ, छुहातणहाइपीडिओ ॥१९॥ एवं धम्मं अकाऊणं, जो गच्छइ परं भवं । गच्छंतो से दुही होई, वाहिरो गेहिं पीडिओ ॥२०॥ अब्बाणं जो महंतं तु, सपाहेज्जो पव्वज्जई । गच्छंतो से सुही होइ, छुहातणहाविवज्जिओ ॥२१॥ एवं धम्मंपि काऊणं, जो गच्छइ परं भवं । गच्छंते से सुही होइ, अप्पकम्मे अवेयणे ॥२२॥ जहा गेहे

पलित्तंमि, तस्स गेहस्स जो प्हू। सारभंडाणि नीणेइ, असारं अवउज्झइ॥२॥ एवं लोए पलित्तंमि, जराए मरणेण य। अप्पाणं
 तारइस्सामि, तुब्भेहिं अणुमत्तिओ॥३॥ तं बिंतज्झापियरो, सामन्नं पुत्त! दुच्चरे। गुणाणं तु सहस्साणि, धारेयव्वाइं भिक्खुणा॥४॥
 समया सव्वभूएसुं, सत्तुमित्तेसु वा जगे। पाणाइवायविरई, जावज्जीवाय दुक्करं॥५॥ निच्चकालज्झमत्तेणं, मुसावायविवज्जणं।
 भासियव्वं हियं सच्चं, निच्चाउत्तेण दुक्करं॥६॥ दंतसोहणमाइस्स, अदत्तस्स विवज्जणं। अणवच्चेसणिज्जस्स, गिण्हणा अवि
 दुक्करं॥७॥ विरई अबंभचेरस्स, कामभोगरसन्नुणा। उगं महव्वयं बंभं, धारेयव्वं सुदुक्करं॥८॥ धणधत्तपेसवगेषु, परिगहविवज्जणं।
 सव्वारंभपरिच्चागो, निम्ममत्तं सुदुक्करं॥९॥ चउव्विहेज्जि आहारे, राईभोयणवज्जणा। संनिहीसंचओ चेव, वज्जेयव्वो सुदुक्करं॥६३०॥
 छुहा तण्हा य सीउण्हं, दंसमसगा य वेयणा। अक्कोसा दुक्खसिज्जा य, तण्फासा जल्लमेव य॥१॥ तालणा तज्जणा चेव,
 वहबंधपरीसहा। दुक्खं भिक्खायरिया, जायणा य अलाभया॥२॥ कावोया जा इमा वित्ती, केसलोओ य दारुणो। दुक्खं बंभव्वयं
 घोरं, धारेउं अमहप्पणो॥३॥ सुहोइओ तुमं पुत्ता!, सुकुमालो सुमज्जिओ। न हुसी पभू तुमं पुत्ता!, सामन्नमणुपालिया॥४॥
 जावज्जीवमविस्सामो, गुणाणं तु महब्भरो। गरुओ लोहभारुव्व, जो पुत्ता! होइ दुव्वहो॥५॥ आगासे गंगसोउव्व, पडिसोउव्व दुत्तरो।
 बाहाहिं सागरो चेव, तरियव्वो य गुणोयही॥६॥ वालुयाकवले चेव, निरस्साए उ संजमे। असिधारागमणं चेव, दुक्करं चरिउं तवो॥७॥
 अहीवेगंतदिट्ठीए, चरित्ते पुत्त! दुच्चरे। जवा लोहमया चेव, चावेयव्वा सुदुक्करं॥८॥ जहा अगिसिहा दित्ता, पाउं होइ सुदुक्करं।

तह दुक्करं करेउं जे, तारुण्णे समणत्तणं॥९॥ जहा दुक्खं भरेउं जे, होइ वायस्स कुत्थलो। तहा दुक्खं करेउं जे, कीवेणं
 समणत्तणं॥६४०॥ जहा तुलाए तोलेउं, दुक्करं मंदरो गिरी। तहा णिहुअणीसंकं, दुक्करं समणत्तणं॥१॥ जहा भुयाहिं तरिउं, दुक्करं
 रयणायरो। तहा अणुवसंतेणं, दुक्करं दमसायरो॥२॥ भुंज माणुस्सए भोए, पंचलक्खणए तुमं। भुत्तभोगी तओ जाया! पच्छा
 धम्मं चरिस्ससि॥३॥ सो (तो) बेअम्मापियरे, एवमेयं जहाफुडं। इहलोगे निप्पिवासस्स, नत्थि किंचिवि दुक्करं॥४॥ सारीरमाणसा
 चेव, वेयणा उ अणंतसो। मए सोढाओ(इं)भीमाओ(इं), असइं दुक्खभयाणि य॥५॥ जरामरणकंतारे, चाउरंते भयागरे। मया
 सोढाणि भीमाइं, जम्माइं मरणाणि य॥६॥ जहा इहं अगणी उण्हो, इत्तोऽणंतगुणो तहिं। नरएसु वेयणा उण्हा, अस्साया वेइया
 मए॥७॥ जहा इहं इमं सीयं, इत्तोऽणंतगुणं(णा) तहिं। नरएसु वेयणा सीया, अस्साया वेइया मए॥८॥ कंदंतो कंदुकुंभीसु, उद्धपाओ
 अहोसिरो। हुयासणे जलंतंमि, पक्कपुव्वो अणंतसो॥९॥ महादवगिगसंकासे, मरुंमि वइरवालुए। कालंबवालुआए उ, दइढपुव्वी
 अणंतसो॥६५०॥ रसंतो कंदुकुंभीसु, उइढं बद्धो अबंधवो। करवत्तकरकयाईहिं, छिन्नपुव्वो अणंतसो॥१॥ अइतिक्खकंटगाइण्णे,
 तुंगे सिंबलिपायवे। खेवियं पासबद्धेणं, कइढोकइढाहिं दुक्करं॥२॥ महाजंतेसु उच्छूवा, आरसंतो सुभेरवं। पीलिओ मि सकम्भेहिं,
 पावकम्भो अणंतसो॥३॥ कूवंतो कोलसुणएहिं, सामेहिं सबलेहि य। पाडिओ फालिओ छिन्नो, विप्फुरंतो अणेगसो॥४॥
 असी(अरसा)हिं अयसिवण्णेहिं, भल्लीहिं पट्टिसेहि य। छिन्नो भिन्नो विभिन्नो य, उववन्नो(उइण्णो) पावकम्भुणा॥५॥ अवसो लोहरहे

जुत्तो, जलंते(त) समिलाजुए। चोइओ तुत्तजुत्तेहिं, रुज्झो वा जह पाडिओ॥६॥ हुआसणे जलंतंमि, चिआसु महिसोविव। दब्धो
 पक्को य अवसो, पावकम्भेहिं पाविओ॥७॥ बला संडासतुंडेहिं, लोहतुंडेहिं पक्खिहिं। विलुत्तो विलवंतोऽहं, ढंकगिद्धेहिंऽणंतसो॥८॥
 तण्हाकिलंतो धावंतो, पत्तो वेयरणिं नइं। जलं पाहंति चिंतंतो, खुरधाराहिं विवाइओ॥९॥ उण्हाभितत्तो संपत्तो, असिपत्तं महावणं।
 असिपत्तेहिं पडंतेहिं, छिन्नपुव्वो अणेगसो॥६६०॥ मुग्गेहिं मुसुंढीहिं, सूलेहिं मुसलेहि य। गयासंभग्गत्तेहिं, पत्तं दुक्खं अणंतसो॥१॥
 खुरेहिं तिक्खधाराहिं, छुरियाहिं कप्पणीहि य। कप्पिओ फालिओ छिन्नो, उक्कित्तो य अणेगसो॥२॥ पासेहिं कूडजालेहिं, मिओ
 वा अवसो अहं। वा(ग)हिओ बद्धरुद्धो य, विवसो चेव विवाइओ॥३॥ गलेहिं मगरजालेहिं, वच्छोवा अवसो अहं। उल्लिओ
 फालिओ गहिओ, मारिओ य अणंतसो॥४॥ विदंसएहिं जालेहिं, लिप्पाहिं सउणोविव। गहिओ लग्गो य बद्धो य, मारिओ य
 अणंतसो॥५॥ कुहाडपरसुमाईहिं, वडढईहिं दुमोविव। कुट्टिओ फालिओ छिन्नो, तच्छिओ य अणंतसो॥६॥ चवेडमुट्ठिमाईहिं, कुमारेहिं
 अयंपिव। ताडिओ कुट्टिओ भिन्नो, चुण्णिओ य अणंतसो॥७॥ तत्ताइं तंबलोहाइं, तउआइं सीसगाणि य। पाइओ कलकलंताइं,
 आरसंतो सुभेरवं॥८॥ तुह प्पियाइं मंसाइं, खंडाई सुल्लागाणि य। खाविओ मि समंसाइं, अग्गिवण्णाइं णेगसो॥९॥ तुहं पिया सुरा
 सीहू, मेरओ य महूणि य। पज्जिओ मि जलंतीओ, वसाओ रुहिराणि य॥६७०॥ निच्चं भीएण तत्थेणं, दुहिएण वहिएण य।
 परमा दुहसंबद्धा, वेयणा वेइया मए॥१॥ तिक्खचंडप्पगाढाओ, घोराओ अइदुस्सहा। महम्मयाओ (महालयाओ) भीमाओ, नरएसुं

वेइया मए॥२॥ जारिसा माणुसे लोए, ताया! दीसंति वेयणा। इत्तो अणंतगुणिया, नरएसुं दुक्खवेयणा॥३॥ सव्वभवेसु अस्साया,
वेयणा वेइया मए। निमिसंतरमित्तं पि, जं साया नत्थि वेयणा॥४॥ तं बिंतज्ज्मापियरो, छंदेणं पुत्त! पव्वथ। नवरं पुण सामण्णे,
दुक्खं निप्पडिकम्भया॥५॥ सो बिंतज्ज्मापियरो!, एवमेयं जहाफुडं। परिकम्भं को कुणई, अरत्ते मिगपक्खिणं?॥६॥ एगब्भूओ
अरत्ते वा, जहा उ चरई मिगो। एवं धम्मं चरिस्सामि, संजमेण तवेण य॥७॥ जया मिगस्स आयंको, महारण्णांमि जायई। अच्छंतं
रुक्खमूलंमि, को णं ताहे चिगिच्छई॥८॥ को वा से ओसहं देइ, को वा से पुच्छई सुहं। को से भत्तं व पाणं वा, आहरित्तु
पणामई?॥९॥ जया य से सुही होइ, तथा गच्छइ गोअरं। भत्तपाणस्स अट्ठाए, वल्लराणि सराणि य॥६८०॥ खाइत्ता पाणियं पाउं,
वल्लरेहिं सरेहि य। मिगचारियं चरित्ताणं, गच्छई मिगचारियं॥१॥ एवं समुट्ठिए भिक्खू, एवमेव अणेगए (अणिएयणे)। मिगचारियं
चरित्ताणं, उड्ढं पक्कमई दिसं॥२॥ जहा मिए एग अणेगचारी, अणेगवासे धुवगोअरे य। एवं मुणी गोयरियं पविट्ठे, नो हीलए
नोविय खिसइज्जा॥३॥ मिगचारियं चरिस्सामि, एवं पुत्ता! जहासुहं। अम्मापिऊहिंज्जुण्णाओ, जहाइ उवहिं तओ॥४॥ मिगचारियं
चरिस्सामो, सव्वदुक्खविमुक्खणिं। तुब्भेहिं अम्ब!ज्जुण्णाओ, गच्च पुत्त! जहासुहं॥५॥ एवं सो अम्मापियरं, अणुमाणित्ताण
बहुविहं। मभत्तं छिंदई ताहे, महानागुव्व कंचुयं॥६॥ इइढी वित्तं च मित्ते य, पुत्तदारं च नायओ। रेणुयं व पडे लगं, निब्बुणित्ताण
निग्गओ॥७॥ पंचमहव्वयजुत्तो पंचसम्मिओ तिगुत्तिगुत्तो य। सम्भितरबाहिरिए तवोकम्भंमि उज्जुओ॥८॥ निम्ममो निरहंकारो, निस्संगो

चत्तगारवो। समो य सव्वभूएसु, तसेसु थावरेसु य॥१॥ लाभालाभे सुहे दुक्खे, जीविए मरणे तहा। समो निंदापसंसासु, तहा
माणवमाणओ॥६१०॥ गारवेसु कसाएसु, दंडसल्लभएसु य। नियत्तो हाससोगाओ, अनियाणो अबंदणो॥१॥ अणिसिओ इहं लोए,
परलोए अणिसिओ। वासीचंदणकप्पो य, असणे अणसणे तहा॥२॥ अप्पसत्थेहिं दारेहिं, सव्वओ पिहियासवो। अज्झप्पझाणजोगेहिं,
पसत्थदमसासणो॥३॥ एवं नाणेण चरणेण, दंसणेण तवेण य। भावणाहिं विसुद्धाहिं, सम्मं भावित्तु अप्पयं॥४॥ बहुयाणि उ
वासाणि, सामन्नमणुपालिया। मासिएण उ भत्तेणं, सिद्धिं पत्तो अणुत्तरं॥५॥ एवं करंति संबुद्धा (संपन्ना), पंडिया पवियक्खणा।
विणियट्ठंति भोगेसु, मियापुत्ते जहामिसी॥६॥ महप्पभावस्स महाजमस्स, मियाइपुत्तस्स निसम्म भासियं। तवप्पहाणं चरियं च उत्तमं,
गइप्पहाणं च तिलोअविस्सुतं॥७॥ वियाणिया दुक्खविवड्ढणं धणं, ममत्तबंधं च महाभयावहं। सुहावहं धम्मधुरं अणुत्तरं, धारेह
निव्वाणगुणावहं महं॥१८॥ मिगापुत्तिज्जं११॥ सिद्धाण नमो किच्चा, संजयाणं च भावओ। अत्थधम्मगइं तच्चं, अणुसिद्धिं सुणेह
मे॥१॥ पभूयरयणो राया, सेणिओ मगहाहिवो। विहारजत्तं निजाओ, मंडिकुच्छिसि चेइए॥१००॥ नाणादुमलयाइन्नं, नाणापक्खिनिसेवियं।
नाणाकुसुमसंछण्णं, उज्जाणं नंदणोवमं॥१॥ तत्थ सो पासए साहुं, संजयं सुसमाहियं। निसन्नं रुक्खमूलंभि, सुकुमालं सुहोइयं॥२॥
तस्स रूवं तु पासित्ता, राइणो तंमि संजए। अच्चंतपरमो आसी, अउलो रूवविभओ॥३॥ अहो वन्नो अहो रूवं, अहो अज्जस्स
सोमया। अहो खंती अहो मुत्ती, अहो भोगे असंगया॥४॥ तस्स पाए उ वंदित्ता, काऊण य पयाहिणं। नाइदूरमणासन्ने, पंजली

पडिपुच्छई॥५॥ तरुणोऽसि अज्जो! पव्वइओ, भोगकालंमि संजया! उवट्ठिओऽसि सामन्ने, एअमट्ठं सुणेमु ता॥६॥ अणाहो मि
 महारायं!, नाहो मज्झं न विज्जई। अणुकंपयं सुहिं वावि, कंची नाहि तु (भिस) मेमइहं॥७॥ तो सो पहसिओ राया, सेणिओ मगहाहिवो।
 एवं ते इट्ठिमं तस्स, कहं नाहो न विज्जई?॥८॥ होमि नाहो भयंताणं, भोगे भुंजाहि संजया! भित्तनाईपरिवुडो, माणुस्सं खु सुदुल्लहं॥९॥
 अप्पणावि अणाहोऽसि, सेणिया! मगहाहिवो। अप्पणा अणाहो संतो, कहं (स्स) नाहो भविस्ससि?॥१०॥ एवं वुत्तो नरिंदो सो,
 सुसंभंतो सुविम्हिओ। वयणं अस्सुअपुव्वं, साहुणा विम्हयं निओ॥१॥ अस्सा हत्थी मणुस्सा मे, पुरं अंतोउरं च मे। भुंजाभि माणुसे
 भोए, आणा इस्सरियं च मे॥२॥ एरिसे संपयगं (यायं) मि, सव्वकामसमप्पिओ। कहं अणाहो भवई?, मा हु भंते! (भंते! मा
 हु) मुसं वए॥३॥ न तुमं जाणसि (ने अ) नाहस्स, अत्थं पुच्छं (त्थं) च पत्थिवा! जहा अणाहो भवई (सि), सणाहो बा
 नराहिवो॥४॥ सुणेहि मे महारायं!, अव्वक्खित्तेण चेयसा। जहा अणाहो भवई, जहा मेअ पवत्तियं॥५॥ कोसंबीनाम नयरी,
 पुराणपुरभेयिणी (नगराण पुडभेयणी)। तत्थ आसी पिया मज्झं, पभूयधणसंचओ॥६॥ पढमे वए महारायं!, अउला मे अच्छिवेयणा।
 अहुत्था तिउलो दाहो, सव्वगत्तेसु पत्तिवा!॥७॥ सत्थं जहा परमत्तिक्खं, सरीरविवरंतरे। पविसिज्ज अरी कुद्धो, एवं मे
 अच्छिवेयणा॥८॥ तिअं मे अंतरिच्छं, च, उत्तिमंगं च पीडई। इंदासणिसमा घोरा, वेयणा परमदारुणा॥९॥ उवट्ठिया मे आयरिया,
 विज्जामंतचिगिच्छगा। अबीआ सत्थकुसला (नानासत्थकुसला), मंतमूलविसारया॥१०॥ ते मे तिगिच्छं कुव्वंति, चाउप्पायं

जहाहियं। न य मे दुक्खा विमोयंति, एसा मज्झ अणाहया॥१॥ पिया मे सव्वसारंपि, दिज्जाहि मम कारणा। न य दुक्खा विमोयेति,
 एसा मज्झ अणाहया॥२॥ माया (वि) मे महाराय!, पुत्तसोगदुहदिया। न य दुक्खा विमोयेति, एसा मज्झ अणाहया॥३॥ भायरा
 मे महाराय!, सगा जिट्ठकणिट्ठगा। न य दुक्खा विमोयंति, एसा मज्झ अणाहया॥४॥ भइणीओ मे महाराय!, सगा जिट्ठकणिट्ठगा।
 न य दुक्खा विमोयंति, एसा मज्झ अणाहया॥५॥ भारिया मे महाराय!, अणुरत्तमणुव्वया। अंसुपुत्तेहिं नयणेहिं, उरं मे परिसिंचई॥६॥
 अन्नं पाणं च ण्हाणं च तारिसं रोगमावण्णे(, गंधमल्लविलेवणं। मए नायमनायं वा, सा बाला नोवभुंजई॥७॥ खणंपि मे महाराय!,
 पासाओवि न फिट्ठई। न य दुक्खा विमोएइ, एसा मज्झ अणाहया॥८॥ तओऽहं एवमाहंसु, दुक्खमाहु पुणो पुणो। वेयणा अणुहविउं
 जे, संसारंमि अणंतए॥९॥ सयं च जइ मुंचिज्जा, वेयणा विउला इओ। खंतो दंतो निरारंभो, पव्वइए अणगारियं॥१०॥ एवं
 च चिंतइत्ताणं, पासुत्तो मि नराहिवा!। परियत्तंतीइ राईए, वेयणा मे खयं गया॥१॥ तओ कल्ले पभायंमि, आउच्छित्ताण बंधवे।
 खंतो दंतो निरारंभो, पव्वइओ अणगारियं॥२॥ ततोऽहं नाहो जाओ, अप्पणो अ परस्स यो सव्वेसिं चेव भूयाणं, तसाणं थावराण
 य॥३॥ अप्पा नई वेयरणी, अप्पा मे कूडसामली। अप्पा कामदुहा धेणू, अप्पा मे नंदणं वणं॥४॥ अप्पा कत्ता विकत्ता य, दुहाण
 य सुहाण य। अप्पा भित्तमभित्तं च, दुप्पट्ठियसुपट्ठिओ॥५॥ इमा हु अन्नावि अणाहया निवा!, तामे गचित्तो निहुओ सुणेहि मे।
 नियंठधम्मं लहियाणवी जहा, सीयंति एगे बहुकायरा नरा॥६॥ जे पव्वइत्ताण महव्वयाइं, सम्मं (च) नो फासयई पमाया।

अणिग्गहप्पा य रसेसु गिद्धे, न मूलओ छिंदइ बंधणं से॥७॥ आउत्तया जस्स य नत्थि कावि, इरियाइ भासाइ तहेसणाए।
 आयाणनिक्खेवदुगुंछणाए, न वीरजायं अणुजाइ मगं॥८॥ चिरंपि से मुंडरुई भवित्ता, अथिरव्वाए तवनियमेहिं भट्ठे। चिरंपि अप्पाण
 किलेसइत्ता, न पारए होइ हु संपराए॥९॥ पुल्लेव(पोल्लार)मुट्ठी जह से असारे, अयंतिते कूडकहावणे य। राढामणी वेरुलियप्पगासे,
 अमहग्घए होइ हु जाणाएसु॥१०॥ कुसीललिंगं इह धारइत्ता, इसिज्झयं जीविय वूहइत्ता। असंजए संजय लप्प(लाभ)माणे,
 विणिघायमागच्छइ से चिरंपि॥११॥ विसं तु पीयं जह कालकूडं, हणाइ सत्थं जह कुग्गहीअं। एमेव धम्मो विसओववत्तो, हणाइ
 वेयाल इवाविवत्तो(बंधणो)॥१२॥ जो लक्खणं सुविण पउंजमाणो, निमित्तकोऊहलसंपगाढे। कुहेडविज्जासवदारजीवी, न गच्छई
 सरणं तंमि काले॥१३॥ तमंतमेणेव उ से असीले, सया दुही विप्परियासुवेइ। संधावई नरगतिरिक्खजोणी, मोणं विराहित्तु
 असाहरुवे॥१४॥ उद्देसियं कीयगडं नियागं, न मुच्चई किंचि अणेसणिज्जं। अग्गी विवा सव्वभक्खी भवित्ता, इओ चुओ गच्छइ
 कटट्टु पावं॥१५॥ न तं अरी कंठ छित्ता करेइ, जं से करे अप्पणिया दुरप्पा। से नाहिई मच्चुमुहं तु पत्ते, पच्छाणुतावेण दयाविहूणा॥१६॥
 निरत्थया नग्गरुई उ तस्स, जे उत्तमट्ठे विवयासमेइ। इमेवि से नत्थि परेवि लोए, दुहओऽवि से झिज्झइ तत्थ लोए॥१७॥
 एमेवऽहाछंदकुसीलरूवे, मगं विराहित्तु जिणुत्तमाणं। कुररीविवा भोगरसाणुगिद्धा, निरडुसोया परितावमेइ॥१८॥ सुच्चाण मेहावि
 सुभासियं इमं, अणुसासणं नाणगुणोववेयं। मगं कुसीलाण जहाय सव्वं, महानियंठाण वए पहेणं॥१९॥ चरित्तमायारगुणान्निए तओ,

अणुत्तरं संजम पालियाणं। निरासवे संखवियाण कम्मं, उवेइ ठाणं विलुत्तमं धुवं॥७५०॥ एवुग्गदंतेऽवि महातवोधणे, महामुणी
महापइणे महायसे। महानियंठिज्जमिणं महासुयं, से काहए महया वित्थरेणं॥१॥ तुट्ठो य सेणिओ राया, इणमुदाहु कयंजली। अणाहयं
जहाभूयं, सुदट्ठ मे उवदंसियं॥२॥ तुज्जे सुलब्धं खु मणुस्स जम्मं, लाभा सुलब्धा य तुमे महेसी!। तुब्भे सणाहा य सबंधवा य,
जं भे ठिया मग्गि जिणुत्तमाणं॥३॥ तंसि नाहो अणाहाणं, सव्वभूयाण संजया!। खामेमि ते महाभाग!, इच्छामि अणुसासिउं॥४॥
पुच्छिऊण मए तुब्भं, झाणविग्घो य जं कओ। निमंतिया य भोगेहिं, तं सव्वं मरिसेहि मे॥५॥ एवं थुणित्ताण से रायसीहो, अणगारसीहं
परमाइ भत्तिए। सओरोहो य सपरियणो (सबंधवो य), धम्माणुरत्तो विमलेण चैयसा॥६॥ ऊससियरोमकूवो, काऊण य पयाहिणं।
अभिवंदिऊण सिरसा, अइयाओ नराहिवो॥७॥ इयरोऽवि गुणसमिद्धो तिगुत्तिगुत्तो तिदंडविरओ य। विहगइव विप्पमुक्को विहरइ
वसुहं विगयमोहु॥७५८॥ ति बेमि, महानियंठिज्जं २०॥

चंपाए पालिए नाम, सावए आसि वाणिए। महावीरस्स भगवओ, सीसो सो उ महप्पणो॥९॥ निग्गंथे पावयणे, सावए से
विकोविए। पोएण ववहरंते, पिहुंडं नयरमागए॥७६०॥ पिहुंडे ववहरंतस्स, वाणिओ देइ धूअरं। तं ससत्तं पइगिज्झ, सदेसमह
पत्थिओ॥१॥ अह पालियस्स घरणी, समुद्धंमि पसवइ। अह दारए तहिं जाए, समुदपालित्ति नामए॥२॥ खेमेण आगए चंपं, सावए
वाणिए घरं। संवड्ढई घरे तस्स, दारए से सुहोइए॥३॥ बावत्तरीकलाओ य, सिक्खिए (जाए य) नीइकोविए। जुव्वणेण य

અપ્પુ(સંપ)ળ્ળે, સુરૂવે પિયદંસળે ॥૪॥ તસ્સ રૂવવડં ભજં, પિયા આળેડ રૂવિળિં । પાસાએ કીલએ રમ્મે, દેવો દોગુંદગો જહા ॥૫॥
 અહ અન્નયા કયાઈ, પાસાયાલોઅળે ઠિઓ । વજ્ઝમંડળસોભાગં, વજ્ઝં પાસડ બજ્ઝગં ॥૬॥ તં પાસિઝળ સંવિગ્ગો, સમુદ્ધપાલો
 ઇળમબ્બવી । અહો અસુહાળ કમ્માળં, નિજ્ઞાળં પાવગં ઇમં ॥૭॥ સંબુદ્ધો સો તહિં ભયવં, પરમં સંવેગમાગઓ । આપુચ્છઝમ્માપિયરો,
 પવ્વએ અળગારિયં ॥૮॥ જહિજ્જ સગંથ (તુ સગં ચ) મહાકિલેસં, મહંતમોહં કસિળં ભયાળગં । પરિયાયધમ્મં ચઙ્ગિરોઅઙ્ગિજ્ઞા,
 વયાળિ સીલાળિ પરીસહે ય ॥૯॥ અહિંસ સચ્ચં ચ અતેળગં ચ, તત્તો અ બંભં (અબ્બંભ) અપરિહગ્ગહં ચ । પડિવજ્જિયા પંચ મહવ્વયાળિ,
 ચરિજ્જ ધમ્મં જિળદેસિયં વિઝ ॥૧૦॥ સવ્વેહિ ભૂએહિં દયાળુકંપી, ચંતિવ્વમે સંજયવંભયારી । સાવજ્જજોગે પરિવજ્જયંતો, ચરિજ્જ
 ભિક્ખૂ સુસમાહિંદિએ ॥૧॥ કાલેળ કાલં વિહરિજ્જ રદ્ધે, બલાબલં જાળિય અપ્પળો ય । સીહોવ સદ્દેળ ન સંતસિજ્જા, વઙ્ગજોગ
 સુચ્ચા ન અસબ્બમાહૂ ॥૨॥ ઉવેહમાળો ડ પરિવ્વઙ્ગિજ્જા, પિયમપ્પિયં સવ્વ તિતિવ્વઙ્ગિજ્જા । ન સવ્વ સવ્વત્થઙ્ગિરોઅઙ્ગિજ્જા, ન યાવિ
 પૂયં ગરિહં ચ સંજએ ॥૩॥ અળેગછંદામિહ માળવેહિં, જે ભાવઓ સે પકરેડ ભિક્ખૂ । ભયભેરવા તત્થ ઉઙં (વે) િતિ ભીમા, દિવ્વા મળુસ્સા
 અદુવા તિરિચ્છા ॥૪॥ પરીસહા દુવ્વિસહા અળેગે, સીયંતિ જત્થા બહુકાયરા નરા । સે તત્થ પત્તે ન વહિજ્જ પંડિએ, સંગામસીસેઙ્ગ
 નાગરાયા ॥૫॥ સીઓસિળા દંસમસગા ય ફાસા, આયંકા વિવિહા ફુસંતિ દેહં । અકુક્કુઓ (અકવ્કરે) તત્થઙ્ગિયાસઙ્ગિજ્જા, રયાઈ
 ચવિજ્જ પુરાકડાઈ ॥૬॥ પહાય રાગં ચ તહેવ દોસં, મોહં ચ ભિક્ખૂ સયયં વિયવ્વળે । મેરુવ્વ વાળળ અકંપમાળે, પરીસહે આયગુત્તે

सहिज्जा ॥७॥ अणुत्रए नावणए महेसी, न यावि पूयं गरिहं च संजए। से उज्जुभावं पडिवज्ज संजए, निव्वाणमगं विरए उवेइ ॥८॥
 अरइरइसहे पहीणसंथवे, विरए आयहिए पहाणवं। परमट्टपएहिं चिट्ठई, छिन्नसोए अममे अकिंचणे ॥९॥ विवित्तलयणाइं भइज्ज
 ताई, निरोवलेवाइं असंथडाइं। इसीहिं चित्राइं महायसेहिं, काएण फासिज्ज परीसहाइं ॥१०॥ सण(स)णाणनाणोवणए महेसी,
 अणुत्तरं चरियं धम्मसंचयं। अ(गु)णुत्तरे नाणधरे जसंसी, ओभासई सूरिए वंजतलिकखे ॥१॥ दुविहं खवेऊण य पुत्रपावं,
 निरजं(ग)णे सव्वओ विप्पमुक्के। तरित्ता समुहं व महाभवोहं, समुहपाले अपुणागमं गए ॥१२॥ ति बेमि, समुहपालिज्जं २१ ॥

सोरियपुरंमि नयरे, आसि राया महडिढए। वसुदेवत्तिनामेणं, रायलक्खणसंजुए ॥३॥ तस्स भज्जा दुवे आसि, रोहिणी देवई
 तहा। तासिं दुण्हंपि दो पुत्ता, इट्ठा (जे) रामकेसवा ॥४॥ सोरियपुरंमि नयरे, आसि राया महडिढए। समुहविजये नामं,
 रायलक्खणसंजुए ॥५॥ तस्स भज्जा सिवा नामं, तीसे पुत्तो महायसो। भयवं अरिट्ठनेमिति, लोगनाहे दमीसरे ॥६॥ सोऽरिट्ठनेमिनामो
 अ, लक्खणस्सरसंजुओ। अट्टसहस्सलक्खणधरो, गोयमो कालगच्छवी ॥७॥ वज्जरिसहसंधयणो, समचउरंसो झसोदरो। तस्स राईमइं
 कन्नं, भज्जं जायइ केसवो ॥८॥ अह सा रायवरकन्ना, सुसीला चारुपेहिणी। सव्वलक्खणसंपन्ना, विज्जुसोआमणिप्पभा ॥९॥ अहाह
 जणओ तीसे, वासुदेवं महडिढयं। इहागच्छउ कुमरो, जा से कन्नं ददामऽहं ॥१०॥ सव्वोसहीहिं ण्हविओ, कयकोऊयमंगलो।
 दिव्वजुयलपरिहिओ, आभरणेहिं विभूसिओ ॥१॥ मत्तं च गंधहत्थि च, वासुदेवस्स जिट्ठयं। आरूढो सोहई अहियं, सिरे चूडामणी

जहा ॥२॥ अह ऊसिएण छत्तेण, चामराहि यं सोहिओ। दसारचक्केण तओ, सव्वओ परिवारिए ॥३॥ चउरंगिणीए सेणाए, रइयाए
 जहक्कमं। तुडियाणं सन्निनाएणं, दिव्वेणं गगणं फुसे ॥४॥ एयारिसीइ इइढीए, जुईए उत्तमाइ य। नियगाओ भवणाओ, निजाओ
 वणिहपुंगवो ॥५॥ अह सो तत्थ निज्जंतो, दिस्स पाणे भयददुए। वाडेहिं पंजरेहिं च, संनिरुद्धे (बद्धे) सुदुक्खिए ॥६॥ जीवियंतं तु
 संपत्ते, मंसट्ठा भक्खियव्वए। पासित्ता से महापण्णे, सारहिं इणमव्ववी ॥७॥ कस्स अट्ठा इमे पाणा, एए सव्वे (बहुपाणे) सुहेसिणो।
 वाडेहिं पंजरेहिं च, संनिरुद्धा य अच्छहि? ॥८॥ अहसारही तओ भणइ, एए भद्दा उ पाणिणो। तुज्झं विवाहकज्जंमि, भोआवेउं बहुं
 जणं ॥९॥ सोऊण तस्स वयणं, बहुपाणिविणासणं। चिंतेइ से महाप्पे, साणुक्कोसे जिए हिओ ॥१०॥ जइ मज्झ कारणा एए, हम्मंति
 सुबहू जिया। न मे एयं तु निस्सेसं, परलोगे भविस्सई ॥११॥ सो कुंडलाण जुयलं, सुत्तगं च महायसो। आभरणाणि य सव्वाणि,
 सारहिस्स पणामई ॥१२॥ मणपरिणामो अ कओ देवा य जहोइयं समोइत्ता। सव्विइढीइ सपरिसा निक्खमणं तस्स काउं जे ॥१३॥
 देवमणुस्सपरिवुडो सिबियारयणं तओ समारूढो। निक्खमिय बारगाओ खेययंमि ठिओ भयवं ॥१४॥ उज्जाणे संपत्तो ओइत्तो उत्तमाउ
 सीयाओ। साहस्सीए परिवुडो अह निक्खमइ उ चित्ताहिं ॥१५॥ अह सो सुगंधगंधिए, तुरियं मउअकुंचिए। सयमेव लुंचई केसे
 पंचड्ढी (ड्ढा) हिं समाहिओ ॥१६॥ वासुदेवो अ णं भणई, लुत्तकेसं जिइंदियं। इच्छियमणोरहे तुरियं, पावसू तं दभीसरा! ॥१७॥ नाणेणं
 दंसणेणं च, चरित्तेणं तवेण य। खंतीए मुत्तीए, वद्धमाणो भवाहि य ॥१८॥ एवं ते रामकेसवा, दसारा य बहू जणा। अरिट्ठनेमिं वंदित्ता,

अङ्गया बारगाउरिं॥१॥ सोऊण रायकन्ना, पव्वज्जं सा जिणस्स ३। णीहासा ३ निराणंदा, सोगेण ३ समुच्छिया॥८१०॥ राईमई
 विचिंतेइ, धिरत्थुं मम जीवियं। जाऽहं तेणं परिचत्ता, सेयं पव्वइउं मम॥१॥ अह सा भमरसंनिभे, कुच्चपणगप्पसाहिए। सयमेव
 लुंचई केसे, धिइमंती ववस्सिया॥२॥ वासुदेवो अ णं भणइ, लुत्तकेसिं जिइंदियं। संसारसागरं घोरं, तर कन्ने! लहुं लहुं॥३॥ सा
 पव्वइया संती, पव्वावेसी तहिं बहुं। सयणं परियणं चेव, सीलवंता बहुस्सुआ॥४॥ गिरिं रेवययं जंती, वासेणोल्ला ३ अंतरा। वासंते
 अंधयारंमि, अंतो लयणस्स सा ठिया॥५॥ चीवराणि विसारंती, जहा जायत्ति पासिया। रहनेमी भग्गचित्तो, पच्छा दिट्ठो अ तीइवि॥६॥
 भीया य सा तहिं दट्ठुं, एगंते संजयं तयं। बाहाहिं काउ संगुप्फं, वेवमाणी निसीयई॥७॥ अह सोऽवि रायपुत्तो, समुद्वविजयंगओ।
 भीयं पवेविरं दट्ठुं, इमं वक्कमुदाहरे॥८॥ रहनेमी अहं भदे!, सुरुवे! चारुभासिणी!। ममं भयाहि सुअणु!, न ते पीला भविस्सई॥९॥
 एहि ता भुंजिमो भोगे, माणुस्सं खु सुदुल्लहं। भुत्तभोगा पुणो पच्छा, जिणमगं चरिस्सिमो॥८२०॥ दट्ठूण रहनेमिं तं,
 भग्गुज्जोयपराइयं। राईमई असंभंता, अप्पाणं संवरे तहिं॥१॥ अह सा रायवरकन्ना, सुट्ठिया नियमव्वए। जाइं कुलं च सीलं च,
 रक्खमाणी तयं वदे॥२॥ जइऽसि रूवेण वेसमणो, लल्लिएण नलकूबरो। तहावि ते न इच्छामि, जइऽसि सक्खं पुरंदरो॥३॥ धिरत्थु
 ते जसोकामी!, जो तं जीवियकारणा। वंतं इच्छसि आवेउं, से यं ते मरणं भवे॥४॥ अहं च भोगरायस्स, तं चऽसि अंधगवणिहणो।
 मा कुले गन्धणा होमो, संजमं निहुओ चर॥५॥ जइ तं काहिसि भावं, जा जा दिच्छसि नारिओ। वायाविन्दुव्व हडो, अट्ठिअप्पा

भविस्ससि॥६॥ गोवालो भंड द वालो वा, जहा तद्वव णिस्सरो। एवं अणीसरो तं पि, सामन्नस्स भविस्ससि॥७॥ तीसे सो वयणं सुच्चा, संजईए सुभासियं। अंकुसेण जहा नागो, धम्मे संपडिवाइओ॥८॥ मणगुत्तो वयगुत्तो, कायगुत्तो जिइंदिओ। सामन्नं निच्चलं फासे, जावज्जीवं दव्वओ॥९॥ उगं तवं चरित्तार्ण, जाया दुन्नवि केवली। सव्वं कम्मं खवित्तार्णं, सिद्धिं पत्ता अणुत्तरं॥१०॥ एवं करेति संबुद्धा, पंडिया पवियक्खणा। विनियट्टंति भोगेसु, जहा सो पुरुसोत्तमो॥११॥ ति बेमि, रहनेमिज्जं २२॥

जिणे पासित्ति नामेणं, अरहा लोगपूइए। संबुद्धप्पा य सव्वन्, धम्मतिथ्यरे जिणे (अरिहा लोयविस्सुए। सव्वन् सव्वदंसी य, धम्मतिथ्यस्स देसए)॥२॥ तस्स लोगपईवस्स, आसि सीसे महायसे। केसी कुमारसमणे, विज्जाचरणपारगे॥३॥ ओहिनाणसुए बुद्धे, सीससंघसमाउले। गामाणुगामं रीयंते, सेज्जि सावत्थि(सावत्थिनयरि)मागए॥४॥ तिंदुयं नाम उज्जाणं, तंमिं नयरमंडले। फासुएसिज्जसंथारे, तत्थ वासमुवागए॥५॥ अह तेणेव कालेणं, धम्मतिथ्यरे जिणे। भयवं वद्धमाणुत्ति, सव्वलोगंमि विस्सुए॥६॥ तस्स लोगपईवस्स, आसि सीसे महायसे। भयवं गोयमे नाम, विज्जाचरणपारगे॥७॥ बारसंगविऊ बुद्धे, सीससंघसमाउले। गामाणुगामं रीयंते, सेज्जि सावत्थिमागए॥८॥ कुट्ठगं नाम उज्जाणं, तंमिं नयरमंडले। फासुएसिज्जसंथारे, तत्थ वासमुवागए॥९॥ केसीकुमारसमणे, गोयमे अ महायसे। उभओज्जि तत्थ विहरिंसु, अल्लीणा सुसमाहिया॥१०॥ उभओ सीससंघाणं, संजयाणं तवस्सिणं। तत्थ चिंता समुप्पन्ना, गुणवंताण ताइणं॥११॥ केरिसो वा इमो धम्मो, इमो धम्मो व केरिसो?। आयारधम्मप्पणिही, इमा वा सा व केरिसी?॥१२॥

चाउज्जामो अ जो धम्मो, जो इमो पंचसिक्खिओ। देसिओ वद्धमाणेणं, पासेण य महामुणी॥३॥ अचेलगो अ जो धम्मो, जो इमो संतरुत्तरो। एगकज्जपवन्नाणं विसेसे किं नु कारणं?॥४॥ अह ते तत्थ सीसाणं, विण्णाय पवियक्कियं। समागमे कयमई, उभओ केसिगोयमा॥५॥ गोअमो पडिरूवन्, सीससंधसमाउले। जिह्वं कुलमविक्वंतो, त्तिदुयं वणमागओ॥६॥ केसी कुमारसमणे, गोअमं दिस्समागयं। पडिरूवं पडिवत्तिं, सम्मं संपडिवज्जई॥७॥ पलालं फासुअं तत्थ, पंचमं कुसतणाणि य। गोयमस्स निसिज्जाए, खिप्पं संपणामए॥८॥ केसी कुमारसमणे, गोयमे य महायसे। उभओ निसन्ना सोहंति, चंदसूरसमप्पहा॥९॥ समागया बहू तत्थ, पासंडा कोउगासिया (मिगा)। गिहत्थाण अणेगाओ, साहस्सीओ समागया॥१०॥ देवदाणवगंधव्वा, जक्खरक्खसकिंनरा। अद्दिस्साण य भूयाणं, आसि तत्थ समागमो॥१॥ पुच्छामि ते महाभाग!, केसी गोयममब्बवी। तओ केसिं बुवंतं तु, गोयमो इणमब्बवी॥२॥ पुच्छ भंते! जहिच्छं ते, केसिं गोयममब्बवी। तओ केसी अणुन्नाए, गोयमं इणमब्बवी॥३॥ चाउज्जामो य जो धम्मो, जो इमो पंचसिक्खिओ। देसिओ वद्धमाणेणं, पासेण य महामुणी॥४॥ एगकज्जपवन्नाणं, विसेसे किं नु कारणं?। धम्मे दुविहे मेहावी, कहं विप्पच्चओ न ते?॥५॥ तओ केसिं बुवंतं तु, गोयमो इणमब्बवी। पन्ना समिक्खए धम्मं, तत्तं तत्तविणिच्छियं॥६॥ पुरिमा उज्जुजड्डा उ. वक्क(वंक)जड्डा य पच्छिमा। मज्झिमा उज्जुपन्ना उ, तेण धम्मे दुहा कए॥७॥ पुरिमाणं दुव्विसुज्झो उ, चरिमाणं दुरणुपालओ, कप्पो मज्झिमगाणं तु, सुविसुज्झो सुपालओ॥८॥ साहु गोयम! पन्ना ते(पण्णाए), छिन्नो मे संसओ इमो।

अन्नोवि संसओ मज्झं, तं मे कहसु गोयमा! ॥१॥ अचेलओ य जो धम्मो, जो इमो संतरुत्तरो। देसिओ वद्धमाणेणं, पासेण य
महामुणी(जसा) ॥८६०॥ एगकज्जपवन्नाणं, विसेसे किं नु कारणं?। लिंगे दुविहे मेहावी!, कहां विप्पच्चओ न ते? ॥१॥ केसिं
एवं बुवाणं तु, गोयमो इणमब्बवी। विन्नाणेण सभागम्म, धम्मसाहणमिच्छियं ॥२॥ पच्चयत्थं च लोगस्स, नाणाविहविकप्पणं।
जत्तत्थं गहणत्थं च, लोगे लिंगपओअणं ॥३॥ अ(इ)ह भवे पइन्ना उ, मुक्खसब्भूयसाहणा। नाणां च दंसणं चेव, चरित्तं चेव
निच्छए ॥४॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा! ॥५॥ अणेगाण सहस्साणं,
मज्झं चिट्ठसि गोयमा!। ते य ते अभिगच्छंति, कहां ते निज्जिया तुमे? ॥६॥ एगे जिए जिया पंच, पंच जिए जिया दसो दसहा
उ जिणित्ताणं, सव्वसत्तू जिणामऽहं ॥७॥ सत्तू य इइ के वुत्ते?, केसी गोयममब्बवी। तओ केसीं बुवंतं तु, गोयमा इणमब्बवी ॥८॥
एगऽप्पे अजिए सत्तू, कसाया इंदियाणि यो ते जिणित्तु जहानायं, विहरामि अहं मुणी! ॥९॥ साहु गोयम! पन्ना ते, छिन्नो मे
संसओ इमो। अन्नोऽवि संसओ मज्झं, तं मे कहसु गोयमा! ॥८७०॥ दीसंति बहवे लोए, पासबद्धा सरीरिणो। मुक्कपासो लहुब्भूओ,
कहां तं विहरसी मुणी! ॥१॥ ते पासे सव्वसो छित्ता, निहंतूण उवायओ। मुक्कपासो लहुब्भूओ, विहरामि अहं मुणी! ॥२॥ पासा
य इइ के वुत्ता?, केसी गोयममब्बवी। केसिं एवं बुवंतं तु, गोयमो इणमब्बवी ॥३॥ रागद्वोसादओ तिब्वा, नेहपासा भयंकरो। ते
छिंदित्तु जहानायं, विहरामि जहक्कमं ॥४॥ साहु गोयमं! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु

गोयमा!॥५॥ अंतो हिअयसंभूया, लया चिट्ठइ गोयमा! लेइ विसभक्खीणं, सा उ उद्धरिया कहं?॥६॥ तं लयं सव्वसो छित्ता,
 उद्धरित्ता समूलियं। विहरामि जहानायं, मुक्को मि विसभक्खणं॥७॥ लया य इति का वुत्ता?, केसी० ॥८॥ भवतण्हा लया वुत्ता,
 भीमा भीमफलोदया। तमुच्छित्तु जहानायं, विहरामि महामुणी! ॥९॥ साहु गोयम! पन्ना ते, छिन्नो मे संसओ इमो अन्नोऽवि संसओ
 मज्झं, तं मे कहसुं गोयमा! ॥८८०॥ संपज्जलिया घोरा, अग्गी चिट्ठइ गोयमा! जे डहंति(जा डहेति) सरीरत्था, कहं विज्झाविया
 तुमे?॥१॥ महामेहपसूयाओ, गिज्झ वारि जलुत्तमं। सिंचामि सययं तेउं, सित्ता नो व डहंति मे॥२॥ अग्गी य इइ के वुत्ते?, केसी० ॥३॥
 कसाया अग्गिणो वुत्ता, सुअसीलतवो जलं। सुयधाराभिहया संता, भिन्ना हु न डहंति मे॥४॥ साहु गोयम! पन्ना ते, छिन्नो मे
 संसओ इमो। अन्नोऽवि संसओ मज्झं, तं मे कहसु गोयमा! ॥५॥ अयं साहस्सिओ भीमो, दुट्ठस्सो परिधावइ। जंसि गोयम! आरूढो,
 कहं तेण न हीरसि?॥६॥ पहावंतं निगिण्हामि, सुयरस्सीसमाहियं। न मे गच्छइ उम्मगं, मगं च पडिवज्जइ॥७॥ अस्से अ इइ
 के वुत्ते?, केसी गोयममब्बवी। तओ केसिं बुवंतं तु, गोयमो इणमब्बवी॥८॥ मणो साहस्सिओ भीमो, दुट्ठस्सो परिधावइ। तं सम्मं
 तु निगिण्हामि, धम्मसिक्खाइ कंथगं॥९॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा!
 ॥८९०॥ कुप्पहा बहवे लोए, जेसिं नासंति जंतवो। अब्बाणे कह वट्ठंतो, तं न नाससि गोयमा!?॥१॥ जे मग्गेण गच्छंति, जे
 अ उम्मगपट्ठिया। ते सव्वे विइया मज्झं, तो न नस्सामज्झं मुणी!॥२॥ मग्गे अ इति के वुत्ते?, केसी गोयम० ॥३॥ कुप्पवयणपासंडी,

सव्वे उम्मग्गपट्टिया। सम्मगं तु जिणक्खायं, एस मग्गे हि उत्तमे ॥४॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा! ॥५॥ महाउदगवेगेणं, वुज्झमाणाण पाणिणं। सरणं गइं पइट्ठं च, दीवं कं मन्नसी? मुणी! ॥६॥ अत्थि एगो महादीवो, वारिमज्जे महालओ। महाउदगवेगस्स, गई तत्थ न विज्जई ॥७॥ दीवे अ इइ के वुत्ते?, केसी गोयममब्बवी। तओ केसिं बुवंतं तु, गोयमो इणमब्बवी ॥८॥ जरामरणवेगेणं, वुज्झमाणाण पाणिणं। धम्मो दीवो पइट्ठा य, गई सरणमुत्तमं ॥९॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा! ॥१०॥ अन्नवंसि महोहंसि, नावा विपरिधावई। जंसि गोयममारूढो, कहं पारं गमिस्ससी? ॥११॥ जा उ अस्साविणी नावा, न सा पारस्स गामिणी। जा निरस्साविणी नावा, सा उ पारस्स गामिणी ॥१२॥ नावा अ इइ का वुत्ता?, केसी गोयममब्बवी। तओ केसिं बुवंतं तु, गोयमो इणमब्बवी ॥१३॥ सरीरमाहु नावत्ति, जीवो वुच्चइ नाविओ। संसारो अन्नवो वुत्तो, जं तरंति महेसिणो ॥१४॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा! ॥१५॥ अंधयारे तमे धोरे, चिट्ठंति पाणिणो बहू। को करिस्सइ उज्जोयं?, सव्वलोगंमि पाणिणं ॥१६॥ उग्गओ विमलो भाणू, सव्वलोगपभंकरो। सो करिस्सइ उज्जोयं, सव्वलोगंमि पाणिणं ॥१७॥ भाणू अ इति के वुत्ते?, केसी गोयम ॥१८॥ उग्गओ खीणसंसारो, सव्वण्णू जिणभक्खरो। सो करिस्सइ उज्जोयं?, सव्वलोगंमि पाणिणं ॥१९॥ साहु गोयम! पन्ना ते, छिन्नो मे संसओ इमो। अन्नोऽवि संसओ मज्झं, तं मे कहसु गोयमा! ॥११०॥ सारीरमाणसे दुक्खे, बज्झ(पच्च)माणाण पाणिणं। खेमं

सिवं अणाबाहं, ठाणं किं मन्नसी? मुणी! ॥१॥ अत्थि एगं धुवं ठाणं, लोगगंमि दुरारुहं। जत्थ नत्थि जरा मच्चू, वाहिणो वेयणा तहा ॥२॥ ठाणे अ इइ के वुत्ते?, केसी ॥३॥ निव्वाणंति अबाहंति, सिद्धी लोगगमेव य। खेमं सिवं अणाबाहं, जं तरंति महेसिणो ॥४॥ तं ठाणं सासयं वासं, लोगगंमि दुरारुहं। जं संपत्ता न सोयंति, भवोहंतकरा मुणी ॥५॥ साहु गोयम! पन्ना ते, छिन्नो मे संसओ इमो। नमो ते संसयाईय!, सव्वसुत्तमहोयही ॥६॥ एवं तु संसए छिन्ने, केसी घोरपरक्कमे। अभिवंदित्ता सिरसा, गोयमं तु महायसं ॥७॥ पंचमहव्वयं धम्मं, पडिवच्चइ भावओ। पुरिमस्स पच्छिमंमी, मग्गे तत्थ सुहावहे ॥८॥ केसीगोअमओ निच्चं, तंमि आसि समागमे। सुयसीलसमुक्करिसो, महत्थत्थविणिच्छओ ॥९॥ तोसिया परिसा सव्वा, सम्मगं समुवड्डिया। संथुया ते पसीयंतु, भयवं केसीगोयमु ॥१०॥ त्ति बेमि, केसिगोयमिज्जं २३॥

अट्ठप्पवयणमायाओ, समिई गुत्ती तहेव य। पंचेव य समिईओ, तओ गुत्तीउ आहिया ॥१॥ इरियाभासेसणाऽऽदाणे, उच्चारे समिई इय। मणगुत्ती वियगुत्ती, कायगुत्ती उ अट्ठमा ॥२॥ एयाओ अट्ठ समिईओ, समासेण वियाहिया। दुवालसंगं जिणक्खायं, मायं जत्थ उ पवयणं ॥३॥ आलंबणेणं कालेणं, मग्गेण जयणाइ य। चउकारणपरिसुद्धं, संजए इरियं रिए ॥४॥ तत्थ आलंबणं नाणं, दंसणं चरणं तहा। काले य दिवसे वुत्ते, मग्गे उप्पहवज्जिए ॥५॥ दव्वओ खित्तओ चेव, कालओ भावओ तहा। जयणा चउव्विहा वुत्ता, तं मे कित्तयओ सुणा ॥६॥ दव्वओ चक्खुसा पेहे, जुगमित्तं च खित्तओ। कालओ जाव रीइज्जा, उवउत्तो य

भावओ ॥७॥ इंदियत्थे विवज्जित्ता, सज्झायं चेव पंचहा। तम्मुत्ती तप्पुरक्कारे, उवउत्ते रियं रिए ॥८॥ कोहे माणे य माया य, लोभे य उवउत्तया। हासभय(तहेव भय) मोहरिए विगहासु(विगहा य) तहेव य ॥९॥ एयाइं अट्ठ ठाणाइं, परिवज्जित्तु संजओ। असावज्जं भियं काले, भासं भासिज्ज पन्नवं ॥१३०॥ गवेसणाए गहणेय(णेणं), परिभोगेसणाणि य (यजा)। आहारोवहिसिज्जाए (आहारमुवहि सेज्जं च), एए तिन्नि विसोहए (हिया) ॥१॥ उग्गमुप्पायणं पढमे, बीए सोहिज्ज एसणं। परिभोगंभि चउक्कं, विसोहिज्ज जयं जई ॥२॥ ओहोवहोवग्गहियं, भंडयं दुविहं मुणी। गिण्हंतो निक्खिवंतो य, पउंजिज्ज इमं विहिं ॥३॥ चक्खुसा पडिलेहिता, पमज्जिज्ज जयं जई। आदिए निक्खिविज्जा वा, दुहओऽवि समिए सया ॥४॥ उच्चारं पासवणं, खेलं सिंघाण जल्लियं। आहारं उवहिं देहं, अन्नं वावि तहाविहं ॥५॥ अणावायमसंलोए, अणावाए चेव होइ संलोए। आवायमसंलोए, आवाए चेव संलोए ॥६॥ अणावायमसंलोए, परस्सणुवघाइए। समे अज्झुसिरे वावि, अचिरकालकयंमि य ॥७॥ विच्छिन्ने दूरमोगाढे, णासन्ने बिलवज्जिए। तसपाणबीयरहिए, उच्चाराईणि वोसिरे ॥८॥ एयाओ पंच समिईओ, समासेण वियाहिया। इत्तो उ तओ गुत्तीओ, वुच्छामि अणुपुव्वसो ॥९॥ सच्चा तहेव मोसा य, सच्चा मोसा तहेव य। चउत्थी असच्चमोसा ये, मणगुत्ती चउव्विहा ॥१४०॥ संरंभसमारंभे, आरंभे य तहेव य। मणं पवट्टमाणं तु, नियत्तिज्ज जयं जई ॥१॥ सच्चा० वयं० ॥२॥ संरं० वयं० ॥३॥ ठाणे निसीयणे चेव, तहेव य तुयट्टणे। उल्लंघणे पल्लंघणे, इंदियाण य जुंजणे ॥४॥ संरं॥ कायं० ॥५॥ एयाओ पंच समिईओ, चरणस्स

य पवत्तणो। गुत्ती नियत्तणोऽवुत्ता, असुभत्थेसु य सव्वसो॥६॥ एया पवयणमाया, जे सम्मं आयेरे मुणी। सो खिप्पं सव्वसंसार, विप्पमुच्चइ पंडिए॥१४७॥ ति बेमि, पवयणमायरज्झयणं २४॥

माहणकुलसंभूओ, आसी विप्पो महायसो। जायाइं जमजन्मि, जयघोसत्ति नामओ॥८॥ इंदियग्गामनिग्गाही, भग्गामी महामुणी। गामाणुगामं रीयंते, पत्तो वाणारसिं पुरिं॥९॥ वाणारसीइ बहिया, उज्जाणंमि मणोरमे। फासुएसिज्जसंथारे, तत्थ वासमुवागए॥१५०॥ अह तेणेव कालेणं, पुरीए तत्थ माहणे। विजयघोसत्ति नामेणं, जन्मं जयइ वेयवी॥१॥ अह से तत्थ अणगारे, मासक्खमणपारणे। विजयघोसस्स जन्मंमि, भिक्खमट्ठा(स्सऽट्ठा) उवट्ठिए॥२॥ समुवट्ठियं तहिं संतं, जायगो पडिसेहए। न हु दाहामि ते भिक्खं, भिक्खू! जायाहि अन्नओ॥३॥ जे य वेयविऊ विप्पा, जन्ममट्ठा य जे दिया। जोइसंगविऊ जे य, जे य धम्माण पारगा॥४॥ जे समत्था समुद्धत्तुं, परं अप्पाणमेव य। तेसिमन्नमिणं देयं, भो भिक्खू! सव्वकाभियं॥५॥ सो तत्थ एव पडिसिद्धो, जायगेण महामुणी। नवि रुट्ठो नवि तुट्ठो, उत्तमट्ठगवेसओ॥६॥ नऽण्णट्ठं पाणहेउं वा, नवि निव्वाहणाय वा। तेसिं विमुक्खणट्ठाए, इमं वयणमव्ववी॥७॥ नवि जाणासि वेयमुहं, नवि जन्नाण जं मुहं। नक्खत्ताणं मुहं जं च, जं च धम्माण वा मुहं॥८॥ जे समत्था०। न ते तुमं विजाणासि, अह जाणासि तो भण॥९॥ तस्सऽक्खेवपमुक्खं च, अचयंतो तहिं दिओ। सपरिसो पंजलीहोउं, पुच्छई तं महामुणी॥१६०॥ वेयाणं च मुहं बूहि, बूहि जन्नाण जं मुहं। नक्खत्ताण मुहं बूहि, बूहि धम्माण वा मुहं॥१॥ जे समत्था०।

एयं मे संसयं सव्वं, साहू! कहय पुच्चिओ ॥२॥ अग्गिहुत्तमुहा वेया, जन्नट्ठी वेयसा मुहं। नक्खत्ताणं मुहं चंदो, धम्माणं कासवो
 मुहं ॥३॥ जहा चंदं गहाईया, चिट्ठंती पंजलीउडा। वंदमाणा नमंसंता, उत्तमं मणहारिणो ॥४॥ अजाणगा जन्नवाई, विज्जामाहणसंपया।
 मूढा सज्झायतवसा, भास च्छन्ना इवग्गिणो ॥५॥ जो लोए बंभणो वुत्तो, अग्गी वा महिओ जहा। सदा कुसलसंदिट्ठं, तं वयं
 बूम माहणं ॥६॥ जो न सज्जइ आगंतुं, पव्वयंतो न सोअई। रमए अज्जवयणंमि, तं ॥७॥ जायरूवं महामट्ठं, निब्बंतमलपावगं।
 रागद्वोसभयाईयं, तं ॥८॥ तवस्सियं सिं दंतं, अवचियमंससोणिअं। सुव्वयं पत्तनिव्वाणं, तं ॥९॥ तसे पाणे वियाणित्ता, संगहेण
 य(स) थावरे। जो न हिंसइ तिविहेणं, तं ॥१०॥ कोहा वा जइवा हासा, लोहा वा जइवा भया। मुसं न वयई जो उ, तं
 ॥११॥ चित्तमंतमचित्तं वा, अप्पं वा जइवा बहं। न गिणहइ अदत्तं जो, तं ॥१२॥ दिव्वमाणुस्सतेरिच्छं, जो न सेवेइ मेहुणं। मणसा
 कायवक्केणं, तं वयं बूम माहणं ॥१३॥ (चइत्ता पुव्वसंजोगं, नाइसंगे य बन्धवे। जो न सज्जइ एएसु, तं वयं बूम माहणं ॥प्र०
 ३॥) जहा पोम्मं जले जायं, नोवलिप्पइ वारिणा। एवं अलित्तं कामेहिं, तं ॥१४॥ अलोलुयं मुहाजीविं, अणगारं अक्किचणं। असंसत्तं
 गिहत्येहिं, तं वयं बूम माहणं ॥१५॥ पसुबंधा सव्ववेया, जट्ठं च पावकम्मुणो। न तं तायंति दुस्सीलं, केम्माणि बलवंतिह ॥१६॥
 नवि मुंडिएण समणो, न उंकारेण बंभणो। न मुणी रण्णवासेणं, कुसचीरेण न तावसो ॥१७॥ समयाए समणो होइ, बंभचरेण
 बंभणो। नाणेण य मुणी होइ, तवेण होइ तावसो ॥१८॥ कम्मुणा बंभणो होइ, कम्मुणा होइ खत्तिओ। वइस्सो कम्मुणा होइ, सुदो

હવડ કમ્મુણા ॥૧॥ એ પાઝકરે બુદ્ધે (પાઝકરા ધમ્મા), જેહિં હોડ સિણાયઓ । સવ્વકમ્મવિણિમ્મુક્કં, તં વયં બૂમ માહણં ॥૧૮૦॥
 એવંગુણસમાઝ્ઞા, જે હવંતિ દિઝત્તમા । તે સમંથા ઝ ઝદ્ધત્તું, પરં અપ્પાણમેવ ય ॥૧॥ એવં તુ સંસાર છિન્ને, વિજયધોસે ય બંધ (માહ) ણે ।
 સમુદાયા (સંજાણં) તઓ તં તુ, જયધોસં મહામુણિં ॥૨॥ તુદ્ધે ય વિજયધોસે, ઇણમુદ્દાહુ કયંજલી । માહણત્તં જહાભૂયં, સુદટ્ટુ મે
 ઝવદંસિયં ॥૩॥ તુબ્બે જડ્ઢયા જન્નાણં, તુબ્બે વેયવિદો વિઝ્ઞ । જોડસંગવિઝ્ઞ તુબ્બે, તુબ્બે ધમ્માણ પારગા ॥૪॥ તુબ્બે સમંથા ઝદ્ધત્તું,
 પરં અપ્પાણમેવ ય । તયણુગ્ગહં કરેહઝ્ઞં, ભિક્ખૂ (ક્ખે) ણં ભિક્ખુઝ્ઞત્તમા ॥૫॥ ન કજ્જં મજ્ઞ ભિક્ખવેણં, ચિપ્પં નિક્ખમસૂ દિયા ! ।
 મા ભમિહિસિ ભયાવત્તે, ધોરે (ભવાવત્તે, દીહે) સંસારસાગરે ॥૬॥ ઝવલેવો હોડ ભોગેસુ, અભોગી નોવલિપ્પડ । ભોગી ભમડ સંસારે,
 અભોગી વિપ્પમુચ્ચઈ ॥૭॥ ઝલ્લો સુક્કો ય દો છૂઢા, ગોલયા મટ્ટિયામયા । દોવિ આવડિયા કુડડે, જો ઝલ્લો સોઝ્ઞથ લગ્ગઈ ॥૮॥
 એવં લગ્ગંતિ દુમ્મેહા, જે નરા કામલાલસા । વિરત્તા ઝ ન લગ્ગંતિ, જહા સે સુક્કગોલ ॥૯॥ એવં સે વિજયધોસે, જયધોસસ્સ અંતિણે ।
 અણગારસ્સ નિક્ખંતો, ધમ્મં સુ(સો)ચ્ચા અણુત્તરં (ણ કેવલં) ॥૧૦॥ ચવિત્તા પુવ્વકમ્માઈ, સંજમેણ તવેણ ય । જયધોસવિજયધોસા,
 સિદ્ધિં પત્તા અણુત્તરં ॥૧૧॥ તિ બેમિ, જન્નઝ્ઞં ૨૫ ॥

સામાયારિં પવક્કામિ, સવ્વદુક્કા વિમુક્કાણિં । જં ચરિત્તાણ નિગંથા(ક્ખંતા), તિણ્ણા સંસારસાગરં ॥૨॥ પઢમા આવસિસયા
 નામં, બિડ્ઢયા ય ણિસીહિયા । આપુચ્છણા ય તડ્ઢયા, ચઝ્ઞી પડિપુચ્છણા ॥૩॥ પંચમા છંદણા નામં, ઇચ્છાકારો અ છટ્ઠઓ । સત્તમો

मिच्छकारो य, तहक्कारो य अट्ठमो ॥४॥ अब्भुट्ठाणं नवमा, दसमा उवसंपया। एसा दसंगा साहूणं, सामायारी पवेइया ॥५॥ गमणे
 आवस्सियं कुज्जा, ठाणे कुज्जा निसीहियं। आपुच्छणा सयंकरणे, परकरणे पडिपुच्छणा ॥६॥ छंदणा दव्वजाएणं, इच्छकारो अ
 सारणे। मिच्छाकारो अ निंदाए, तहक्कारो पडिस्सुए ॥७॥ अब्भुट्ठाणं गुरुपूया, अच्छणे उवसंपया। एवं दुपंचसंजुत्ता (एसा दसंगा
 साहूणं) सामायारी पवेइया ॥८॥ पुव्विल्लंमि चउब्भागे, आइच्चंमि समुट्ठिए। भंडयं पडिलेहिता, वंदिता य तओ गुरुं ॥९॥ पुच्छिज्जा
 पंजलिउडो, किं कायव्वं माए इहं?। इच्छं निओइउं भंते!, वेयावच्चे व सज्झाए ॥१०००॥ वेयावच्चे निउत्तेणं, कायव्वमगिलायओ।
 सज्झाए वा निउत्तेणं, सव्वदुक्खविमुक्खणे ॥१॥ दिवसस्स चउरो भागे, कुज्जा भिक्खू वियक्कणो। तओ उत्तरगुणे कुज्जा, दिणभागेसु
 चउसुवि ॥२॥ पढमं पोरिसिं सज्झायं, बीर्यं झाणं झियायई। तइयाए भिक्खायरियं, पुणो चउत्थीइ सज्झायं ॥३॥ आसाढे मासे
 दुपया, पोसे मासे चउप्पया। चित्तासोएसु मासेसु, तिपया हवइ पोरसी ॥४॥ अंगुलं सत्तरत्तेणं, पक्खेणं तु दुअंगुलं। वडढाए हायए
 वावि, मासेणं चउरंगुलं ॥५॥ आसाढबहुलपक्खे भदवए कत्तिए य पोसे य। फग्गुणवइसाहेसु य नायव्वा ओमरत्ता उ ॥६॥ जिट्ठामूले
 आसाढ सावणे छहिं अंगुलेहिं पडिलेहा। अट्ठहिं बिइयतियंभी तइए दस अट्ठहिं चउत्थे ॥७॥ रत्तिंपि चउरो भाए, भिक्खू कुज्जा
 वियक्कणो। तओ उत्तरगुणे कुज्जा, राईभा(भो)गेसु चउसुवि ॥८॥ पढम पोरिसिं सज्झायं, बीर्यं झाणं झियायई। तइयाए निद्वमुक्खं
 तु, चउत्थी भुज्जोवि सज्झायं ॥९॥ जं नेइ जया रत्तिं नक्खत्तं तंमि नहचउब्भाए। संपत्ते विरभिज्जा सज्झाय पओसकालंमि ॥१०१०॥

तप्मेव य नक्खत्ते गयणं चउभाग सावसेसंमि। वेरत्तियंपि कालं पडिलेहिता मुणी कुज्जा॥१॥ पुव्विल्लंमि चउब्भागे, पडिलेहिताण
भंडयं। गुरुं वंदित्तु सज्जायं, कुज्जा दुक्खवि मुक्खणिं॥२॥ पोरिसीए चउब्भागे, वंदित्ताण तओ गुरुं। अपडिक्कमित्तुं कालस्स,
भायणं पडिलेहए॥३॥ मुहपत्तिं पडिलेहिता, पडिलेहिज्ज गुच्छयं। गुच्छगलइयंगुलिओ, वत्थाइं पडिलेहए॥४॥ उडढं थिरं अतुरियं
पुव्वि ता वत्थमेव पडिलेहे। तो बिइयं पप्फोडे तइयं च पुणो पमज्जिज्जा॥५॥ अणच्यावियं अवलियं अणाणुबंधि अमोसलिं चेव।
छप्पुरिमा नव खोडा पाणीपाणिविसोहणंपमज्जणं)॥६॥ आरभडा सम्मदा वजेयव्वा य मोसली तइया। पप्फोडणा चउत्थी विक्खित्ता
वेइया छट्ठा॥७॥ पसिढिलपलंबलोला एगामोसा अणेगरूवधुणा(या)। कुणत्ति पमाणि पमायं संकिय गणणोवगं कुज्जा॥८॥
अणूणाइरित्तपडिलेहा, अविवच्यासा तहेव य। पढमं पयं पसत्थं, सेसाणि उ अप्पसत्थाणि॥९॥ पडिलेहणं कुणंतो मिहो कहं
कुणइ जणवयकहं वा। देइ व पच्चक्खाणं वाएइ सयं पडिच्छइ वा ॥१०२०॥ पुढवीआउक्काएतेऊवणस्सइतसाणं।
पडिलेहणापमत्तो छणहंपि विराहओ होइ॥१॥ तइयाए पोरिसीए, भत्तं पाणं गवेसए। छणहं अण्णयरागंमि, कारणमंमि सिमुट्टिए॥२॥
वेयण वेयविच्चे इरियट्ठाए य संजमट्ठाए। तह पाणवत्तियाए छट्ठं पुण धम्मचिंताए॥३॥ निग्गंथो धिइमंतो निग्गंथीवि न करिज्ज
छहिं चेव। ठाणेहिं तु इमेहिं अणइक्कमणा य से होइ॥४॥ आयंके उवसग्गे तित्तिक्खया बंभचेरगुत्तीसुं। पाणिदया तवहेउं
सरीरवुच्छेयणट्ठाए॥५॥ अवसेसं भंडगं गिज्जा, चक्खुसा पडिलेहए। परमद्धजोअणाओ, विहारं विहरे मुणी॥६॥ चउत्थीए पोरिसीए,

निक्खिवित्ताण भायणं। सज्झायं च तओ कुज्जा, सव्वभावविभावणं(दुक्खविमोक्खणं)॥७॥ पोरिसीए चउब्भाए, वंदित्ताण तओ
 गुरुं। पडिक्कमित्ता कालस्स, सिज्जं तु पडिलेहए॥८॥ पासवणुच्चारभूमिं च, पडिले हिज्ज जयं जई। काउस्सगं तओ कुज्जा,
 सव्वदुक्खविमुक्खणं॥९॥ देसियं च अईयारं, चिंतिज्ज अणुपुव्वसो। नाणंमि दंसणे चेव, चरित्तंमि तहेव य॥१०३०॥
 पारियकाउस्सगो, वंदित्ता य तओ गुरुं। देसियं तु अईयारं, आलोइज्ज जहक्कमं॥१॥ पडिक्कमित्ताण निस्सल्लो, वंदित्ताण तओ
 गुरुं। काउस्सगं तओ कुज्जा, सव्वदुक्खविमुक्खणं॥२॥ सिद्धाणं संथवं किच्चा, वंदित्ताण तओ गुरुं। थुइमंगलं च काऊणं,
 कालं संपडिलेहए॥३॥ पढमं पोरिसिं सज्झायं, बीयं झाणं झियायई। तइयाए निहमुक्खं तु, चउत्थी भुज्जोवि सज्झायं॥४॥ पोरिसीए
 चउत्थीए, कालं तु पडिलेहए। सज्झायं तु तओ कुज्जा, अबोहंतो असंजए॥५॥ पोरिसीए चउब्भाए, वंदित्ताण तत्तो गुरुं। पडिक्कमित्तु
 कालस्स, कालं तु पडिलेहए॥६॥ आगए कायवुस्सगो, सव्वदुक्खविमुक्खणे। काउस्सगं तओ कुज्जा, सव्वदुक्खविमुक्खणं॥७॥
 राईयं च अईयारं, चिंतिज्ज अणुपुव्वसो। नाणंमि, दंसणमि, चरित्तंमि तवंमि य॥८॥ पारियकाउस्सगो, वंदित्ताण तओ गुरुं। राईयं
 तु अईयारं, आलोइज्ज जहक्कमं॥९॥ पडिक्कमित्तु निस्सल्लो, वंदित्ताण तओ गुरुं। काउस्सगं तओ कुज्जा,
 सव्वदुक्खविमुक्खणं॥१०४०॥ किं तवं पडिवज्जामि?, एवं तत्थ विचिंतए। काउस्सगं तु पारित्ता, करिज्जा जिणसंथवं॥१॥
 पारियकाउस्सगो, वंदित्ताण तओ गुरुं। तवं संपडिवज्जित्ता, करिज्ज सिद्धाण संथवं॥२॥ एसा सामायारी, सभासेण विथाहिया।

जं चरित्ता बहू जीवा, तिन्ना संसारसागरं ॥१०४३॥ ति बेमि, सामायारीअज्झयणं २६ ॥

थेरे गणहरे गगो, मुणी आसि विसारए। आइन्ने गणिभावम्मि, समाहिं पडिसंधए ॥४॥ वहणे वहमाणस्स, कंतारं अइवत्तए।
जोए वहमाणस्स, संसारो अइवत्तए ॥५॥ खलुंके जो उ जोएइ, विहंमाणे किलिस्सई। असमाहिं च वेएइ, तुत्तओ य से भज्जई ॥६॥
एगं डसइ पुच्छंमि, एगं विंधइअभिव्वणं। एगो भंजइ समिलं, एगो उप्पहपडिओ ॥७॥ एगो पडइ पासेणं, निवेसइ निविज्जई।
उक्कुदइ उप्फिडई, सढे बालगवी वए ॥८॥ माई मुद्धेण पडइ, कुद्धे गच्छइ पडिवहं। मयलक्खेण चिट्ठाई, वेगेण य पहावई ॥९॥
छिन्नाले छिंदई सिल्लिं, दुदंते भंजई जुगं। सेअविय सुस्सुयाइत्ता, उज्जुहिता पलायई ॥१०५०॥ खलुंका जारिसा जुज्जा, दुस्सीसाविहु
तारिसा। जोइया धम्मजाणंमि, बज्जंता धिइदुब्बला ॥१॥ इइढीगारविए एगे, एगित्थ रसगारवे। सायागारविए एगे, एगे
सुचिरकोहणे ॥२॥ भिव्वेअलसिए एगे एगे ओमाणभीरुए थद्धे। एगं च अणुसासंमी, हेअहिं कारणोहि य ॥३॥ सोअवि
अंतरभासिल्लो, दोसमेव पकुव्वई (पभासइ)। आयरियाणं तं वयणं, पडिकूलेइ अभिव्वणं ॥४॥ न सा मम वियाणाइ, नवि सा
मज्झ दाहिई। निगया होहिई मन्ने, साहू अन्नोअत्थ वच्चउ ॥५॥ पे (पो) सिया पलिउंचंति, ते परियंति समंतओ। रायविट्ठिं व मन्नंता,
करिंति भिउडिं मुहे ॥६॥ वाइया संगहिया चेव, भत्तपाणेहिं पोसिया। जायपक्खा जहा हंसा, पक्कमंति दिसोदिसिं ॥७॥ अह सारही
विचिंतेइ, खलुंकेहिं समागए। किं मज्झं दुट्ठसीसेहिं?, अप्पा मे अवसीअई ॥८॥ जारिसा मम सीसा उ, तारिसा गलिगद्धहा। गलिगद्धहे

चइत्ताणं, दढं पगिणहइ तवं॥९॥ मिउमद्वसंपन्ने, गंभीरे सुसमाहिए। विहरइ महिं महप्पा, सीऊभूएण अप्पण॥१०६०॥ ति बेमि,
खलुंकिज्जं २७॥

मुखमग्गगइं तच्चं (त्थं), सुणेह जिणभासियं। चउकारणसंजुत्तं, नाणदंसणलक्खणं॥१॥ नाणं च दंसणं चेव, चरित्तं च तवो तहा। एस मग्गुत्ति पन्नत्तो, जिणेहिं वरदंसिहिं॥२॥ नाणं च दंसणं चेव, चरित्तं च तवो तहा। एयं मग्गमणुप्पत्ता, जीवा गच्छंति सुग्गइं॥३॥ तत्थ पंचविहं नाणं, सुअं आभिणिबोहियं। ओहियनाणं तइयं, मणनाणं च केवलं॥४॥ एयं पंचविहं नाणं, दव्वाण य गुणाण यो पज्जवाणं च सव्वेसिं, नाणं नाणीहिं देसियं॥५॥ गुणाणं आसओ दव्वं, एगदव्वस्सिया गुणा। लक्खणं पज्जवाणं तु, उभओ अस्सिया भवे॥६॥ धम्मो अधम्मो आगासं, कालो पुग्गल जंतवो। एस लोगुत्ति पन्नत्तो, जिणेहिं वरदंसिहिं॥७॥ धम्मो अधम्मो आगासं, दव्वं इक्किक्कमाहियं। अणंताणि य दव्वाणि, कालो पुग्गल जंतवो॥८॥ गइलक्खणो उ धम्मो, अहम्मो ठाणलक्खणो। भायणं सव्वदव्वाणं, नहं ओगाहलक्खणं॥९॥ वत्तणालक्खणो कालो, जीवो उवओगलक्खणो। नाणेणं दंसणेणं च, सुहेण य दुहेण य॥१०७०॥ नाणं च दंसणं चेव, चरित्तं च तवो तहा। वीरियं उवओगो य, एयं जीवस्स लक्खणं॥१॥ सहंधयार उज्जोओ, पभा छायाऽऽतवुत्ति वा। वण्णरसगंधफासा, पुग्गलाणं तु लक्खणं॥२॥ एगत्तं च पुहुत्तं च, संखा संठाणमेव यो संजोगा य विभागा य, पज्जवाणं तु लक्खणं॥३॥ जीवाऽजीवा य बंधो य, पुण्णं पावाऽऽसवो तहा। संवरो निज्जरा मुखो,

संतेए तहिया नव॥४॥ तहियाणं तु भावाणं, सब्भावे उवएसणं। भावेण सदहंतस्स, सम्मत्तं ति(तं) वियाहियं॥५॥ निसग्गुवएसरुई,
 आणारुइ सुत्तबीयरुइमेव। अभिगमवित्थाररुई, किरियासंखेवधम्मरुई॥६॥ भूअत्थेणाहिगया जीवाऽजीवा य पुण्ण पावं च।
 सहसंमुइआ आसवसंवर रोएइ उ निसग्गो॥७॥ जो जिणदिट्ठे भावे चउव्विहे सदहाइ सयमेव। एमेव नऽन्नहत्ति य निसग्गरुइत्ति
 नायव्वो॥८॥ एए चेव उ भावे उवइट्ठे जो परेण सदहइ। छउमत्थेण जिणेण व उवएसरुइत्ति नायव्वो॥९॥ रागो दोसो मोहो
 अन्नाणं जस्स अवगयं होइ। आणाए रोयंतो सो खलु आणारुईनाम॥१०८०॥ जो सुत्तमहिज्जंतो सुएण ओगाहई उ सम्मत्तं। अंगेण
 बाहिरेण व सो सुत्तरुइत्ति णायव्वो॥१॥ एगेण अणेगाइं पयाइं जो पसरई उ सम्मत्तं। उदयव्व तिल्लबिंदू सो बीयरुइत्ति नायव्वो॥२॥
 सो होइ अभिगमरुई सुअनाणं जस्स अत्थओ दिट्ठं। इक्कारस अंगाइं पइण्णगं दिट्ठिवाओ य॥३॥ दव्वाण सव्वभावा सव्वपमाणेहिं
 जस्स उवलब्धा। सव्वाइं नयविहीहि य वित्थाररुइत्ति नायव्वो॥४॥ दंसणनाणचरित्ते तवविणए सच्चसमिइगुत्तीसु। जो किरियाभावरुई
 सो खलु किरियारुई नाम॥५॥ अणाभिग्गहियकुदिट्ठी संखेवरुइत्ति होइ नायव्वो। अविसारओ पवयणे अणाभिग्गहिओ य सेसेसु॥६॥
 जो अत्थिकायधम्मं सुयधम्मं खलु चरित्तधम्मं च। सदहइ जिणाभिहियं सो धम्मरुइत्ति नायव्वो॥७॥ परमत्थसंथवो वा
 सुदिट्ठपरमत्थसेवणा वावि। वावन्नकुदंसणवज्जणा य सम्मत्तसदहणा॥८॥ नत्थि चरित्तं सम्मत्तविहूणं दंसणे उ भइयव्वं।
 सम्मत्तचरित्ताइं जुगवं पुव्वं व सम्मत्तं॥९॥ णादंसणिस्स नाणं नाणेण विणा न हुंति चरणगुणा। अगुणिस्स नत्थि मुक्खो नत्थि

अमुक्खस्स निव्वाणं ॥१०९०॥ निस्संकिंय निक्कंखिय निव्वितिगिच्छं अमूढदिट्ठी य। उववूह थिरीकरणं वच्छल्ल पभावणेऽट्ठेते ॥१॥
 सामाइयत्थ पढमं छेदोवट्ठावणं भवे बित्थियं। परिहारविसुद्धीयं सुहुमं तह संपरायं च ॥२॥ अकसाय अहक्खायं, छउमत्थस्स जिणस्स
 वा। एयं चयरित्तकरं, चारित्तं होइ आहियं ॥३॥ तवो अ दुविहो वुत्तो, बाहिरऽब्भंतरो तहा। बाहिरो छव्विहो वुत्तो, एवमब्भंतरो
 तवो ॥४॥ नाणेण जाणई भावे, सम्मत्तेण य सदहे। चरित्तेण निगिण्हाइ तवेण परिसुज्झई ॥५॥ खवित्ता पुव्वकम्माइं संजमेण
 तवेण य। सव्वदुक्खप्पहीणट्ठा, पक्कमंति महेसिणो ॥१०९६॥ त्ति बेमि, मोक्खमग्गगइअज्झयणं २८॥

सुअं मे आउसंतेण भगवया एवमक्खायं-इह खलु सम्मत्तपरक्कमे नामज्झयणे समणेणं भगवया महावीरेणं कासवेणं पवेइए
 जं सम्मं सदहइत्ता पत्तियाइत्ता रोयइत्ता फासइत्ता पालइत्ता सोहइत्ता तीरइत्ता किट्ठइत्ता आराहइत्ता आणाए अणुपालइत्ता बहवे
 जीवा सिज्झंति बुज्झंति मुच्चंति परिनिव्वायंति सव्वदुक्खाणमंतं करंति ॥१३॥ तस्स णं अयमट्ठे एवमाहिज्झइ, तंजहा संवेगे निव्वेए
 धम्मसब्बा गुरुसाहम्मियसुस्सूसणया आलोयणया निंदणया गरिहणया सामाइए चउवीसत्थए वंदणए १० पडिक्कमणे काउस्सग्गे
 पच्चक्खाणे थयथुइमंगले कालपडिलेहणया पायच्छित्तकरणे खमावणया सज्झाए वायणया परिपुच्छणया २० परियट्ठणया
 अणुप्पेहा धम्मकहा सुयस्स आराहणया एगग्गमणसंनिवेसणया संजमे तवे वोदाणे सुहसाए अप्पडिबद्धया ३० विवित्तसयणासणसेवणया
 विणियट्ठणया संभोगपच्चक्खाणे उवहिपच्चक्खाणे आहारपच्चक्खाणे कसायपच्चक्खाणे जोगपच्चक्खाणे सरीरपच्चक्खाणे

सहायपच्चक्खाणे भत्तपच्चक्खाणे ४० सम्भावपच्चक्खाणे पडिरूवया वेयावच्चे सव्वगुणसंपण्णया वीयरगया खंती मुत्ती मद्दवे
 अज्जवे भावसच्चे ५० करणसच्चे जोगसच्चे मणगुत्तया वयगुत्तया कायगुत्तया मणसमाधारणया वयसमाधारणया कायसमाधारणया
 नाणसंपन्नया दंसणसंपन्नया ६० चरित्तसंपन्नया सोइंदियनिग्गहे चक्किंखदियनिग्गहे घाणिंदियनिग्गहे जिब्भिदियनिग्गहे फासिंदियनिग्गहे
 कोहविजए माणविजए मायाविजए लोभविजए पिज्जदोसमिच्छादंसणविजए सेलेसी अकम्मया ७३।१४। संवेगेणं भंते! जीवे किं
 जणयइ ? संवेगेणं अणुत्तरं धम्मसद्ध जणयइ, अणुत्तराए धम्मसद्धाए संवेगं हव्वमागच्छइ, अणंताणुबंधिकोहमाणमायालोभे खवेइ,
 कम्मं न बंधइ, तप्पच्चइयं च मिच्छत्तविसोहिं काऊण दंसणाराहए भवइ दंसणविसोहीए णं विसुद्धाए अत्थेगइया तेणेव णं
 भवग्गहणेणं सिज्झंति बुज्झंति विमुच्चंति परिनिव्वायंति सव्वदुक्खाणमंतं करंति, सोहीए य णं विसुद्धाए तच्चं पुणो भवग्गहणं
 नाइक्कमंति १५। निव्वेएणं भंते ! जीवे किं जणयइ ?, निव्वेएणं दिव्वमाणुस्सतिरिच्छिएसु कामभोएसु निव्वेयं हव्वमागच्छइ.
 सव्वविसएसु विरज्जइ, सव्वविसएसु विरज्जमाणे आरंभपरिच्चायं करेइ, आरंभपरिच्चायं करेमाणे संसारमग्गं वुच्छिदइ
 सिद्धिमग्गपडिवत्ते य हवइ १६। धम्मसद्धाए णं भंते! जीवे किं जणयइ?, धम्म० सायासुक्खेसु रज्जमाणे विरज्जइ अगारधम्मं
 च णं चयइ, अणगारिए णं जीवे सारीरमाणसाणं दुक्खाणं छेयणभेयणसंजोगाईणं वुच्छेयं करेइ अव्वाबाहं च णं सुहं निवत्तेइ
 १७। गुरुसाहम्मियसुस्सूणयाए णं भंते ! जीवे किं जणेइ?, गुरु० विणायपडिवत्तिं जणेइ, विणायपडिवत्ते णं जीवे

अणच्चासायणसीले नेरइयतिरिक्खजोणियमणुस्सदेवदुग्गईओ निरुं भइ, वण्णसंजलणभत्तिबहुमाणयाए माणुस्सदेवसुग्गईओ निबंध्य
 सिद्धिसुग्गं च विसोहेइ पसत्थाइं च णं विणयमूलाइं सव्वकज्जाइं साहइ अन्ने य बहवे जीवे विणइत्ता हवइ ॥१८॥ आलोयणाए
 णं भंते ! जीवे किं जणेइ ?, आलोयणाए मायानियाणमिच्छादरिसणसल्लाणं मुक्खमग्गविग्घाणं अणंतसंसारवद्धणाणं उद्धरणं
 करेइ उज्जुभावं च जणेइ, उज्जुभावं पडिवन्ने य णं जीवे अमाई इत्थीवेयं णपुंसगवेयं च न बन्धइ पुव्वबद्धं च णं निज्जरइ ॥१९॥
 निंदणयाए णं भंते ! जीवे किं जणेइ ?, निंदणयाए पच्छाणुतावं जणेइ पच्छाणुतावेणं विरज्जमाणे करणगुणसेहिं पडिवज्जइ,
 करणगुणसेहिपडिवन्ने य अणगारे मोहणिज्जं कम्मं उग्घाएइ ॥२०॥ गरिहणाए णं भंते ! जीवे किं जणेइ ?, गरहणाए अपुरक्कारं
 जणेइ अपुरक्काराए णं जीवे अप्पसत्थेहिंतो जोगेहिंतो नियत्तइ पसत्थेहि य पडिवज्जइ, पसत्थ जोगं पडिवन्ने य णं अणगारे
 अणंतघाईपज्जवे खवेइ ॥२१॥ सामाइएणं भंते ! जीवे किं जणेइ ?, सामाइएणं सावज्जजोगविरइं जणयइ ॥२२॥ चउवीसत्थएणं
 भंते ! जीवे किं जणेइ ?, चउवीसत्थएणं दंसणविसोहिं जणइ ॥२३॥ वंदणएणं भंते ! जीवे किं जणेइ ?, वंदणएणं नीयागोयं
 कम्मं खवेइ उच्चागोयं निबंध्य सोहग्गं च णं अप्पडिहयं आणाफलं निवत्तेइ दाहिणभावं च णं जणेइ ॥२४॥ पडिक्कमणेणं भंते !
 जीवे किं जणेइ?. पडिक्कमणेणं वयछिदाइं पिहेइ, पिहियवयछिदे पुण जीवे निरुद्धासवे असबलचरित्ते अट्टसु पवयणमायासु उवउत्ते
 अपुहुत्ते सुप्पणिहिए विहरइ ॥२५॥ काउस्सग्गेणं भंते ! जीवे किं जणेइ? काउस्सग्गेणं तीयपडुप्पन्नं पायच्छित्तं विसोहइ,

विसुद्धपायच्छित्ते य जीवे निव्वुयहिया ओहरियभरुव्व भारवहे धम्मज्झाणोवगाए सुहंसुहेणं विहरइ ॥२६॥ पच्चक्खाणेणं भंते !
 जीवे किं जणेइ ? पच्चक्खाणेणं आसवदाराइं निरुंभइ ॥२७॥ थयथुइमंगलेणं भंते ! जीवे किं जणेइ ?, थयथुइमंगलेणं
 नाणदंसणचरित्तबोहिलाभं संजणइ नाणदंसणचरित्तबोहिलाभसंपन्ने णं जीवे अंतकिरियं कप्पविमाणोववत्तियं आराहणं आराहेइ
 ॥२८॥ कालपडिलेहणाए णं भंते ! जीवे किं जणेइ? काल० नाणावरणिज्जं कम्मं खवेइ ॥२९॥ पायच्छित्तकरणेणं भंते! जीवे
 किं जणेइ?. पावकम्मविसोहिं जणेइ निरइयारे आविभवइ, सम्मं च णं पायच्छित्तं पडिच्छित्तं पडिवज्जमाणे मग्गं च मग्गफलं
 च विसोहेइ आयारं आयारफलं च आराहेइ ॥३०॥ खमावणयाए णं भंते ! जीवे किं जणेइ ?, खमा० पल्हायणभावं जणेइ.
 पल्हायणभावमुवगाए य सव्वपाणभूयजीवसत्तेसु भित्तीभावं उप्पाएइ. भित्तीभावमुवगाए य जीवे भावविसोहिं काऊण निब्भए भवइ
 ॥३१॥ सज्झाएणं भंते ! जीवे किं जणेइ ?, सज्झाएणं नाणावरणिज्जं कम्मं खवेइ ॥३२॥ वायणयाए णं भंते ! जीवे किं जणेइ?.
 वायणाए निज्जरं जणेइ. सुअस्स य अणुसज्जणाए अणासायणाए वट्टइ. सुयस्स य अणुसज्जणाए अणासायणाए वट्टमाणे तित्थधम्मं
 अवलंबइ, तित्थधम्ममवलंबमाणे महानिज्जराए महापज्जवसाणे हवइ ॥३३॥ पडिपुच्छणाए णं भंते ! जीवे किं जणेइ ?. पडि०
 सुत्तत्थतदुभयाइं विसोहेइ, कंखामोहणिज्जं कम्मं वुच्छिदेइ ॥३४॥ परियट्ठणयाए णं भंते ! जीवे किं जणेइ ?, परिवंजणाइं जणेइ
 वंजणलब्धिं च उप्पाएइ ॥३५॥ अणुप्पेहाए णं भंते! जीवे किं जणेइ ?, अणु० आउयवज्जाओ सत्त कम्मपयडीओ धणियबंधणबद्धाओ

सिद्धिलब्धणबद्धाओ पकरेइ, दीहकालट्टिईयाओ हस्सकालठीईयाओ पकरेइ, तिब्बाणुभावाओ मंदाणुभावाओ पकरेइ, बहुप्पएसग्गाओ अप्पएसग्गाओ पकरेइ, आउं च णं कम्मं सिय बंधइ सिय नो बंधइ, अस्सायावेयणिज्जं च णं कम्मं नो भुज्जो भुज्जो उवचिणइ, अणाइयं च णं अणवयग्गं दीहमब्धं चाउरंतसंसारकंतारं खिप्पामेव वीइवयइ ॥३६॥ धम्मकहाए णं भंते ! जीवे किं जणेइ ?, कम्मनिज्जरं जणेइ, धम्मकहाए णं पवयणं पभावेइ, पवयणपभावए णं जीवे आगमिस्सभदत्ताए कम्मं निबंधइ ॥३७॥ सुयस्स आराहणयाए णं भंते ! किं जणेइ?, सुयअत्राणं खवेइ, न य संकिलिस्सइ ॥३८॥ एगग्गमणसंनिवेसणाए णं भंते ! जीवे किं जणेइ?, एगं चित्तनिरोहं करेइ ॥३९॥ संजमेणं भंते ! जीवे किं जणेइ ?, संजमेणं अणण्हयत्तं जणेइ ॥४०॥ तवेणं भंते ! जीवे किं जणेइ ? तवेणं वोयाणं जणेइ ॥४१॥ वोयाणेणं भंते ! जीवे किं जणेइ ?, वोयाणेणं अकिरियं जणेइ, अकिरियाए भवित्ता तओ पच्छा सिज्झइ ॥४२॥ सुहसाएणं भंते ! जीवे किं जणेइ ?, सुहं अणुस्सुयत्तं जणेइ, अणुस्सुए णं जीवे अणुकंपए अणुब्भडे विगयसोगे चरित्तमोहणिज्जं कम्मं खवेइ ॥४३॥ अपडिबद्धयाए णं भंते ! जीवे किं जणेइ ?, अपं निस्संगत्तं जणेइ. निस्संगत्तेणं जीवे एगे एगग्गचित्ते दिया य राओ य असज्जमाणे अप्पडिबद्धे आवि विहरइ ॥४४॥ विवित्तसयणासणयाए णं भंते ! जीवे किं जणेइ?, विविं चरित्तगुत्तिं जणेइ, चरित्तगुत्ते णं जीवे विवित्तहारे दढचरित्ते एगंतरए मुक्खभावपडिवत्ते अट्ठविहं कम्मगांठिं निज्जरेइ ॥४५॥ विणियट्ठणयाए णं भंते ! जीवे किं जणेइ ?, विनिं पावकम्माणं अकरणायाए अब्भुट्ठेइ पुव्वबद्धाण य निज्जरणायाए पावं

नियत्तेइ, तओ पच्छा चाउरंतं संसारकंतरं वीईवयइ ॥४६॥ संभोगपच्चक्खाणेणं भंते ! जीवे किं जणेइ ?, संभो० आलंबणाइं खवेइ, निरालंबणस्स य आययट्ठिया जोगा भवन्ति, सएणं लाभेणं संतूसइ परस्स लाभं नो आसाएइ नो तक्केइ नो पीहेइ नो पत्थइ नो अभिलसइ, परस्स लाभं अणासाएमाणे अतक्केमाणे अपीहेमाणे अपत्थेमाणे अणभिलसेमाणे दुच्चं सुहसिज्जं उवसंपज्जित्ताणं विहरइ ॥४७॥ उवहिपच्चक्खाणेणं भंते ! जीवे किं जणेइ?, उव० अपलिमंथं जणेइ, निरुवहिए णं जीवे निक्कंखे उवहिमंतरणं य न संकिलिस्सइ ॥४८॥ आहारपच्चक्खाणेणं भंते ! जीवे किं जणेइ ?. आहा० जीवियासंसप्पओगं वुच्छिदइ, जीवियासंसप्पओगं वुच्छिदित्ता जीवे आहारमंतरेण न संकिलिस्सइ ॥४९॥ कसायपच्चक्खाणेणं भंते ! जीवे किं जणेइ?, कसा० वीयरायभावं जणेइ, वीयरायभावं पडिवन्नेऽविय णं जीवे समसुहदुक्खे भवइ ॥५०॥ जोगपच्चक्खाणेणं भंते!० अजोगयं जणेइ, अजोगी णं जीवे नवं कम्मं न बन्धइ पुव्वबद्धं निज्जेइ ॥५१॥ सर्रीरपच्चक्खाणेणं भंते० सिद्धाइसयगुणत्तणं निवत्तेइ, सिद्धाइसयगुणसंपन्ने य णं जीवे लोगगभावमुवगाए परमसुही भवइ ॥५२॥ सहायपच्चक्खाणेणं भंते० एगीभावं जणेइ, एगीभावभूए य जीवे एगगं भविमाणे अप्पसद्दे अप्पझंझे अप्पकलहे अप्पकसाए अप्पतुमंतुमे संजमबहुले संवरबहुले समाहिए आविभवइ ॥५३॥ भत्तपच्चक्खाणेणं भंते० अणेगाइं भवसयाइं निरुंभइ ॥५४॥ सब्भावपच्चक्खाणेणं भंते० अनियट्ठिं जणयइ, अनियट्ठिं पडिवन्ने य अणगारे चत्तारि केवलिकम्मंसे खवेइ, तंजहा-वेयणिज्जं आउयं नामं गोयं, तओ पच्छा सिज्झइ० ॥५५॥ पडिरूवयाए णं भंते० लाघवियं जणेइ,

लहुभूए णं जीवे अप्पमत्ते पागडलिंगे पसत्थलिंगे विसुद्धसम्भत्ते सत्तसमिद्धसमत्ते सव्वपाणभूयजीवसत्तेसु वीससणिज्जरूवे अप्पडिलेहे जिइंदिए विपुलतवसमिद्धसमन्नागए आवि भवइ ॥५६॥ वेयावच्चेणं भंते० तित्थयरनामगुत्तं कम्मं निबंध्यइ ॥५७॥ सव्वगुणसंपुत्रयाए णं भंते० अपुणरावत्तिं जणेइ, अपुणरावत्तिं पत्तए णं जीवे सारीरमाणसाणं दुक्खाणं नो भागी भवइ ॥५८॥ वीयरगयाए णं भंते० नेहाणुबंधणाणि तण्हाणुबंधणाणि य वुच्छिदइ. मणुण्णामणुण्णेसु सदरूवरसफरिसगंधेसु सच्चित्ताचित्तीमीसएसु चेव विरज्जइ ॥५९॥ खंतीए णं भंते० परीसहे जिणेइ ॥६०॥ मुत्तीए णं भंते० अकिंचणं जणेइ, अकिंचणे य जीवे अत्थलोलाणं पुरिसाणं अप्पत्थणिज्जे भवइ ॥६१॥ अज्जवयाए णं भंते० काउज्जुययं भावुज्जुययं भासुज्जुययं अविसंवायणं जणेइ, अविसंवायणसंपन्नयाए णं जीवे धम्मस्स आराहए भवइ ॥६२॥ मद्वयाए णं भंते० अणुस्सियत्तं जणेइ, अणुस्सियत्तेणं जीवे मिउमद्वसंपन्ने अट्ठ मयट्ठाणाइं निट्ठवेइ ॥६३॥ भावसच्चेणं भंते० भावविसोहिं जणेइ, भावविसोहिं जणेइ, भावविसोहीए वट्ठमाणे अरहंतपन्नत्तस्स धम्मस्स आराहणयाए अब्भुट्ठेइ, अरहंतपन्नत्तस्स धम्मस्स आराहणयाए अब्भुट्ठित्ता परलोगधम्मस्स आराहए भवइ ॥६४॥ करणसच्चेणं भंते० करण सत्तिं जणेइ, करणसच्चे वट्ठमाणो जहा वाई तहा कारी भवइ ॥६५॥ जोगसच्चेणं भंते! णं जीवे० जोगे विसोहेइ ॥६६॥ मणगुत्तयाए णं भंते० एगगं जणेइ, एगगचित्तणं मणगुत्ते संजमाराहए भवइ ॥६७॥ वयगुत्तयाए णं भंते० निव्विकारत्तं जणेइ, निव्विकारे णं जीवे वइगुत्ते जोगे अज्झप्पजोगसाहणजुत्ते यावि भवइ ॥६८॥ कायगुत्तयाए णं भंते० संवरं जणयइ, संवरेणं कायगुत्तेणं पुणो पावासवनिरोहं

करेइ ॥६९॥ मणसमाधारणयाए णं भंते० एगगं जणेइ ता नाणपज्जवे जणयइ ता सम्भत्तं विसोहेइ मिच्छत्तं च निज्जरेइ ॥७०॥ वयसमाहारणयाए णं भंते० वयसाहारणं दंसणपज्जवे विसोहेइ ता सुलह बोहियत्तं च निव्वत्तेइ दुल्लहबोहियत्तं णं जीवे चाउरंते संसारकंतार न विणस्सइ जहा सूई ससुत्ता, पडिया न विणस्सई । तहा जीवे ससुत्ते, संसारे न विणस्सई ॥१०९७॥ कायसमाहारणयाए णं भंते! जीवे किं जणयइ? काय समाहारणयाए णं चरित्त पज्जवे विसोहेइ चरित्त पज्जते विसोहिता अहक्खाय चरित्तं विसोहेइ, अहक्खाय चरित्तं विसोहिता चत्तारि केवली कम्मंसे खवेइ तओ पच्छा सिज्झइ - बुज्झइ मुच्चइ-परिनिव्वाइ सव्व दुक्खाणमंतं करेइ ॥ ६०॥ नाण संपन्नयाए णं भंते! जीवे किं जणयइ ? नाण संपन्नयाए णं सव्वभावाहिगमं जणयइ, नाण संपन्ने अणं जीवे चाउरंते संसार कंतारे न विणस्सइ “जहा सूइ ससुत्ता पडिआवि न विणस्सइ! तहा जीवे ससुत्ते संसारे न विणस्सइ॥” नाणविणयतवचरित्तजोगे संपाउणइ, ससमयपरविसारए य (अ)संघायणिज्जे भवइ ॥७३॥ दंसणसंपन्नयाए णं भंते० भवमिच्छत्तछेयणं करेइ परं न विज्झायइ, अणुत्तरेणं नाणदंसणेणं अप्पणं संजोएमाणे सम्मं भावेमाणे विहरइ ॥७४॥ चरित्तसंपन्नयाए णं भंते० सेलेसीभावं जणेइ, सेलेसिं पडिवन्ने अणगारे चत्तारि कम्मंसे खवेइ तओ पच्छा सिज्झइ० ॥७५॥ सोहंदियनिग्गहेणं भंते० मणुन्नामणुन्नेसु सहेसु रागदोसणिग्गहं तप्पच्चइयं च णं कम्मं न बंधइ पुव्वबद्धं च निज्जरेइ ॥७६॥ एवं चक्खिदिय ॥७७॥ घाणिंदिय० ॥७८॥ जिब्भिंदिय० ॥७९॥ फासिंदिय० ॥८०॥ कोहविजएणं भंते!० खंतिं जणेइ कोहवेयणिज्जं कम्मं न बंधइ पुव्वनिबद्धं च

निजरेइ ॥८१॥ एवं माणविजए मद्दवं ॥८२॥ माया ० अज्जवं ॥८३॥ लोग ० संतोसं ॥८४॥ पिज्जदोसिच्छादंसणविजए णं भंते ०
 नाणदंसणचरित्तराहणयाए अब्भुट्ठे अट्ठविहस्स कम्मभांठिविमोयणयाए, तप्पढमयाए जहाणुपुब्बिं अट्ठावीसविहं मोहणिज्जं कम्मं
 उग्घाएइ पंचविहं नाणावरणिज्जं नवविहं दंसणावरणिज्जं पंचविहं अंतराइयं एए तिन्नि कम्मंसे जुगवं खवेइ, तओ पुच्छा अणुत्तरं
 अणंतंकसिणं पडिपुन्नं निरावरणं वित्तिमिरं विसुद्धं लोगागोलप्पभासगं केवलवरणाणदंसणं समुप्पाडेइ, जाव सजोगी हवइ ताव
 य इरियावहियं कम्मं निबंधइसुहफरिसं दुसमयट्ठिईयं, तं पढमसमए बद्धं बिइयसमए वेइयं तइयसमए निजिन्नं, तं बद्धं पुट्ठं उदीरियं
 वेइयं निजिन्नं, सेयाले अकम्मं चावि भवइ ॥८५॥ अहाउयं पालइत्ता अंतोमुहुत्तद्धावसेसाए जोगनिरोहं करेमाणो सुहुमकिरियं
 अप्पडिवाइं सुक्कज्झाणं झायमाणे तप्पढमयाए मणजोगं निरुंभइ, वयजोगं निरुंभइ, आणापाणनिरोहं करेइ, ईसिपंचहस्सक्खरुच्चारणद्धाए
 य णं अणगारे समुच्छिन्नकिरियं अणियट्ठिसुक्कज्झाणं झियायमाणे वेयणिज्जं आउयं नामं गुत्तं य एए चत्तारिवि कम्मंसे जुगवं खवेइ
 ॥८६॥ तओ ओरालियं कम्माइं च सव्वाहिं विप्पजहणाहिं विप्पजहिता उज्जुसेढीपत्ते अफुसमाणगई उड्ढं एगसमएणं अविग्गहेणं
 तत्थ गंता सागारोवउत्ते सिज्झइ जाव अंतं करेइ ॥८७॥ एसो खलु सम्भत्तपरक्कमस्स अज्झयणस्स अट्ठे समणेणं भगवया महावीरेणं
 आघविए पन्नविए परूविए दंसिए निदंसिए उवदंसिए ॥८८॥ त्ति बेमि, सम्भत्तपरक्कमं २९॥

जहा उ पावगं कम्मं, रागदोसमज्जियं । खवेइ तवसा भिक्खू, तमेगगमणो सुणे ॥१०९८॥ पाणिवहमुसावाया

अदत्तमेहुणपरिग्गहा विरओ । राईभोयणविरओ, जीवो भवइ अणासवो ॥९॥ पंचसमिओ तिगुत्तो, अवसाओ जिइंदिओ । अगारवो
 य निस्सल्लो, जीवो भवइ अणासवो ॥११००॥ एएसिं तु विवज्जासे, रागदोससमजियं । खवेइ तं जहा भिक्खू, तं मे एगमणा
 सुण ॥१॥ जहा महातलागस्स, संनिरुद्धे जलागमे । उस्सिचणाए तवणाए, कमेणं सोसणा भवे ॥२॥ एवं तु संजयस्सावि,
 पावकम्मनिरासवे । भवकोडीसंचियं कम्मं, तवसा निज्जरिज्जइ ॥३॥ सो तवो दुविहो वुत्तो, बाहिरऽब्भंतरो तहा । बाहिरो छव्विहो
 वुत्तो, एवमब्भंतरो तवो ॥४॥ अणसणमूणोअरिया भिक्खायरिया य रसपरिच्चाओ । कायकिलेसो संलीणया य बज्झो तवो
 होइ ॥५॥ इत्तरियमरणकाला य, अणसणा दुविहा भवे । इत्तरिया सावकंखा, निरवकंखा उ बिइजिया ॥६॥ जो सो इत्तरियतवो,
 सो समासेण छव्विहो । सेढितवो पयरतवो, घणो य तह होइ वग्गो य ॥७॥ तत्तो य वग्गवग्गो उ पंचमो छट्ठओ पइन्नतवो ।
 मणइच्छियचित्तत्थो नायव्वो होइ इत्तरिओ ॥८॥ जा सा अणसणा मरणे, दुविहा सा वियाहिया । सवीयारमवीयारा, कायचिदुं
 पई भवे ॥९॥ अहवा सपरिकम्मा, अपरिकम्मा य आहिया । नीहारिमणीहारी, आहारच्छेअओ दुसुवि ॥१११०॥ ओमोअरणं पंचहा,
 समासेण वियाहियं । दव्वओ खित्तकालेणं, भावेणं पज्जवेहि य ॥१॥ जो जस्स उ आहारो, तत्तो ओमं तु जो करे । जहन्नेणोगसिस्थाई,
 एवं दव्वेण ऊ भवे ॥२॥ गामे नगरे तह रायहाणिनिगमे य आगरे पल्ली । खेडे कब्बडदोणमुहपट्टणमडंबसंबाहे ॥३॥ आसमपए
 विहारे संनिवेसे समा(भा)यघोसे य । थलिसेणाखंधारे सत्थे संवट्ट कोट्टे य ॥४॥ वाडेसु य रत्थासु य घरेसु वा एवमित्तियं खित्तं

१ कप्पइ उ एवमाई एवं खित्तेण ऊ भवे ॥५॥ पेडा य अब्दपेडा गोभुत्ति पयंगवीहिया चेव । संबुक्कावट्टायय गंतुपच्चागया छट्ठा ॥६॥ दिवसस्स पोरिसीणं चउण्हंपि उ जत्तिओ भवे कालो । एवं चरमाणो खलु कालोमाणं मुणेयव्वं ॥७॥ अहवा तइयपोरिसीए, ऊणाए घासमेसंतो । चउभागूणाए वा, एवं कालेण ऊ भवे ॥८॥ इत्थी वा पुरिसो वा अलंकिओ वाऽणालंकिओ वावि । अन्नयरवयत्थो वा अण्णयरेणं च वत्थेणं ॥९॥ अण्णेण विसेसेणं वण्णेणं भावमणुमुअंते उ । एवं चरमाणा खलु भावोमोणं मुणेयव्वं ॥११२०॥ दव्वे खित्ते काले भावंमि य आहिया उ जे भावा । एएहिं ओमचरओ पज्जवरचरओ भवे भिक्खू ॥१॥ अट्ठविहगोयरगं तु, तहा सत्तेव एसणा । अभिग्गहा य जे अत्ते, भिक्खायरियमाइ(हि)या ॥२॥ खीरदहिसप्पिमाई, पणीयं पाणभोयणं । पुरिवज्जणं रसाणं तु, भणियं रसविवज्जणं ॥३॥ ठाणा वीरासणाईया, जीवस्स उ सुहावहा । उग्गा जहा धरिज्जंति, कायकिलेसं तमाहियं ॥४॥ एगंतमणावाए, इत्थीपसुविवज्जि ये । सयणासणसेवणया, विवित्त सयणासणं ॥५॥ एसो बाहिरगतवो, समासेण वियाहिओ । अब्भित्तं तवं इत्तो, वुच्छामि अणुपुव्वसो ॥६॥ पायच्छित्तं विणओ वेयावच्चं तहेव सज्झाओ । झाणं च विउस्सग्गो, एसो अब्भित्तो तवो ॥७॥ आलोअणारिहाईयं, पायच्छित्तं तु दसविहं । जे भिक्खू वहई सम्भं, पायच्छित्तं तमाहियं ॥८॥ अब्भुट्ठाणं अंज(णंज)लिकरणं, तहेवासणदायणं । गुरुभत्तिभावसुस्सूसा, विणओ एस वियाहिओ ॥९॥ आयरियमाइयंमि, वेयावच्चे य दसविहे । आसेवणं जहाथामं, वेयावच्चं तमाहियं ॥११३०॥ वायणा पुच्छणा चेव, तहेव परियट्ठणा । अणुप्पेहा

धम्मकहा, सज्झाओ पंचहा भवे ॥१॥ अट्टरुद्वाणि वज्जित्ता, झाइज्जा सुसमाहिए । धम्मसुक्काइं झाणइं, झाणं तं तु बुहा वए (वयन्ति) ॥२॥ सयणासण ठाणे वा, जे उ भिक्खू ण वावरे । कायस्स विउस्सग्गो, छट्ठो सो परिकित्तिओ ॥३॥ एवं तवं तु दुविहं, जं सम्म आयरे मुणी । से खिप्पं सव्वसंसारो, विप्पमुच्चइ पंडिए ॥११३४॥ त्ति बेमि, तवमग्गिज्जं ३० ॥

चरणविहिं पवक्खामि, जीवस्स उ सुहावहं । जं चरित्ता बहु जीवा, तिन्ना संसारसागरं ॥५॥ एगओ विरइं कुज्जा, एगओ अ पवत्तणं । अस्संजमे नियत्तिं च, संजमे य पवत्तणं ॥६॥ रागदोसे य दो पावे, पावकम्मपवत्तणे । जे भिक्खू रुंभइ निच्चं, से न अच्छइ मंडलं ॥७॥ दंडाणं गारवाणं च, सल्लाणं च तियं तियं । जे भिक्खू ॥८॥ दिव्वे य जे उवसग्गे, तहा तेरिच्छमाणुसे । जे भिक्खू ॥९॥ विगहाकसायसन्नाणं, झाणाणं च दुयं तहा । जे भिक्खू ॥११४०॥ वएसु इंदियत्थेसु, समिईसु किरियासु य । जे भिक्खू ॥१॥ लेसासु छसु काएसु, छक्के आहारकारणे । जे भिक्खू ॥ पिंडुग्गहपडिमासु, भयट्ठाणेसु सत्तसु । जे भिक्खू ॥३॥ मएसु बंभगुत्तीसु, भिक्खुधम्मंमि दसविहे । जे भिक्खू ॥४॥ उवासगाणं पडिमासु, भिक्खूणं पडिमासु य । जे भिक्खू ॥५॥ किरियासु भूयगामेसु, परमाहम्मिएसु य । जे भिक्खू ॥६॥ गाहासोलसाएहिं, तहा अस्सं जमंमि य । जे भिक्खू ॥७॥ बंभंमि नायज्झयणेसु, ठाणेसु यऽसमाहिए । जे भिक्खू ॥८॥ इक्कवीसाए सबलेसु, बावीसाए परीसहे । जे भिक्खू ॥९॥ तेवीसईसुयगडे, रूवाहिएसु सुरेसु य । जे भिक्खू ॥११५०॥ पणवीसा भावणाहिं च, उद्देसेसु दसाइणं । जे भिक्खू ॥१॥

अणगारगुणेहिं च, पगप्पंमि तहेव य। जे भिक्खू० ॥२॥ पावसुयप्पसंगेसु, मोहट्ठाणेसु चेव य । जे भिक्खू० ॥३॥ सिद्धाङ्गुण
जोगेसु, तित्तीसायणासु य । जे भिक्खू जयई निच्चं, से न अच्छइ मंडले ॥४॥ इइ एसु जे भिक्खू, ठाणेसु जयई सया ।
खिप्पं से सव्वसंसारा विप्पमुच्चइ पंडिए ॥११५५॥ ति बेमि, चरणविहिज्जं ३१॥

अच्चंतकालस्स समूलयस्स, सव्वस्स दुक्खस्स उ जो प(उ) मोक्खो । तं भासओ मे पडिपुत्रचिता!, सुणेह एगगहियं
हियत्थं ॥६॥ णाणस्स सव्व(च्च)स्स पगासणाए, अन्नाणमोहस्स विवज्जणाए । रागस्स दोसस्स य संखएणं, एगंतसुक्खं समुवेइ
मोक्खं ॥७॥ तस्सेस मग्गो गुरुविद्धसेवा, विवज्जणा बालजणस्स दूरा । सज्झायएगंतनिसे(निवेस)वणा य, सुत्तत्थसंचिंतणया
धिई य ॥८॥ आहारमिच्छे मियमेसणिज्जं, सहायमिच्छे निउणत्थबुद्धिं । निकेयमिच्छेज्ज विवेगजोगं, समाहिकामे समणे तवस्सी
॥९॥ न वा लभिज्जा निउणं सहायं, गुणाहियं वा गुणओ समं वा । एगोवि पावाइं विवज्जयंतो (अणायरंतो), विहरेज्ज कामेसु
असज्जमाणो ॥११६०॥ जहा य अंडप्पभवा बलागा, अंडं बलागप्पभवं जहा य । एमेव मोहाययणं खु तण्हं, मोहं च तण्हाययणं
वयंति ॥१॥ रागो य दोसोविय कम्मबीयं, कम्मं च मोहप्पभवं वयंति । कम्मं च जाईमरणस्स मूलं, दुक्खं च जाईमरणं वयंति
॥२॥ दुक्खं हयं जस्स न होइ मोहो मोहो हओ जस्स न होइ तण्हा । तण्हा हया जस्स न होइ लोभो, लोभो हओ जस्स न
किंचणाइं ॥३॥ रागं च दोसं च तहेव मोहं, उद्धत्तुकामेण समूलजालं । जे जे उवाया पडिवज्जियव्वा, ते कित्तइस्साभि अहाणुपुव्विं

॥४॥ रसा पगामं न हु सेवियव्वा, पायं रसा दित्तिकरा नराणां । दित्तं च कामा समभिद्ववंति, दुमं जहा साउफलं पक्खी ॥५॥
 जहा दवग्गी पउरिधणे वणे, समारुओ नोवसमं उवेइ । एविंदियग्गीवि पगामभोइणो. न बंभयारिस्स हियाय कस्सई ॥६॥
 विवित्तसिज्जासणजंतियाणां, ओमासणाणां (ई) दमिइंदियाणां । न रागसत्तू धरिसेइ चित्तं, पराइओ वाहिरिवोसहेहिं ॥७॥ जहा
 बिरालावसहस्स मूले, न मूसगाणां वसही पसत्था । एमेव इत्थीनिलयस्स मज्जे, न बंभयारिस्स खमो निवासो ॥८॥ न
 रूवलावण्णविलासहासं न जंपियं इंगिय पेहियं वा । इत्थीण चित्तंसि निवेसइत्ता, ददत्तुं ववस्से समणे तवस्सी ॥९॥ अदंसणं
 चेव अपत्थणं च, अचिंतणं चेव अकित्तणं च । इत्थीजणस्सारियझाणजुगं, हियं सया बंभवए रयाणां ॥११७०॥ कामं तु देवी
 हिवि भूसियाहिं, न चाइया खोभइउं तिगुत्ता । तहावि एगंतहियंति नच्चा, विवित्तवासो मुणिणं पसत्थो ॥१॥ मुक्खाभिकंखिस्सवि
 माणवस्स, संसारभीरुस्स ठियस्स धम्मे । नेयारिसं दुत्तरमत्थि लोए, जहत्थिओ बालमणोहराओ ॥२॥ एए य संग्गा समइक्कमित्ता,
 सुहुत्तरा चेव हवंति सेसा । जहा महासागरमुत्तरित्ता, नई भवे अवि गंगासमाणा ॥३॥ कामाणुगिद्धिप्पभवं खु दुक्खं, सव्वस्स
 लोगस्स सदेवगस्स । जं काइयं माणसियं च किंचि, तस्संतयं गच्छइ वीयरगो ॥४॥ जहा य किंपांगफला मणोरमा, रसेण वत्तेण
 य भुज्जमाणा । ते खुद्दए जीविय पच्चमाणा, एओवमा कामगुणा विवागे ॥५॥ जे इंदियाणां विसया मणुण्णा, न तेसु भावं निसिरे
 कयाई । न या मणुन्नेसु मणांपि कुज्जा, समाहिकामे समणे तवस्सी ॥६॥ चक्खुस्स रूवं गहणं वयंति, तं रागहेउं तु मणुन्नमाहु ।

तं दोसहेउं अमणुन्नमाहु, समो य जो तेसु स वीयरगो ॥७॥ रूवस्स चक्खुं गहणं वयंति, चक्खुस्स रूवं गहणं वयंति । रागस्स
 हेउं समणुन्नमाहु, दोसस्स हेउं अमणुन्नमाहु ॥८॥ रूवेसु जो गिद्धिमुवेइ तिव्वं, अकालियं पावइ सो विणासं । रागाउरे से जह
 वा पयंगे, आलोअलोले समुवेइ मच्चुं ॥९॥ जे यावि दोसं समुवेइ तिव्वं, तंसि क्खणे से उ वेइ दुक्खं । दुदंतदोसेण सएण
 जंतू, न किंचि रूवं अवरज्झई से ॥११८०॥ एगंतरत्तो रुइरंसि रूवे, अतालसे से कुणई पओसं । दुक्खस्स संपीलमुवेइ बाले,
 न लिप्पई तेण मुणी विरागे ॥१॥ रूवाणुगासाणुगए य जीवे, चराचरेहिं सयणेगरूवे । चित्तेहिं ते परियावेइ बाले, पीलेइ अत्तड्ढगुरु
 किलिद्धे ॥२॥ रूवाणुवाएण परिग्गहेण, उप्पायणे रक्खणसंनिओगे । वए विओगे य कहं सुह से, संभोगकाले य अतित्तलाभे ।
 ॥३॥ रूवे अतित्ते य परिग्गहंमि, सत्तोवसत्तो न उवेइ तुट्ठिं । अतुट्ठिदोसेण दुही परस्स, लोभाविले आययई अदत्तं ॥४॥ तण्हाभिभूयस्स
 अदत्तहारिणो, रूवे अतित्तस्स परिग्गहे य । मायामुसं वड्ढइ लोभदोसा, तत्थावि दुक्खा न विमुच्चइ से ॥५॥ मोसस्स पच्छा
 य परत्थओ य, पओगकाले य दुही दुरंते । एवं अदत्ताणि समायअंतो, रूवे अतित्तो दुहओ अणिस्सो ॥६॥ रूवाणुरत्तस्स नरस्स
 एवं, कत्तो सुहं हुज्ज कयाइ किंचि ? । तत्थोवभोगेऽवि किलेसदुक्खं, निवत्तई जस्स कएण दुक्खं ॥७॥ एमेव रूवंमि गओ पओसं,
 उवेइ दुक्खोहपरंपराओ । पदुट्ठचित्तो य चिणाइ कम्मं, जं से पुणो होइ दुहं विवागे ॥८॥ रूवे विरत्तो मणुओ विसोगो, एएण
 दुक्खोहपरंपरेण । न लिप्पई भवमज्जेऽवि संतो, जलेणवा पुक्खरिणीपलासं ॥९॥ सोयस्स सदं गहणं ० ॥११९०॥ सदस्स सोयं

गहणं० १० स वीयरगो ॥१॥ सहेसु जो गेहिमुवेइ० ॥२॥ जे यावि दोसं० ॥३॥ एगंतरत्ते रुइरंसि सहे० ॥४॥ सदाणुगासाणु० ॥५॥
 सदाणुवाएण परिग्गहेण० ॥६॥ सहे अत्ति० ॥७॥ तण्हाभिभूयस्स० ॥८॥ मोसस्स पच्छा य० ॥९॥ सदाणु॥१२००॥ एमेव
 सद्धंमि० ॥१॥ सहे विरत्तो० ॥२॥ घाणस्स गंधं गहणं वयंति० ॥३॥ गंधस्स घाणं० ॥४॥ गंधेसु जो गेहि० । रागाउरे ओसहिगंधगिद्धे,
 सप्पे बिलाओविव निक्खमंते॥५॥ जे यावि दोसं० ॥६॥ एगंतरत्तो रुइरंमि गंधे० ॥७॥ गंधाणु० ॥८॥ गन्धाणुवा० ॥९॥ गंधे
 अत्ति० ॥१२१०॥ तण्हा० ॥१॥ मोसस्स० ॥२॥ गंधाणु० ॥३॥ एमेव गंधंमि० ॥४॥ गंधे विरत्तो० ॥५॥ जिब्भाए रसं गहणं० ॥६॥
 रसस्स जीहं गहणं वयंति० ॥७॥ रसेसु जो गेहि० । रागाउरे बडि सविभिन्नकाए, मच्छे जहा आभिसभोगगिद्धे ॥८॥ गाथाः
 १३ ॥१२२८॥ कायस्स फासं गहणं वयंति० ॥९॥ फासस्स कायं गहणं० ॥१२३०॥ फासेसु जो गेहिमु० । रागाउरे सीयजलावसन्ने,
 गाहग्गहीए महिसे व रन्ने ॥१॥ एवं फासाभिलावे गाथाः १३ ॥१२४१॥ मणस्स भावं गहणं० ॥२॥ भावस्स मणं ग० ॥३॥ भावेसु
 जो गेहि० । रागाउरे कामगुणेषु गिद्धे, करेणुमग्गावहिएव नागे । भावाभिलावे गाथाः १३ ॥१२५४॥ एविंदियत्था य मणस्स अत्था,
 दुक्खस्स हेउं मणुयस्स रागिणो । ते चेव थेवंपि कयाइ दुक्खं, न वीयरगस्स करिति किंचि ॥५॥ न कामभोगा समयं उविति,
 न यावि भोगा विगइं उविति । जे तप्पओसी य परिग्गही य, सो तेसु मोहा विगइं उवेइ ॥६॥ कोहं च माणं च तहेव मायं, लोभं
 दुगुंछं अरइं रइं च । हासं भयं सोगपुमिन्थिवेयं, नपुंसवेयं विविहे य भावे ॥७॥ आवज्जई एवमणेगरूवे, एवंविहे कामगुणेषु सत्तो ।

अन्ने य एयप्पभवे विसेसे, कारुण्णदीणे हिरिमे वडस्सो॥८॥ कप्पं न इच्छिज्ज सहायलिच्छू, पच्छाणुतावेण तवप्पभावं। एवं
 विकारे अभियप्पयारे, आवज्जई इंदियचोरवस्से॥९॥ तओ सि जायंति पओअणाइं, निमज्जिउं मोहमहन्नवंमि। सुहेसिणो
 दुक्खविणोयणाट्ठा, तप्पच्चयं उज्जमए अ रागी॥१२६०॥ विरज्जमाणस्स य इंदियत्था, सद्दाइया तावइयप्पगारा। न तस्स सव्वेवि
 मणुन्नयं वा, निवत्तयंती अमणुन्नयं वा॥१॥ एवं ससंकप्पविकप्पणासु, संजायई समयमुवट्ठियस्सो। अत्थं च संकप्पयओ तओ
 से, पहीयए कामगुणेषु तण्हा॥२॥ सो वीयरगो कयसव्वकिच्चो, खवेइ नाणावरणं खणेणं। तहेव जं दरिसणमावरेइ, जं चंतरायं
 पकरेइ कम्मं॥३॥ सव्वं तओ जाणइ पासई य, अमोहणो होइ निरंतराए। अणासवे झाणसमाहिजुत्तो, आउक्खए मुक्खमुवेइ सुद्धे॥४॥
 सो तस्स सव्वस्स दुहस्स मुक्खो, जं बाहई समयं जंतुमेयं। दीहामयव्विप्पमुक्को पसत्थो, तो होइ अच्चंतसुही कयत्थो॥५॥
 अणाइकालप्पभवस्स एसो, सव्वस्स दुक्खस्स पमुक्खमगो। वियाहिओ जं समुविच्च सत्ता, कमेण अच्चंतसुही भवंति॥१२६६॥
 ति बेमि, पमायठाणं ३२॥

अट्ठ कम्माइं वुच्छामि, आणुपुव्वि जहक्कमं। जेहिं बद्धे अयं जीवे, संसारे परिव(य)त्तए॥७॥ नाणस्सावरणिज्जं, दंसणावरणं
 तहा। वेयणिज्जं तहा मोहं, आउकम्मं तहेव य॥८॥ नामकम्मं च गोयं च, अंतरायं तहेव य। एवमेयाइं कम्माइं, अट्ठेव य समासओ॥९॥
 नाणावरणं पंचविहं, सुअं आभिणिबोहियं। ओहिं नाणं तईयं, मणनाणं च केवलं॥१२७०॥ निद्दा तहेव पयला निद्दानिद्दा य

पयलपयला यो तत्तो य श्रीणगिद्धी पंचमा होइ नायव्वा ॥१॥ चक्खुमचक्खूओहिस्स, दंसणे केवले य आवरणे। एवं तु नवविगणं,
 नायव्वं दंसणावरणं ॥२॥ वेयणियंपि हु (य) दुविहं, सायमसायं च आहियं। सायस्स उ बहू भेया, एमेवासायस्सवि ॥३॥
 मोहणियंपिय दुविहं, दंसणे चरणे तहा। दंसणे तिविहं वुत्तं, चरणे दुविहं भवे ॥४॥ सम्भत्तं चेव भिच्छत्तं, सम्भाभिच्छत्तमेव यो
 एयाओ तिन्नि पयडीओ, मोहणिज्जस्स दंसणे ॥५॥ चरित्तमोहणं कम्मं, दुविहं तु वियाहियं। कसायमोहणिज्जं च, नोकसायं तहेव
 य ॥६॥ सोलसविहभेएणं, कम्मं तु कसायजं। सत्तविहं नव विहं वा, कम्मं नोकसायजं ॥७॥ नेरइयतिरिक्खाऊ, मणुस्साउं तहेव
 यो देवाऊयं चउत्थं तु, आउकम्मं चउव्विहं ॥८॥ नामकम्मं दुविहं, सुहमसुहं च आहियं। सुहस्स उ बहू भेया, एमेव य असुहस्सवि ॥९॥
 गोयं कम्मं दुविहं, उच्चं नीयं च आहियं। उच्चं अट्टविहं होइ, एवं नीयंपि आहियं ॥१०॥ दाणे लाभे य भोगे य, उवभोगे
 वीरिए तहा। पंचविहमन्तरायं, समासेण वियाहियं ॥१॥ एयाओ मूलपयडीओ, उत्तराओ अ आहिया। पए सगं खित्तकाले य,
 भावं चादुत्तरं सुण ॥२॥ सव्वेसिं चेव कम्माणं, पएसगमणंतगं। गंठिप (य) सत्ताण्णाइ (ईयं), अंतो सिद्धाण आहियं ॥३॥
 सव्वजीवाण कम्मं तु, संगहे छदिसागयं। सव्वेसुवि पएसेसु, सव्वं सव्वेण बद्धगं ॥४॥ उदहीसरिसनामाणं, तीसई कोडिकोडीओ।
 उक्कोसिया होइ ठिई, अंतमुहुत्तं जहन्निया ॥५॥ आवरणिज्जाण दुण्हंपि, वेयणिज्जे तहेव यो अंतराए य कम्मंमि, ठिई एसा
 वियाहिया ॥६॥ उयहीसरिसनामाणं, सत्तरिं कोडिकोडिओ। मोहणिज्जस्स उक्कोसा, अंतमुहुत्तं जहन्निया ॥७॥ तिन्तीससागरोवमा,

उक्कोसेणं वियाहिया । ठिई उ आउकम्मस्स, अंतमुहुत्तं जहन्निया ॥८॥ उदहीसरिसनामाणं, वीसई कोडिकोडिओ । नामगोआण उक्कोसा,
अन्तमुहुत्ता जहन्निया ॥९॥ सिद्धाणऽणंतभागो, अणुभागा हवंति उ । सव्वेसुवि पएसगं, सव्वजीवेसु (स) इच्छियं ॥१२९०॥ तम्हा
एएसि कम्माणं, अणुभागे वियाणिया । एसिं संवरे चेव, खवणे य जए बुहे ॥१॥ ति बेमि, कम्मपयडी ३३॥

लेसज्झयणं पवक्खामि, आणुपुव्वि जहक्कमं । छण्हं पि कम्मलेसाणं, अणुभावे सुणेहि मे ॥२॥ नामाई वण्णरसगंधफास-
परिणामलक्खणं ठाणं । ठिइं गइं च आउं, लेसाणं तु सुणेह मे ॥३॥ किण्हा नीला य काऊ य, तेऊ पम्हा तहेव य । सुक्का लेसा
य छट्ठा उ, नामाई तु जहक्कमं ॥४॥ जीमूतनिद्धसंकासा, गवलरिड्डगसंनिभा । खंजंजणनयणनिभा, किण्हलेसा उ वण्णओ ॥५॥
नीलासोगसंकासा, चासपिच्छसमप्पभा । वेरुलियनिद्धसंकासा, नीललेसा उ वण्णओ ॥६॥ अयसीपुप्फसंकासा, कोइलच्छदसंनिभा ।
पोरेवयगीवनिभा, काउलेसा उ वण्णओ ॥७॥ हिंगुलुयधाउसंकासा, तरुणाइच्चसंनिभा । सुयतुंडपईवनिभा, तेउलेसा उ वण्णओ ॥८॥
हरियालभेयसंकासा, हलिद्दाभेदसंनिभा । सणासणकुसुमनिभा, पम्हलेसा उ वण्णओ ॥९॥ संखंककुंदसंकासा, खीरधारसमप्पभा ।
रययहारसंकासा, सुक्कलेसा उ वण्णओ ॥१३००॥ जह कडुयतुंबयरसो निंबरसो कडुयरोहिणिरसो वा । इत्तोवि अणंतगुणो रसो
उ किण्हाइ नायव्वो ॥१॥ जह तिकडुयस्स रसो तिव्खो जह हत्थिपिप्पलीए वा । इत्तोवि० नीलाइ० ॥२॥ जह तरुणअंबयरसो
तुयरकवित्थस्स वावि जारिसओ ।० काऊइ० ॥३॥ जह परिणयंबगरसो पक्ककवित्थस्स वावि जारिसओ ।० तेऊइ० ॥४॥

वरवारुणीइ व रसो विविहाण व आसवाण जारिसओ। महमेरगस्स व रसो इत्तो पम्हाइ परएणं॥५॥ खज्जरमुद्दियरसो खीररसो
 खंडसक्कररसो वा। इत्तो ३० सुक्काइ० ॥६॥ जह गोमडस्स गंधो सुणगमडस्स व जहा अहिमडस्स। इत्तोवि अणंतगुणो लेसाणं
 अप्सत्थाणं॥७॥ जह सुरहिकुसुमगंधो गंधवासाण पिस्समाणाणं। इत्तोवि अणंतगुणो पसत्थलेसाण तिण्हंपि॥८॥ जह करगयस्स
 फासो गोजिब्भाए व सागपत्ताणं। इत्तोवि० अप्सत्थाणं॥९॥ जह बूरस्सवि फासो नवणीयस्स व सिरीसकुसुमाणं। इत्तोवि०
 तिण्हंपि॥१३१०॥ तिविहो व नवविहो वा सत्तावीसइविहिक्कसीओ(हो)वा। दुसओ तेयालो वा लेसाणं होइ परिणामो ॥१॥
 पंचासवप्पमत्तो तीहिं अगुत्तो छसू अविरओ य। तिव्वारंभपरिणओ खुदो साहस्सिओ नरो॥२॥ निब्बंधसपरिणामो, निस्संसो
 अजिइंदिओ। एयजोगसमाउत्तो, कण्हलेसं तु परिणमे॥३॥ इस्सा अमरिसअतवो, अविज्ज माया अहीरिया। गेही पओसे य सढे,
 रसलोलुए सायगवेसए य॥४॥ आरंभा अविरओ, खुदो साहस्सिओ नरो। एय०, नीललेसं० ॥५॥ वंके वंकसमायारे, नियडिल्ले
 अणुज्जुए। पलिउंचग ओवहिए, मिच्छदिट्ठी अणारिए॥६॥ उप्फलगदुट्ठवाई य, तेणे अ(या)विय मच्छरी। एय०, काउलेसं०॥७॥
 नीआवित्ती अचवले, अमाई अखुऊहले। विणीयविणए दंते, जोगवं उवहाणवं॥८॥ पियधम्मे दढधम्मे, वज्जभीरू हिएसए। एय०,
 तेउलेसं०॥९॥ पयणुक्कोहमाणो य, मायालोभे य पयणुए। पसंतचित्ते दंतप्पा, जोगवं उवहाणवं॥१३२०॥ तहा य पयणुवाई
 य, उवसंते जिइंदिए। एय० पम्हलेसं०॥१॥ अट्ठरुद्दाणि वज्जित्ता, धम्मसुक्काणि साहए। पसंतचित्ते दंतप्पा, सभिए गुत्ते य गुत्तिसु॥२॥

सरागे वीयरगे वा, उवसंते जिइंदिए। एय०, सुक्कलेसं तु परिणमे॥३॥ अस्संखिज्जाणोसप्पिणीण उस्सप्पिणीण जे समया। संखाईया
 लोगा लेसाण हवंति ठाणाइं॥४॥ मुहुत्तब्धं तु जहन्ना तित्तीसा सागरा मुहुत्तहिय। उक्कोसा होइ ठिई णायव्वा किण्हलेसाए॥५॥
 मुहुत्तब्धं तु जहन्ना दसउदहिपलियमसंखभागमब्भहिया।० नीललेसाए॥६॥ मुहुत्तब्धं तु जहन्ना तिण्णुदही पलियमसंखभागमब्भहिया।०
 काउलेसाए॥७॥ मुहुत्तब्धं तु जहन्ना दोण्हुदही पलियमसंखभागमब्भहिया।० तेउलेसाए॥८॥ मुहुत्तब्धं तु जहन्ना दसउदही होइ
 मुहुत्तमब्भहिया।० पम्हलेसाए॥९॥ मुहुत्तब्धं तु जहन्ना तित्तीसं सागरा मुहुत्तहिया।० सुक्कलेसाए०॥१३३०॥ एसा खलु लेसाणं
 ओहेण ठिई उ वणिणया होइ। चउसुवि गईसु इत्तो लेसाण ठिई उ वुच्छामि॥१॥ दसवाससहस्साइं काऊइ ठिई जहन्निया होइ।
 तिनोदही पलियअसंखेज्जभागं च उक्कोसा॥२॥ तिण्णुदहीपलिओवममसंखभागो जहन्न नीलठिई। दसउदहीपलिओवममसंखभागं
 च उक्कोसा॥३॥ दसउदहीपलिओवममसंखभागं जहन्निया होइ। तित्तीससागराइं उक्कोसा होइ किण्हाए॥४॥ एसा नेरइयाणं लेसाण
 ठिई उ वणिणया होइ तेण परं वुच्छामि तिरियमणुस्साण देवाणं॥५॥ अंतो मुहुत्तमब्धं लेसाण ठिई जहिं जहिं जा उ। तिरियाण
 नराणं वा वज्जित्ता केवलं लेसं॥६॥ मुहुत्तब्धं तु जहन्ना उक्कोसा होइ पुव्वकोडी उ। नवहिं वरिसेहिं ऊणा नायव्वा सुक्कलेसाए॥७॥
 एसा तिरियनराणं लेसाण ठिई उ वणिणया होइ। तेण परं वुच्छामि लेसाण ठिई उ देवाणं॥८॥ दसवाससहस्साइं किण्हाए ठिई
 जहन्निया होइ। पलियमसंखिज्जइमो उक्कोसो होइ किण्हाए॥९॥ जा किण्हाइ ठिई खलु उक्कोसा सा उ समयमब्भहिया। जहन्नेणं

नीलाए पलियमसंखं च उक्कोसा ॥१३४०॥ जा नीलाइ ठिई खलु उक्कोसा सा उ समयमब्भहिया। जहन्नेणं काऊए पलियमसंखं च उक्कोसा ॥१॥ तेण परं वुच्छामी तेऊलेसा जहा सुरगणाणं। भवणवइवाणमंतरजोइसवेमाणियाणं च ॥२॥ पलिओवमं जहन्ना उक्कोसा सागरा उ दुण्हइहिया। पलियमसंखिज्जेणं होई भागेण तेऊए ॥३॥ दसवाससहस्साइं तेऊइ ठिई जहन्निया होइ। दुनुदही पलिओवम असंखभागं च उक्कोसा ॥४॥ जा तेऊइ ठिई खलु उक्कोसा सा उ समयमब्भहिया। जहन्नेण पम्हाए दस मुहुत्तइहियाइं उक्कोसा ॥५॥ जा पम्हाइ०। जहन्नेणं सुक्काए तिच्चीस मुहुत्तमब्भहिया ॥६॥ किण्हा नीला काऊ तिन्निवि लेसाउ अहम्मलेसाउ। एयाहिं तिहिवि जीवो दुग्गइं उववज्जई ॥७॥ तेऊ पम्हा सुक्का तन्निवि एयाउ धम्मलेसाउ। एयाहिं तिहिवि जीवो सुग्गइं उववज्जई ॥८॥ लेसाहिं सव्वाहिं पढमे समयंमि परिणयाहिं तु। न हु कस्सइ उववत्ती परे भवे अत्थि जीवस्स ॥९॥ लेसाहिं सव्वाहिं चरमे समयंमि परिणयाहिं तु। न० ॥१३५०॥ अंतमुहुत्तंमि गए अंतमुहुत्तंमि सेसए चेव। लेसाहिं परिणयाहिं जीवा गच्छंति परलोयं ॥१॥ तम्हा एयासि लेसाणं, अणुभावं वियाणिया। अप्पसत्थाउ वज्जित्ता, पसत्थाओ अहिट्ठए ॥१३५२॥ त्ति बेमि, लेसज्झयणं ३४॥

सुणेह मे एगमणा, मग्गं सव्वन्नु(बुद्धेहिं) देसियं। जमायरंतो भिक्खू, दुक्खाणंतकरो भवे ॥३॥ गिहवासं परिच्चज्जा, पव्वज्जामिस्सिए मुणी। इमे संगे वियाणिज्जा, जेहिं सज्जंति माणवा ॥४॥ तहेव हिंसं अलियं, चोज्जं अब्बंभसेवणं। इच्छाकामं च लोभं च, संजओ परिवज्जए ॥५॥ मणोहरं चित्तधरं, मल्लधूवणवासियं। सकवाडं पंडरुल्लोयं, मणसावि न पत्थए ॥३॥ इंदियाणि

३ भिक्खुस्स, तारिसंमि उवस्सए। दुक्कराइं निवारेउं (तु धारेउं), कामरागविवड्ढणे ॥७॥ सुसाणे सुनगारे वा, रुक्खमूले व इक्कओ।
 पइरिक्के परकडे वा, वासं तत्थऽभिरोयए ॥८॥ फासुयंमि अणाबाहे, इत्थीहिं अणाभिदुए। तत्थ संकप्पए वासं, भिक्खू
 परमसंजए ॥९॥ न सयं गिहाइं कुब्बिज्जा, नेव अन्नेहिं कारए। गिहकम्मसमारंभे, भूयाणं दिस्सए वहो ॥१३६०॥ तसाणं थावराणं
 च, सुहुमाणं बायराण यो तम्हा गिहसमारंभं, संजओ परिवज्जए ॥१॥ तहेव भत्तपाणेसु, पयणे परयावणेसु यो पाणभूयदयट्ठाए,
 न पए ण पयावए ॥२॥ जलधन्ननिस्सिया जीवा, पुढवीकट्टनिस्सिया। हम्मंति भत्तपाणेसु, तम्हा भिक्खू न पयावए ॥३॥ विसप्पे
 सव्वओधारे, बहुपाणविणासणे। नत्थि जोइसमे सत्थे, तम्हा जोई न दीवए ॥४॥ हिरण्णं जायरूवं च, मणसावि न पत्थए।
 समलिदट्ठुकंचणे भिक्खू, विरए कयविक्कए ॥५॥ किणंतो कइओ होइ, विक्किणंतो य वाणिओ। कयविक्कयंमि वट्टंतो, भिक्खू
 हवइ न तारिसो ॥६॥ भिक्खियव्वं न केयव्वं, भिक्खुणा भिक्खवित्तिणा। कयविक्कओ महादोसो, भिक्खावित्ती सुहावहा ॥७॥
 समुयाणं उंछमेसिज्जा, जहासुत्तमणिंदियं। लाभालाभंमि संतुट्ठे, पिंडवायं चरे मुणी ॥८॥ अलोलो न रसे गिद्धो, जिब्भादंतो अमुच्छिओ।
 न रसट्ठाए भुंजिज्जा, जवणट्ठाए महामुणी ॥९॥ अच्चणं रयणं चेव, वंदणं पूअणं तहा। इड्ढीसक्कारसम्माणं, मणसावि न
 पत्थए ॥१३७०॥ सुक्कं झाणं झियाइज्जा, अणियाणे अकिंचणे। वोसट्ठकाए विहरिज्जा, जाव कालस्स पज्जओ ॥१॥ निज्जूहिऊण
 आहारं, कालधम्मे उवट्ठिए। चइऊण माणुसं बुंदिं, पहू दुक्खा विमुच्चइ ॥२॥ निम्ममो निरहंकारो, वीथराओ अणासवो। संपत्तो

केवलं नाणं, सासयं परिनिव्वुडे ॥१३७३॥ त्ति बेमि, अणगारमगं ३५॥

जीवाजीवविभत्ति मे, सुणेहेगमणा इओ। जं जाणिऊण भिक्खू, सम्मं जयइ संजमे ॥४॥ जीवा चेव अजीवा य, एस लोए वियाहिए। अजीवदेसमागासे, ओलए से वियाहिए ॥५॥ दव्वओ खित्तओ चेव, कालओ भावओ तहा। परूवणा तेसिं भवे, जीवाणमजीवाण य ॥६॥ रूविणो चेवऽरूवा य, अजीवा दुविहा भवे। अरूवी दसहा वुत्ता, रूविणोऽवि चउव्विहा ॥७॥ धम्मत्थिकाए तद्देसे, तप्पएसे य आहिए। अधम्मे तस्स देसे य, तप्पएसे य आहिए ॥८॥ आगासे, तस्स देसे य, तप्पएसे य आहिए। अब्बासमए चेव, अरूवी दसहा भवे ॥९॥ धम्माधम्मे य दोऽवेए, लोगमित्ता वियाहिया। लोगालोगे य आगासे, समए समयखित्तिए ॥१३८०॥ धम्माधम्मागासा, तिन्निवि एए अणाइया। अपज्जवसिया चेव, सव्वब्धं तु वियाहिया ॥१॥ समएवि संतइं पप्प, एवमेव वियाहिए। आएसं पप्प साईए, सपज्जवसिएऽविय ॥२॥ खंधा य खंधदेसा य, तप्पएसा तहेव य। परमाणुणो अ बोद्धव्वा, रूविणो अ चउव्विहा ॥३॥ एगत्तेण पुहुत्तेणं, खंधा य परमाणू अ। लोएगदेसे लोए अ, भइअव्वा ते उ खित्तओ। एत्तो कालविभागं तु, तेसिं वुच्छं चउव्विहं ॥४॥ संतइं पप्प तेऽणाई, अप्पज्जवसिआविअ। ठिइं पडुच्च साईआ, सप्पज्जवसिआविअ ॥५॥ असंखकालमुक्कोसं, इक्कं समयं जहन्नयं। अजीवाण य रूवीणं, ठिई एसा विआहिआ ॥६॥ अणंतकालमुक्कोसं, इक्कं समयं जहण्णयं। अजीवाण य रूवीणं, अंतरेयं विआहिअं ॥७॥ वन्नओ गंधओ चेव, रसओ फासओ तहा। संठाणओ य विन्नेओ, परिणामो तेसिं पंचहा ॥८॥

॥ श्रीउत्तराध्ययनसूत्रं ॥

९९

पू. सागरजी य. संस्केषित

वन्नओ परिणया जे उ, पंचहा ते पकित्तिया। किण्हा नीला य लोहिया, हालिदा सुक्किला तहा॥१॥ गंधओ परिणया जे य,
 दुविहा ते वियाहिया। सुब्धिगंधपरिणामा, दुब्धिगंधा तहेव य॥१३१०॥ रसओ परिणया जे उ, पंचहा ते पकित्तिया।
 तित्तकडुयकसाया, अंबिला महरा तहा॥१॥ फासओ परिणया जे उ, अट्टहा ते पकित्तिया। कक्खडा मउया चेव, गुरुया लहुया
 तहा॥२॥ सीया उण्हा य निद्धा य, तहा लुक्खा य आहिया। इति फासपरिणया एए, पुगला समुदाहिया॥३॥ संठाणपरिणया
 जे उ, पंचहा ते पकित्तिया। परिमंडला य वट्टा य, तंसा चउरंसमायया॥४॥ वण्णओ जे भवे किण्हे, भइए से उ गंधओ। रसओ
 फासओ चेव, भइए संठाणओऽविय॥५॥ वण्णओ जे भवे नीले, भइए०॥६॥ वण्णओ लोहिए जे उ, भइए से उ गंधओ। रसओ
 फासओ चेव, भइए संठाणओवि य॥७॥ वण्णओ पीआए जे उ, भइए से उ गंधओ। रसओ फासओ चेव, भइए संठाणओऽविअ॥८॥
 वण्णओ सुक्किले जे उ, भइए से उ गंधओ। रसओ फासओ चेव, भइए संठाणओऽविअ॥९॥ गंधे जे भवे सुब्धी, भइए से
 उ वण्णओ। रसओ फासओ चेव, भइए संठाणओऽविअ॥१४००॥ गंधओ जे भवे दुब्धी, भइए से उ वण्णओ। रसओ फासओ
 चेव, भइए संठाणओविय॥१॥ रसओ तित्तओ जे उ, भइए से उ वन्नओ। गंधओ फासओ चेव, भइए संठाणओविय॥२॥ रसओ
 कडुए जे उ, भइए से उ वण्णओ। गंधओ फासओ चेव, भइए संठाणओविय॥३॥ रसओ कसाए जे उ, भइए से उ वण्णओ।
 गंधओ फासओ चेव, भइए संठाणओविय॥४॥ रसओ अंबिले जे उ, भइए से उ वण्णओ। गंधओ फासओ चेव, भइए

संठाणओऽविओ॥५॥ रसओ महुरए जे उ, भइए से उ वण्णओ। गंधओ रसओ चेव, भइए संठाणओविय॥६॥ फासओ कक्खडे
 जे उ, भइए से उ वण्णओ। गंधओ रसओ चेव, भइए संठाणओविय॥७॥ फासओ मउए जे उ, भइए से उ वण्णओ। गंधओ
 रसओ चेव, भइए संठाणओविय॥८॥ फासओ गुरुए जे उ, भइए से उ वण्णओ। गंधओ रसओ चेव, भइए संठाणओविय॥९॥
 फासओ लहुए जे उ, भइए से उ वण्णओ। गंधओ रसओ चेव, भइए संठाणओविय॥१४१०॥ फासओ सीअए जे उ, भइए
 से उ वण्णओ। गंधओ रसओ चेव, भइए संठाणओविय॥१॥ फासओ उण्हए जे उ, भइए से उ वण्णओ। गंधओ रसओ चेव,
 भइए संठाणओविय॥२॥ फासओ निद्धए जे उ, भइए से उ वण्णओ। गंधओ रसओ चेव, भइए संठाणओविय॥३॥ फासओ
 लुक्खए जे उ, भइए से उ वण्णओ। गंधओ रसओ चेव, भइए संठाणओविय॥४॥ परिमंडलसंठाणे, भइए से उ वण्णओ। गंधओ
 रसओ चेव, भइए फासओविय॥५॥ संठाणओ भवे वट्टे, भइए से उ वण्णओ। गंधओ रसओ चेव, भइए फासओविय॥६॥
 संठाणओ भवे तंसे, भइए से उ वण्णओ। गंधओ रसओ चेव, भइए फासओऽविय॥७॥ संठाणओ च चउरंसे, भइए से उ वण्णओ।
 गंधओ रसओ चेव, भइए फासओविय॥८॥ जे आयसंठाणे, भइए से उ वण्णओ। गंधओ रसओ चेव, भइए फासओविय॥९॥
 एसा अजीवविभत्ती, समासेण वियाहिया। इत्तो जीवविभत्तिं, वुच्छामि आणुपुव्वसो॥१४२०॥ संसारत्था य सिद्धा च, दुविहा
 जीवा वियाहिया। सिद्धा णेगविहा वुत्ता, तं मे कित्तयओ सुण॥१॥ इत्थी पुरिससिद्धा य, तहेव य नपुंसगा। सलिंगे अन्नलिंगे

य, गिहिलिंगे तहेव य॥२॥ उक्को सोगाहणाए य, जहन्नमज्झिमाइ यो उड्ढं अहे य तिरियं च, समुद्धंमि जलंमि य॥३॥ दस य
 नपुंसएसु, वीसं इत्थियासु यो पुरिसेसु य अट्ठसयं, समए णेगेण सिज्झई॥४॥ चत्तारि य गिहिलिंगे, अन्नलिंग दसेव यो सल्लिगेण
 य अट्ठसयं, समए णेगेण सिज्झई॥५॥ उक्कोसोगाहणाए उ, सिज्झंते जुगवं दुवे। चत्तारि जहन्नाए, जवमज्झदत्तुत्तरं सयं॥६॥
 चउरुड्ढलोए य दुवे समुद्धे, तओ जले वीसमहे तहेव। सयं च अट्ठत्तुत्तर तिरियलोए, समए णेगेण उ सिज्झई धुवं॥७॥ कहिं
 पडिहया सिद्धा?, कहिं सिद्धा पडिडिया?। कहिं बुद्धिं चइत्ताणं?, कत्थ गंतूण सिज्झइ?॥८॥ अलोए पडिहया सिद्धा, लोयगो य
 पडिडिया। इहं बुद्धिं चइत्ताणं, तत्थ गंतूण सिज्झई॥९॥ बारसहिं जोयणेहिं, सब्बट्ठस्सुवरिं भवे। ईसीपब्भारनामा उ, पुढवी
 छत्तसंठिया॥१४३०॥ पणयाल सयसहस्सा, जोअणाणं तु आयया। तावइयं चेव विच्छिन्ना, तिगुणो साहिय(तस्सेव) परिरओ॥१॥
 अट्ठजोयणबाहल्ला, सा मज्झंमि विया हिया। परिहायंती चरिमंते, मच्छीपत्ताउ तणुययरी॥२॥ अज्जुणसुवन्नगमई सा पुढवी निम्मला
 सहावेणं। उत्ताणयछत्तयसंठिया य भणिया जिणवरेहिं॥३॥ संखंककुंदसंकासा, पंडुरा निम्मला सुभा। सीआए जोअणे तत्तो, लोयंतो
 उ वियाहिओ॥४॥ जोअणास्स उ जो तत्थ, कोसो उवरिमो भवे। तस्स कोसस्स छब्भाए, सिद्धाणोगाहणा भवे॥५॥ तत्थ सिद्धा
 महाभागा, लोगगंमि पडिडिया। भवप्पवंचउम्भुक्का, सिद्धिं वरगइं गया॥६॥ उस्सेहो जस्स जो होइ, भवंमि चरमंमि उ। तिभागहीणा
 तत्तो य, सिद्धाणोगाहणा भवे॥७॥ एगत्तेण य साईया, अपज्जवसियाविय। पुहुत्तेण अणाईया, अपज्जवसियाविय॥८॥ अरूविणो

जीवगणा, नाणदंसणसन्निया। अउलं सुह संपत्ता, उवमा जस्स नत्थि ३॥९॥ लोएगदेसे ते सव्वे, नाणदंसणसन्निया। संसारपारनित्थिन्ना, सिद्धिं वरगई गया॥१४४०॥ संसारत्था उ जे जीवा, दुविहा ते वियाहिया। तसा य थावरा चेव, थावरा तिविहा तहिं॥१॥ पुढवी आउजीवा य, तहेव य वणस्सई। इच्चेए थावरा तिविहा, तेसिं भेए सुणेह मे॥२॥ दुविहा पुढविजीवा उ, सुहुमा बायरा तहा। पज्जत्तमप्पज्जत्ता, एवमेव दुहा पुणो॥३॥ बायरा जे उ पज्जत्ता, दुविहा ते वियाहिया। सण्हा खरा य बोद्धव्वा, सण्हा सत्तविहा तहिं॥४॥ किण्हा नीला य रुहिरा य, हालिदा सुविकला तहा। पंडुपणग मट्टिया, खरा छत्तीसईविहा॥५॥ पुढवी य सक्करा वालुया य उवले सिला य लोणूसे। अयतउयतंबसीसगरुप्पसुवन्ने य वड्ढे य॥६॥ हरियाले हिंगुलुए, मणोसिला सासगंजण पवालै। अब्भपडलऽब्भवालुय बायरकाए मणिविहाणा॥७॥ गोमिज्जाए य रुयगे अंके फलिहे य लोहियक्खे य। मरगय मसारगल्ले भुयमोयग इंदनीले य॥८॥ चंदण गेरुय हंसगब्भे पुलए सोगंधिए य बोद्धव्वे। चंदप्पभ वेरुलिए जलकंते सूरकंते य॥९॥ एए खरपुढवीए, भेया छत्तीसमाहिया। एगविहमनाणत्ता, सुहुमा तत्थ वियाहिया॥१४५०॥ सुहुमा य सव्वलोगंमि, लोगदेसे य बायरा। एत्तो कालविभागं तु, तेसिं वुच्छं चउव्विहं॥१॥ संतइं पप्पऽणाईया, अपज्जवसियाविय। ठिइं पडुच्च साईया, सपज्जवसियाविय॥२॥ बावीससहस्साइं, वासाणुक्कोसिया भवे। आउठिई पुढवीणं, अंतोमुहुत्तं जहन्निया॥३॥ असंखकालमुक्कोसा, अंतोमुहुत्तं जहन्नयं। कायठिई पुढवीणं, तं कायं तु अमुंचओ॥४॥ अणंतकालमुक्कोसं, अंतोमुहुत्तं जहन्नयं। विजढंमि सए काए, पुढविजीवाण अंतरं॥५॥

एएसिं वन्नओ चेव, गंधओ रसफासओ। संठाणादेसओ वावि, विहाणाइं सहस्ससो॥६॥ दुविहा आउजीवा उ, सुहुमा बायरा तहा।
 पज्जत्तमपज्जत्ता, एवमेव दुहा पुणो॥७॥ बायरा जे उ पज्जत्ता, पंचहा ते पक्कित्तिया। सुद्धोदए य उस्से य, हरयणू महिया हिमे॥८॥
 एगविहमणाणत्ता, सुहुमा तत्थ वियाहिया। सुहुमा सव्वलोगंमि, लोगदेसे य बायरा॥९॥ संतइं० ॥१४६०॥ सत्तेव सहस्साइं,
 वासाणुक्कोसिया भवे। आउठिई आऊणं, अंतोमुहुत्तं जहन्नयं॥१॥ असंखकालमुक्कोसा॥ कायठिई आऊणं०॥२॥ अणंतकालमुक्कोसं०।
 विजडंमि सए काए, आउजीवाण अंतरं॥३॥ एएसिं वन्नओ०॥४॥ दुविहा वणस्सईजीवा, सुहुमा बायरा तहा। पज्जत्तमपज्जत्ता,
 एवमेव दुहा पुणो॥५॥ बायरा जे उ पज्जत्ता, दुविहा ते वियाहिया। साहारणसरीरा य, पत्तेगा य तहेव य॥६॥ पत्तेयसरीरा उ,
 णेगहा ते पक्कित्तिया। रुक्खा गुच्छा य गुम्मा य, लगया वल्ली तणा तहा॥७॥ वलय पव्वया कुहणा, जलरुहा ओसही तिणा।
 हरियकाया उ बोद्धव्वा, पत्तेया इति आहिया॥८॥ साहारणसरीरा उ, णेगहा ते पक्कित्तिया। आलुए मूलए चेव, सिंगबेरे तहेव
 य॥९॥ हिरिली सिरिली सिस्सिरीली, जावई केय कंदली। पलंडुल्लसुण कंदे य, कंदली य कुहव्वये॥१४७०॥ लोही णीहू य
 थीहू य, तुहगा य तहेव य। कण्हे य वज्जकंदे य, कंदे सूरणए तहा॥१॥ अस्सकन्नी य बोद्धव्वा, सीहकन्नी तहेव य। मुसुंढी
 य हलिद्दा य, णेगहा एवमायओ॥२॥ एगविहमणाणत्ता०॥३॥ संतइं पप्पड्णाईआ०॥४॥ दस चेव सहस्साइं, वासाणुक्कोसिया
 भवे। वणस्सईणं आउं तु अंतोमुहुत्तं जहन्नयं॥५॥ अणंतकाल०। कायठिई पणगाणं०॥६॥ असंखकालमुक्कोसा, अंतोमुहुत्तं जहन्नयं।

विझढंमि सए काए, पणगजीवाण अंतरं॥७॥ एएसिं वण्णओ० ॥८॥ इच्चेए थावरा तिविहा, समासेण वियाहिया। इत्तो उ तसे
 तिविहे, वुच्छामि अणुपुव्वसो॥९॥ तेऊ वाऊ य बोद्धव्वा, ओराला य तसा तहा। इच्चेए तसा तिविहा, तेसिं भेए सुणेह मे॥१४८०॥
 दुविहा तेउजीवा उ, सुहुमा बायरा तहा। पज्जत्तमपज्जत्ता, एवमेव दुहा पुणो॥१॥ बायरा जे उ पज्जत्ता, णेगहा ते वियाहिया।
 इंगाले मुम्भुरे अगणी, अच्चिं जाला तहेव य॥२॥ उक्का विज्जू य बोद्धव्वा, णेगहा एवमायओ। एगविहमणाणत्ता, सुहुमा ते
 वियाहिया॥३॥ सुहुमा०॥४॥ संतइं पप्प०॥५॥ तिन्नेव अहोरत्ता, उक्कोसेण वियाहिया। आउठिई तेऊणं, अंतोमुहुत्तं जहन्नयं॥६॥
 असंखकालमुक्कोसा०। कायठिई तेऊणं०॥७॥ अणंतकालमुक्कोसं, अंतोमुहुत्तं जहन्नयं। विझढंमि सए काए, तेउजीवाण अंतरं॥८॥
 एएसिं वन्नओ०॥९॥ दुविहा वाउजीवा य, सुहुमा बायरा तहा। पज्जत्तमपज्जत्ता, एवमेव दुहा पुणो॥१४९०॥ बायरा जे उ पज्जत्ता,
 पंचहा ते पक्कित्तिया। उक्कलिया मंडलिया, घण गुंजा सुद्धवाया य॥१॥ संवट्टगवाए य, णेगहा एवमाअओ। एगविहमणाणत्ता,
 सुहुमा तत्थ वियाहिया॥२॥ सुहुमा सव्वलो०॥३॥ संतइं पप्प०॥४॥ तिन्नेव सहस्साइं, वासाणुक्कोसिया भवे। आउठिई वाऊणं
 अंतोमुहुत्तं जहन्नयं॥५॥ असंखकाल०। कायठिई वाऊणं०॥६॥ अणंतकालमुक्कोसं०। विजढंमि सए काए, वाउजीवाण अंतरं॥७॥
 एएसिं वन्नओ०॥८॥ ओराला तसा जे उ, चउहा ते पक्कित्तिया। बेइंदिय तेइंदिय, चउरो पंचिंदिया चेव॥९॥ बेइंदिया उ जे जीवा,
 दुविहा ते पक्कित्तिया पज्जत्तमपज्जत्ता, तेसिं भेए सुणेह मे॥१५००॥ किमिणा सोमंगला चेव, अलसा माइवाहया। वासीमुहा य

सिष्पीया, संखा संखणगा तहा ॥१॥ पल्लोयाऽणुल्लया चेव, तहेव य वराडगा। जलूगा जालगा चेव, चंदणा य तहेव य ॥२॥ इति
 बेइंदिया एए, णेगहा एवमायओ। लोएगदेसे ते सव्वे, न सव्वत्थ वियाहिया ॥३॥ संतइं० ॥४॥ वासाइं बारसेव उ, उक्कोसेण
 वियाहिया। बेइंदियआउठिई, अंतोमुहुत्तं जहन्नयं ॥५॥ संखिज्जकालमुक्कोसा, अंतोमुहुत्तं जहन्नयं। बेइंदियकायठिई० ॥६॥ अणंतकाल०।
 बेइंदियजीवाणं, अंतरेयं वियाहियं ॥७॥ एएसिं वन्नओ० ॥८॥ तेइंदिया य जे जीवा, दुविहा ते पकित्तिया। पज्जत्तमपज्जत्ता, तेसिं
 भेए सुणेह मे ॥९॥ कुंथु पिवीलिउइंसा, उक्कलुइंदिया तहा। तणहारा कट्टहारा य, मालुगा पत्तहारगा ॥१५१०॥ कप्पासिऽट्ठिमिंजा
 य, तिंदुगा तउसमिंजगा। सदावरी य गुम्भी य, बोद्धव्वा इंदगाइ य ॥१॥ इंदगोवसमाईया, णेगहा एवमायओ। लोएगदेसे ते सव्वे,
 न सव्वत्थ वियाहिया ॥२॥ संतइं पप्प० ॥३॥ एगूणवन्नऽहोरत्ता, उक्कोसेण वियाहिया। तेइंदियआउठिई, अंतोमुहुत्तं जहन्नयं ॥४॥
 संखिज्जकालमुक्कोसा०। तेइंदियकायठिई० ॥५॥ अणंतकालमुक्कोसं०। तेइंदियजीवाणं० ॥६॥ एएसिं वन्नओ० ॥७॥ चउरिंदिया
 उ जे जीवा, दुविहा ते पकित्तिया। पज्जत्तमपज्जत्ता, तेसिं भेए सुणेह मे ॥८॥ अंधिया पुत्तिया चेव, मच्छिया मसगा तहा। भमरे
 कीड पयंगे य, ढिंकणे कुंकणे तहा ॥९॥ कुक्कडे सिंगिरीडी य, नंदावत्ते य विच्छिए। डोले भिंगिरिडिओ, विरिली अच्छिवेहए
 ॥१५२०॥ अच्छिरे माहले अच्छि (रोडए), विचित्ते चित्तपत्तए। ओहिंजलिया जलकारी य नीया तंबबगाइया ॥१॥ इइ चउरिंदिया
 एए, णेगहा एवमायओ। लोगस्स एगदेसंमि, ते सव्वे परिकित्तिया ॥२॥ संतइं पप्प० ॥३॥ छच्चेव य मासाऊ, उक्कोसेण वियाहिया।

चउरिदियआउठिई, अंतोमुहुत्तं जहन्नयं॥४॥ संखिज्जकालमुक्कोसं, अंतोमुहुत्तं जहन्नयं। चउरिदियकायठिई०॥५॥ अणंतकालमुक्कोसं,
 अंतोमुहुत्तं जहन्नयं०॥६॥ एएसिं वन्नओ०॥७॥ पंचिंदिया उ जे जीवा, चउव्विहा ते वियाहिया। नेरइया तिरिक्खा य, मणुया देवा
 य आहिया॥८॥ नेरइया सत्तविहा, पुढवीसू सत्तसू भवे। रयणाभ सक्कराभा, वालुयाभा य आहिया॥९॥ पंकाभा धूमाभा, तमा
 तमतमा तहा। इइ नेरइया एए, सत्तहा परिकित्तिया॥१५३०॥ लोगस्स एगदेसंमि, ते सव्वे उ वियाहिया। इत्तो कालविभागं तु,
 तेसिं वुच्छं चउव्विहं॥१॥ संतइं पप्प०॥२॥ सागरोवममेगं तु, उक्कोसेण वियाहिया। पढमाइ जहन्नेणं, दसवाससहस्सिया॥३॥ तिन्नेव
 य सागराऊ, उक्कोसेण वियाहिया। दुच्चाए जहन्नेणं, एगं तू सागरोवमं॥४॥ सत्तेव सागराऊ, उक्कोसेण वियाहिया। तईयाए जहन्नेणं,
 तिन्नेव उ सागरोवमा॥५॥ दससागरोवमाऊ, उक्कोसेण वियाहिया। चउत्थीइ जहन्नेणं, सत्तेव उ सागरोवमा॥६॥ सत्तरससागराऊ,
 उक्कोसेण वियाहिया। पंचमाए जहन्नेणं, दस चेव उ सागरा॥७॥ बावीससागराऊ, उक्कोसेण वियाहिया। छट्ठीइ जहन्नेणं, सत्तरस
 सागरोवमा॥८॥ तिन्नीससागराऊ, उक्कोसेण वियाहिया। सत्तमाए जहन्नेणं, बावीसं सागरोवमा॥९॥ जा चेव उ आउठिई, नेरइयाणं
 वियाहिया। सा तेसिं कायठिई, जहन्नक्कोसिया भवे॥१५४०॥ अणंतकालमुक्कोसं०। णेरइयाणं तु अंतरं॥१॥ एएसिं वन्नओ
 चेव०॥२॥ पंचिंदियतिरिक्खा उ, दुविहा ते वियाहिया। संमुच्छिमतिरिक्खा उ, गम्भवक्कित्तिया तहा॥३॥ दुविहावि ते भवे तिविहा,
 जलयरा थलयरा तहा। खहयरा य बोद्धव्वा, तेसिं भेए सुणेह मे॥४॥ मच्छा य कच्छभा य, गाहा य मगरा तहा। सुसुमारा य

बोद्धव्वा, पंचहा जलयराऽऽहिया ॥५॥ लोएगदेसे ते सव्वे, न सव्वत्थ वियाहिया। इत्तो कालविभागं तु, तेसिं वुच्छं चउव्विहं ॥६॥
 संतइं पप्प० ॥७॥ इक्का य पुव्वकोडीओ, उक्कोसेण वियाहिया। आउठिई जलयराणं, अंतोमुहुत्तं जहन्नयं ॥८॥ पुव्वकोडीपुहुत्तं
 तु, उक्कोसेण वियाहिया। कायठिई जलयराणं, अंतोमुहुत्तं जहन्नयं ॥९॥ अणंतकालमुक्कोसं० जलयराणं तु अंतरं ॥१५५०॥ एएसिं
 वन्नओ० ॥१॥ चउप्पया य परिसप्पा, दुविहा थलयरा भवे। चउप्पया चउविहा उ, ते मे कित्तयओ सुण ॥२॥ एगखुरा दुखुरा चेव,
 गंडीपय सनप्फया। हयमाइ गोणमाई, गयमाई सीहमाइणो ॥३॥ भुओरगपरिसप्पा, परिसप्पा दुविहा भवे। गोहाई अहिमाईया,
 इक्किक्का णेगहा भवे ॥४॥ लोएगदेसे ते सव्वे, न सव्वत्थ वियाहिया। इत्तो कालविभागं तु, तेसिं वुच्छं चउव्विहं ॥५॥ संतइं
 पप्प० ॥६॥ पलिओवमा उ तिन्नि उ, उक्कोसेण वियाहिया। आउठिई थलयराणं, अंतोमुहुत्तं जहन्नयं ॥७॥ पलिओवमा उ तिन्नि उ,
 उक्कोसेण वियाहिया। पुव्वकोडीपुहुत्तं तु, अंतोमुहुत्तं जहन्नयं ॥८॥ कायठिई थलयराणं, अंतरं तेसिमं भवे। कालं अणंतमुक्कोसं,
 अंतोमुहुत्तं जहन्नयं ॥९॥ विझढंमि सए काए, थलयराणं तु अंतरं। चम्मे उ लोमपक्खीया, तइया समुग्गपक्खिया ॥१५६०॥
 विययपक्खी य बोद्धव्वा, पक्खिणो य चउव्विहा। लोएगदेसे ते सव्वे, न सव्वत्थ वियाहिया ॥१॥ संतइं पप्प० ॥२॥ पलिओवमस्स
 भागो, असंखिज्जइमो भवे। आउठिई खहयराणं, अंतोमुहुत्तं जहन्नयं ॥३॥ असंखभागो पलियस्स, उक्कोसेण उ साहिओ।
 पुव्वकोडीपुहुत्तेणं, अंतोमुहुत्तं जहन्नयं ॥४॥ कायठिई खहयराणं, अंतरं ते(रेयं)वियाहियं। अणंतकालमुक्कोसं, अंतोमुहुत्तं

जहन्नयं ॥५॥ एसिं वन्नओ० ॥६॥ मणुया दुविहभेया उ, ते मे कित्तयओ सुण। संमुच्छिमाइ मणुया, गब्भवक्कंतिया तहा ॥७॥
 गब्भवक्कंतिया जे उ, तिविहा ते वियाहिया। अकम्मकम्मभूमा य, अंतरदीवगा तहा ॥८॥ पनरस तीसइविहा, भेआ अट्टवीसई। संखा
 उ कमसो तेसिं, इह एसा वियाहिया ॥९॥ संमुच्छिमाण एसेव, भेओ होइ आहिओ। लोगस्स एगदेसंमि, ते सब्बेऽवि
 वियाहिया ॥१५७०॥ संतइं पप्प० ॥१॥ पलिओवमाइं तिन्नि उ, उक्कोसेण वियाहिया। आउठिई मणुयाणं, अंतोमुहुत्तं जहन्नयं ॥२॥
 पलिओवमाइं तिन्नि उ, उक्कोसेण वियाहिया। पुव्वकोडिपुहुत्तेणं, अंतोमुहुत्तं जहन्नयं ॥३॥ कायठिई मणुयाणं, अंतरं तेसिमं भवे।
 अणंतकालमुक्कोसं, अंतोमुहुत्तं जहन्नयं ॥४॥ एसिं वन्नओ० ॥५॥ देवा चउव्विहा वुत्ता, ते मे कित्तयओ सुण। भोमिज्ज वाणमंतर,
 जोइस वेमाणिया तहा ॥६॥ दसहा उ भवणवासी, अट्टहा वणचारिणो। पंचविहा जोइसिया, दुविहा वेमाणिया तहा ॥७॥ असुरा
 नाग सुवण्णा, विज्जू अग्गी य आहिया। दीवोदही दिसा वाया थणिया भवणवासिणो ॥८॥ पिसाय भूया जक्खा य, रक्खसा
 किन्नरा य किंपुरिसा। महोरगा य गंधव्वा, अट्टविहा वाणमंतरा ॥९॥ चंदा सूरु य नक्खत्ता, गहा तारागणा तहा। दिसाविचारिणो
 चेव, पंचहा जोइसालया ॥१५८०॥ वेमाणिया उ जे देवा, दुविहा ते पकित्तिया। कप्पोवगा य बोद्धव्वा, कप्पाइया तहेव य ॥१॥
 कप्पोवगा बारसहा, सोहम्मीसाणगा तहा। सणंकुमारमाहिंदा, बंभलोगा य लंतगा ॥२॥ महासुक्का सहस्सारा, आणया पाणया
 तहा। आरणा अच्चुया चेव, इइ कप्पोवगा सुरा ॥३॥ कप्पाइया उ जे देवा, दुविहा ते वियाहिया। गेविज्जगाणुत्तरा चेव, गेविज्जा


नवविहा तहिं ॥४॥ हिडिमाहिडिमा चेव, हिडिमामज्झिमा तहा। हिडिमाउवरिमा चेव, मज्झिमाहिडिमा तहा ॥५॥ मज्झिमामज्झिमा चेव, मज्झिमाउवरिमा तहा। उवरिमाहिडिमा चेव, उवरिमामज्झिमा तहा ॥६॥ उवरिमाउवरिमा चेव, इइ गेविज्जगा सुरा। विजया वेजयंता य, जयंता अप्पराजिया। ॥७॥ सव्वट्ठसिद्धगा चेव, पंचहाणुत्तरा सुरा। इइ वेमाणिया एए, णेगहा एवमायओ ॥८॥ लोगस्स एगदेसंमि, ते सव्वे परिकित्तिया। इत्तो कालविभागं तु, तेसिं वुच्छं चउव्विहं ॥९॥ संतइं पप्पणाईया, अपज्जवसियाविय। ठिइं पडुच्च साईया, सपज्जवसियाविया ॥१५१०॥ साहीयं सागरं इक्कं, उक्कोसेण ठिई भवे। भोमिज्जाण जहन्नेणं, दसवाससहस्सिया ॥१॥ पलिओवममेगं तु, उक्कोसेण वियाहियं। वंतराणं जहन्नेणं, दसवाससहस्सिया ॥२॥ पलिओवममेगं तु, वासलक्खेण साहियं। पलिओवमद्वभागो, जोइसेसु जहन्त्रिया ॥३॥ दो चेव सागराइं, उक्कोसेणं वियाहिया। सोहम्मंमि जहन्नेणं, एगं च पलिओवमं ॥४॥ सागरा साहिया दुन्नि, उक्कोसेण वियाहिया। ईसाणंमि जहन्नेणं, साहियं पलिओवमं ॥५॥ सागराणि य सत्तेव, उक्कोसेण ठिई भवे। सणंकुमारे जहन्नेणं, दुन्नि ऊ सागरोवमा ॥६॥ सागरा साहिया सत्त, उक्कोसेण वियाहिया। माहिंदंमि जहन्नेणं, साहिया दुन्नि सागरा ॥७॥ दस चेव सागराइं, उक्कोसेण वियाहिया। बंभलोए जहन्नेणं सत्त उ सागरोवमा ॥८॥ चउदस उ सागराइं, उक्कोसेण वियाहिया। लंतगंमि जहन्नेणं, दस उ सागरोवमा ॥९॥ सत्तरस सागराइं, उक्कोसेण वियाहिया। महासुक्के जहन्नेणं, चउदस सागरोवमा ॥१६००॥ अट्टारस गाराइं, उक्कोसेण वियाहिया। सहस्सारे जहन्नेणं, सत्तरस सागरवोमा ॥१॥ सागरा अउणवीसं तु, उक्कोसेण ठिई भवे। आणयंमि जहन्नेणं,

अट्टारस सागरोवमा ॥२॥ वीसं तु(सई)सागराइं तु, उक्कोसेण ठिई भवे। पाणयंमि जहन्नेणं, सागरा अउणवीसई ॥३॥ सागरा इक्कवीसं तु, उक्कोसेण ठिई भवे। आरणंमि जहन्नेणं, वीसई सागरोवमा ॥४॥ बावीस सागराइं, उक्कोसेण ठिई भवे। अच्युयंमि जहन्नेणं, सागरा इक्कवीसई ॥५॥ तेवीससागराइं, उक्कोसेणं ठिई भवे। पढमंमि जहन्नेणं, बावीसं सागरोवमा ॥६॥ चउवीसं सागराइं, उक्कोसेण ठिई भवे। बिइयंमि जहन्नेणं, तेवीसं सागरोवमा ॥७॥ पणवीस सागरा ऊ, उक्कोसेण ठिई भवे। तइयंमि जहन्नेणं, चउवीसं सागरोवमा ॥८॥ छव्वीस सागराइं, उक्कोसेण ठिई भवे। चउत्थयंमि जहन्नेणं, सागरा पणवीसई ॥९॥ सागरा सत्तवीसं तु, उक्कोसेण ठिई भवे। पंचमंमि जहन्नेणं, सागरा उ छवीसई ॥१०॥ सागरा अट्टवीसं तु, उक्कोसेणं ठिई भवे। छट्ठंमि जहन्नेणं, सागरा सत्तवीसई ॥१॥ सागरा अउणतीसं तु, उक्कोसेण ठिई भवे। सत्तमंमि जहन्नेणं, सागरा अट्टवीसई ॥२॥ तीसं तु सागराइं, उक्कोसेणं ठिई भवे। अट्टमंमि जहन्नेणं, सागरा अउणतीसई ॥३॥ सागरा इक्कतीसं तु, उक्कोसेण ठिई भवे। नवमंमि जहन्नेणं, तीसई सागरोवमा ॥४॥ तित्तीस सागरा ऊ, उक्कोसेण ठिई भवे। चउसुंमि विजयाईसुं, जहन्ना इक्कतीसई ॥५॥ अजहन्नमणुक्कोसं, तित्तीसं सागरोवमा। महाविमाणसव्वट्ठे, ठिई एसा वियाहिया ॥६॥ जा चेव उ आउठिई, देवाणं तु वियाहिया। सा तेसिं कायठिई, जहन्नमुक्कोसिया भवे ॥७॥ अणंतकालमुक्कोसं, अंतो०। देवाणं हुज्ज अंतरं ॥८॥ एएसिं वन्नओ० ॥९॥ संसारत्था य सिद्धा य, इह (इ) जीवा वियाहिया। रूविणो चेवऽरूवी य, अजीवा दुविहाविय ॥१०॥ इइ जीवमजीवे य, सुच्चा सद्धिऊण य। सव्वनयाण

अणुमए, रमिज्जा संजमे मुणी ॥१॥ तओ बहूणि वासाणि, सामन्नमणुपालिया। इमेणं कमजोगेणं, अप्पाणं संलिहे मुणी ॥२॥ बारसेव
 उ वासाइं, संलेहुक्कोसिया भवे। संवच्छरं मज्झिमिया, छम्मासा य जहन्निया ॥३॥ पढमे वासचउक्कंमि, विगई निज्जूहणं करे।
 बिइए वासचउक्कंमि विचित्तं तु तवं चरे ॥४॥ एगंतरमा थामं, कटटु संवच्छरे दुवे। तओ संवच्छरब्बं तु, विगिद्धं तु तवं चरे ॥५॥
 तओ संवच्छरब्बं तु, नाइविगिद्धं तवं चरे। परिमियं चेव आयामं, तंमि संवच्छरे करे ॥६॥ कोडीसहियमायामं, कटटु संवच्छरे मुणी।
 मासद्धमासिएणं तु, आहारेणं तवं चरे ॥७॥ कंदप्पमाभिओगं किब्बिसियं मोहमासुरत्तं च। एयाओ दुग्गईओ मरणंमि विराहिया (ए) हुंति ॥८॥
 मिच्छादंसणरत्ता, सनियाणा हु हिंसगा। इय जे मरंति जीवा, तेसिं पुण दुल्लहा बोही ॥९॥ सम्मदंसणरत्ता अनियाणा सुक्कलेसमोगाढा।
 इय जे मरंति जीवा सुलभा तेसिं भवे बोही ॥१०॥ मिच्छादंसणरत्ता सनियाणा कणहलेसमोगाढा। इय जे मरंति जीवा तेसिं
 पुण दुल्लहा बोही ॥११॥ जिणवयणे अणुरत्ता जिणवयणं जे करंति भावेणं। अमला असंकिलिद्धा ते हुंति परित्तसंसारी ॥१२॥
 बालमरणाणि बहुसो अकाममरणाणि चेव बहुयाणि। मरिहंति ते वराया जिणवयणं जे न याणंति ॥१३॥ बहुआगमविन्नाणा
 समाहिउप्पायगा य गुणगाही। एएण कारणेणं अरिहा आलोयणं सोउं ॥१४॥ कंदप्प कोक्कुईया तहसीलसहाव हासविगहाहिं।
 विम्हावित्तो य परं कंदप्पं भावणं करइ ॥१५॥ मंताजोगं काउं भूईकम्मं च जे पउंजंति। सायरसइडिढहेउं अभिओगं भावणं कुणइ ॥१६॥
 नाणस्स केवलीणं धम्मायरियस्स संघसाहूणं। भाई अवन्नवाई किब्बिसियं भावणं कुणइ ॥१७॥ अणुबद्धरोसपसरो तह य निमित्तंमि

होइ पडिसेवी। एएहिं कारणेहिं आसुरियं भावणं कुणइ ॥८॥ सत्थंगहणं विसभक्खणं च जलणं च जलपवेसो य। अणयारभंडसेवी जम्भणमरणाणि बंधंति ॥९॥ इति पाउकरे बुद्धे, नायए परिनिव्वुए। छत्तीसं उत्तरज्झाए, भवसिद्धीयसंमए ॥१६४०॥ ति बेमि, जीवाजीवविभत्ती ३६ ॥ सूत्राणि ॥८८॥ इति श्री उत्तराध्ययनं सूत्रं संपूर्ण ॥ प्रभु महावीरस्वामीनी पट्टपरंपरानुसार कोटीगण-वैरी शाखा-चा-ल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक, सैलाना नरेश प्रतिबोधक, देवसूर तपागच्छ, समाचारी संरक्षक, आगमोद्धारक पूज्यपाद आचार्यदेवेश श्री आनंदसागर सूरीश्वरजी महाराजा शिष्य प्रौढ प्रतापी-सिद्धचक्र आराधक समाज संस्थापक पूज्यपाद आचार्य श्री चन्द्रसागर सूरीश्वरजी म. सा. शिष्य चारित्र चूडामणी, हास्य विजेतामालवोद्धारक महोपाध्याय श्री धर्मसागरजी म.सा. शिष्य आगम विशारद, नमस्कार महामंत्र समाराधक पूज्यपाद पंन्यास प्रवर श्री अभयसागरजी म. सा. शिष्य शासन प्रभावक, नीडर वक्ता पू. आ. श्री अशोकसागर सूरीजी म.सा. शिष्य परमात्म भक्ति रसभूत पू. आ. श्री जिनचन्द्रसागर सू.म.सा. लघुगुरुभ्राता प्रवचन प्रभावक पू.आ. श्री हेमचन्द्रसागर म.सा. शिष्य पू. गणी श्री पूर्णचन्द्रसागरजी म. सा. आ आगमिक सूत्र अंगे सं. २०५८ /५९/६० वर्ष दरम्यान संपादन कार्य माटे महेनत करी प्रकाशन दिने पू. सागरजी म. संस्थापित प्रकाशन कार्यवाहक जैनानंद पुस्तकालय, सुरत द्वारा प्रकाशित करेल छे...

॥ श्री उत्तराध्ययन सूत्रम् ॥



પૂ. આચાર્યદેવ શ્રી જાનંદસામરસૂરીશ્વરજી મ.સા.ના ચરણે શત્ શત્ પંદબ...